

ՎԱՐԺՈՒԹԻՒՆ
Փ Ո Ւ Ա Ս Ա Ց

Մ Ա Ն Կ Ա Ն Ց




Ի ՏՊԱՐԱՆԻ ԱՌԱՔԵԼԱԿԱՆ Ս. ԱԹՈՒՈՑ
ՍՐԲՈՑ ՇԱԿՈՎՔԵԱՆՑ
ՅԵՐՈՒՍԱԼԷՄ

—
1903



3



ՎԱՐԺՈՒԹԻՒՆ Փ Ո Ւ Ա Ս Ա Յ


Մ Ա Ն Կ Ա Ն Ց

A
7545



Ի ՏՊԱՐԱՆԻ ԱՌԱՔԵԼԱԿԱՆ Ս. ԱԹՈՌՈՑ
ՍՐԲՈՑ ԶԱԿՈՎՔԵԱՆՑ
ՅԵՐՈՒՍԱԴԷՄ

1903



Ի ՀԱՅՐԱՊԵՏՈՒԹԵԱՆ
Տ. Տ. ՄԿՐՏՉԻ Ա.
ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

ՀՐԱՄԱՆԱԻ
ՊԱՏՐԻԱՐԲԻ ՍՐԲՈՑ ԵՐՈՒՍԱՂԷՄԻ
Տ. ՅԱՐՈՒԹԻԻՆ
ՍՐԲԱԶԱՆ ԱՐԲ ԵՊԻՍԿՈՊՈՍԻ

ԵՒ Ի ՊԱՏՐԻԱՐԳՈՒԹԵԱՆ Կ. ՊՕԼՍՈՑ
Տ. ՄԱՂԱՔԻԱՅ
ՍՐԲԱԶԱՆ, ԱՐԲ ԵՊԻՍԿՈՊՈՍԻ





Երեքսրբեան սի տիրոջիսն ,
Միով ղնոյթեամբ Աստուածոյթիսն .

ՎԱՐԺՈՒԹԻՒՆ

Փ Ո Ւ Ս Ա Ս Ա Ց

Մ Ա Ն Կ Ա Ն Ց

ԳԻՇԵՐԱՅԻՆ ԺԱՄԵՐԳՈՒԹԻՒՆ

Օրհնեալ տէր մեր Յիսուս Քրիստոս . ամէն :

Հայր մեր որ յերկինս ես . սուրբ եղիցի անունքո . Եկեսցէ արքայու թիւնքո . եղիցին կամքքո որպէս յերկինս և յերկրի . Զհաց մեր հանապազորդ տո՛ւր մեզ այսօր . Եւ թող մեզ զպարտիս մեր , որպէս և մեք՝ թողու՛մք մերոց պարտապանաց . Եւ մի՛ տանիր զմեզ ՚ի փորձու թիւն . այլ փրկեա՛ զմեզ ՚ի չարէն . Զիքո է արքայու թիւն եւ զօրու թիւն և փառք յաւիտեանս . ամէն :

Տէր եթէ զչրթ ունս իմ բանաս, բե-
րան իմ երգեսցէ զօրհնութիւնս քո:
Տէր եթէ զչրթ ունս իմ բանաս, բե-
րան իմ երգեսցէ զօրհնութիւնս քո:
Օրհնեալ համագոյ և միասնական ան-
բաժանելի սուրբ երրորդ ու թիւնն՝
Հայր և Որդի և Հոգի սուրբ, այժմ և
միշտ եւ յաւիտեանս յաւիտենից,
ամէն:



Տէր զի՛ բազում եղեն նեղիչք իմ,
և բազումք յարեան ՚ի վերայ իմ:
Բազումք ասէին զանձնէ իմմէ, թէ
չիք փրկութիւն սորա առ աստ-
ուած իւր:

Այլ դու տէր՝ օգնական իմ ես, փառք
իմ և բարձրացուցիչ գլխոյ իմոյ:
Ձայնիւ իմով ես առ տէր կարդացի,
և լուաւ ինձ ՚ի լեռնէ սրբոյ իւրմէ:
Ես ննջեցի և ՚ի քուն եղէ, զարթեայ՝
և տէր ընդունելի իմ է:

Ոչ երկեայց ես՝ի բիւրաւ որ զօրաց
նոցա, ոյք շուրջանակի պատեալ
պաշարեալ պահէին զիս:

Արի՛ տէր և փրկեա՛ զիս աստուած
իմ. զի դու հարեր զամենեսեան,
ոյք էին ընդ իս Թշնամու թեամբ
ի տարապարտուց. և զատամուռնս
մեղաւորաց փշրեսցես:

Տեառնդ է փրկու թիւն. ՚ի վերայ
ժողովրդեան քոյ՝ օրհնու թիւն քո:

Տէր աստուած, փրկու թեան իմոյ,
ի տուէ կարդացի և գիշերի առա-
ջի քո:

Մտցեն աղօթք իմ առաջի քո տէր.
խոնարհեսցի ունկն քո ՚ի խնդը-
րուածս իմ:

Ձի լցաւ չարչարանօք անձն իմ, և
կեանք իմ ՚ի դժոխս մերձեցան, և
համարեցայ ես ընդ այնոսիկ, որք
իջանեն ՚ի գուբ:

Եղէ ես որպէս մարդ առանց օգնա-
կանի, և ՚ի մեռեալս ազատ:

Որպէս զվիրաւորս, որք ննջեն ՚ի գե-
րեզմանս:

Զորս դու ոչ յիշեցեր, նորա 'ի ձե-
ռանէ քումմէ մերժեցան:

Եդին զիս 'ի գբի ներքնումն' 'ի խա-
լարի և 'ի ստուերս մահու:

Յիս հաստատեցաւ սրտմտութիւնս
քո. զամենայն զբօսանս քո ածեր
'ի վերայ իմ:

Հեռի արարեր յինէն զճանօթս իմ.
և եդին զիս նշաւակ իւրեանց:

Մատնեցայ՝ և ոչ ելանէի. աչք իմ
տկարացան յաղքատութենէ:

Աղաղակեցի առ տէր զօրհանա-
պազ, եւ համբարձի առ քեզ ըզ-
ձեռս իմ:

Միժէ մեռելոց առնիցես զսքանչե-
լիս քո, կամ բժիշկք յարուցեալ՝
խոստովան առնիցին առ քեզ:

Միժէ պատմեսցէ՞ ոք երբէք 'ի գե-
րեզմանի զողորմութիւնս քո, կամ
զճճմարտութիւնս քո 'ի կորստեան:

Միժէ ճանաչիցին 'ի խաւարի ըս-
քանչեւիք քո, կամ արդարութիւն
քո յերկիր մոռացեալ:

Ես առ քեզ տէր աղաղակեցի. առա-

Լօտու աղօթք իմ ժամանեացեն
առ քեզ :

Ընդէր տէր մերժես զանձն իմ. կամ
դարձուցանես զերեսս քո յինէն :
Տնանկ եւ վաստակաւոր եմ ես 'ի
մանկու թենէ իմմէ . 'ի բարձրու
թենէ խոնարհեցայ և ապշեցայ :
Յիս հաստատեցաւ բարկութիւն
քո . արհաւիրք քո խռովեցուցին զիս :
Շրջեցան զինեւ որպէս ջուր, զօր ա
մենայն պաշարեցին զիս 'ի միասին :
Հեռի արարեր յինէն զբարեկամս
իմ և զճանօթս իմ, վասն թշուա
ռութեան իմոյ :

Օրհնեա՛ անձն իմ զտէր, և ամենայն
ոսկերք իմ՝ զանուէն սուրբ նորա :

Օրհնեա՛ անձն իմ զտէր, եւ մի՛ մո
ռանար զամենայն տուրս նորա :

Ո՛րքաւէ զմեղս քո . բժշկէ զամե
նայն հիւանդութիւնս քո :

Ո՛րփրկէ յասպականութենէ զկեանս
քո . պսակէ զքեզ ողորմութեամբ
և գթութեամբ :

Ո՛ր լնու 'ի բարութենէ զցանկու

Թիւն քո . նորոգեսցի որպէս արծ-
ւոյ մանկու թիւն քո :

Առնէ ողորմու թիւնս տէր , եւ ի-
րաւունս ամենայն զրկելոց :

Եցոյց տէր զճանապարհս իւր մովսի-
սի , և որդւոցն իսրայէլի զկամս իւր :

Գթած ողորմած է տէր , երկայնա-
միտ եւ բազում ողորմ :

Ոչ իսպառ բարկանայ մեզ տէր , եւ
ոչ յաւիտեան պահէ ռիս :

Ոչ ըստ մեղաց մերոց արար մեզ
տէր , եւ ոչ ըստ անօրէնութեան
մերում հատոյց մեզ :

Այլ որպէս բարձր են երկինք յեր-
կրէ , այնպէս զօրացոյց տէր զողոր-
մու թիւն իւր 'ի վերայ երկիւղա-
ծաց իւրոց :

Որչափ հեռի են արեւելք յարեւ-
մտից , այնչափ հեռի արար 'ի մէնջ
զանօրէնութիւնս մեր :

Որպէս գթայ հայր 'ի վերայ որդ-
ւոց իւրոց , այնպէս գթասցի տէր
յերկիւղածս իւր :

Զի նա գիտաց զստեղծուածս մեր ,

Եւ յիշեաց թէ հող եմք :

Մարդոյ՝ որպէս խոտոյ են աւուրք
իւր . որպէս ծաղիկ վայրի՝ այնպէս
ծաղկի :

Շնչէ՛ ՚ի նմա հողմ, եւ ոչ է՝ եւ ոչ
եւս երեւի տեղի նորա :

Բայց ողորմութիւն տեառն մնայ
յաւիտեանս յաւիտենից ՚ի վերայ
երկիւղածաց իւրոց, եւ արդարութիւն
նորա յորդուոց մինչեւ յոր-
դիս :

Ոյք պահեն զուխտս նորա, յիշեն
զպատուիրանս նորա՝ եւ առնեն
զնա :

Տէր յերկինս պատրաստեաց զա-
թոռ իւր, արքայութիւն նորա
ամենեցուն տիրէ :

Օրհնեցէք զտէր ամենայն հրեշ-
տակք նորա՝ հզօրք զօրութեամբ .
ոյք առնէք զքան նորա ՚ի լսել ձայ-
նի պատգամաց նորա :

Օրհնեցէք զտէր ամենայն զօրու-
թիւնք նորա, պաշտօնեայք եւ ա-
րարողք կամաց նորա :

Օրհնեցէ՛ք զտէր ամենայն գործք
նորա. զի ընդ ամենայն տեղիս է
տէրու թիւն նորա. օրհնեա՛ անձն
իմ զտէր :

Տէր լո՛ւր աղօթից իմոց. ունկնդի՛ր
խնդրուածաց իմոց ճշմարտու
թեամբ քով :

Լո՛ւր ինձ արդարու թեամբ քով, և
մի՛ մտաներ 'ի դատաստան ընդ ծա
ռայի քում. զի ոչ արդարանայ ա
ռաջի քո ամենայն կենդանի :

Հալածեաց թշնամին զանձն իմ.
խոնարհ արար յերկիր զկեանս իմ.
Եւ նստոյց զիս 'ի խաւարի որպէս
մեռեալ յաւիտենից :

Չանձրացաւ յիս հոգի իմ. եւ սիրտ
իմ խռովեցաւ յիս :

Յիշեցի զաւուրսն զառաջինս, խոր
հեցայ յամենայն գործս քո. յարա
րածս ձեռաց քոց խորհեցայ, եւ
համբարձի առ քեզ զձեռս իմ :

Անձն իմ որպէս երկիր ծարաւի է
առ քեզ. վաղվաղակի լո՛ւր ինձ տէր,
զի նուաղեցաւ յինէն հոգի իմ :

Մի՛ դարձուցաներ զերեսս քո յինէն . նմանիցիմ այնոցիկ, ոյք իջանեն
ի գուբ :

Լսելի արա՛ ինձ առաւօտու զողորմութիւնս քո . զի ես ՚ի քեզ տէր
յուսացայ :

Յո՛յց ինձ ճանապարհ՝ յոր և գնացից .
զի առ քեզ տէր համբարձի զանձն իմ :
Փրկեա՛ զիս ՚ի թշնամեաց իմոց տէր .
զի զքեզ ապաւէն ինձ արարի :

Ուսո՛ ինձ առնել զկամս քո . զի գու
ես աստուած իմ :

Հոգի քո բարի՛ առաջնորդեսցէ ինձ
ի յերկիր ուղիղ :

Վասն անուան քոյ տէր՝ կեցուցես
զիս . արդարութեամբ քով, հանցես
ի նեղութենէ զանձն իմ :

Ողորմութեամբ քով սատակեա՛ ըզ
թշնամիս իմ . և կորո՛ղամենայն նեղիչս
անձին իմոյ, զի ես ծառայ քո եմ :

Փառք Հօր եւ Որդւոյ եւ Հոգւոյն
սրբոյ . այժմ և միշտ և յաւիտեանս
յաւիտենից . ամէն :

Յիշեսցուք ՚ի գիշերի :

Ք Ա Ր Ո Ջ

Զարթուցեալքս ամենեքեան
 'ի հանգստենէ քնոյ, զոր շնորհեաց
 մեզ մարդասէրն Աստուած 'ի մխի-
 թարու թիւն և 'ի սփոփանս տկա-
 րութեան մերում: Եւ եկեալքս
 միաբան հոգեւոր երգով 'ի փառա-
 բանութիւն և 'ի պատիւ ամենա-
 սուրբ անուան տեառն մերոյ և փր-
 կչին Յիսուսի Քրիստոսի: Ահիւ և
 դողութեամբ կացցուք յաղօթս ա-
 ռաջի նորա: Եւ գոհացարուք զնմա-
 նէ 'ի գիշերային ժամուս յայսմիկ,
 վասն իրաւանց եւ արդարութեան
 նորա: Որ ընտրեաց զմեզ ողորմու-
 թեամբն իւրով. և շնորհեաց մեզ
 բերել զնմանութիւն երկնային հը-
 րեշտակացն 'ի փառաբանիչս տեառն
 Աստուծոյ ամենեցուն և մեզ լինիլ:
 Եւ մեք այսուհետեւ սրբելով զան-
 ձինս մեր 'ի խղճէ և 'ի չար գործոց:
 Համբարձցուք զձեռս մեր 'ի սրբու-
 թիւն առանց բարկութեան և երկ-

մտու թեան : Հաւատով խնդրես-
ցուք 'ի նմանէ զքաւ ու թիւն և ըզ-
թողու թիւն յանցանաց մերոց : Խոս-
տովան լինելով զգաղտնիս սրտից
մերոց ծածկագիտին Աստուծոյ :
Որպէս զի ընդունելով զպաղատանս
մեր աղօթիւք և բարեխօսութեամբ
ամենայն սրբոց : Շնորհեսցէ մեզ
մարդասէրն Աստուած կեալ առա-
քինութեամբ՝ և անարատ վարուք
ըստ կամաց նորա յայսմ աշխարհիս :
Եւ արժանաւոր լինելով յաւիտե-
նական եւ երկնային խորանացն :
Ձոր խոստացաւ սիրելեաց իւրոց՝
ճշմարիտն Աստուած Յիսուս
Քրիստոս, տէր մեր կեցո և ողոր-
մեա :

Ձմնացուած գիշերիս խաղաղու-
թեամբ անցուցանել՝ հաւատով
'ի տեառնէ խնդրեսցուք :

Ձհրեշտակ խաղաղութեան պահա-
պան անձանց մերոց . 'ի տեառնէ
խնդրեսցուք :

Ձքաւ ու թիւն եւ զթողու թիւն

յանցանաց մերոց . 'ի տեառնէ
խնդրեսցուք :

Զսրբոյ խաչին մեծ եւ կարող զօ-
րութիւնն յօգնութիւն անձանց
մերոց . 'ի տեառնէ խնդրեսցուք :

Եւ եւս միաբան վասն ճշմարիտ
եւ սուրբ հաւատոյս մերոյ՝ զտէր
աղաչեսցուք :

Զանձինս մեր և զմիւսեանս տեառն
Աստուծոյ ամենակալին յանձն ա-
րասցուք :

Ողորմեաց մեզ տէր Աստուած մեր՝
ըստ մեծի ողորմութեան քում .
ասասցուք ամենեքեան միաբանու-
թեամբ :

Աշխարհ ամենայն , կամ Առաւօտ լուսոյ , Աղօթք , Զին
դհանամբ . Կանոնագլուխ : Շարական : Սաղմոս . Աւե-
տարան : Երգ : Մաղթանք , Հոգեցեալ հանդիմանք :

ՔԱՐՈՁ

Եւ եւս խաղաղութեան զտէր
աղաչեսցուք : Վասն հանգուցեալ
հոգւոցն աղաչեսցուք զփրկիչն մեր
Քրիստոս՝ զի զնոսա ընդ արդարսն

դասեսցէ. և զմեզ կեցուցէ շնորհիւ
ողորմութեան իւրոյ: Ամենակալ Տէր
Աստուած մեր, կեցո՛ւ և ողորմեա՛ւ:

Աղօթք, Քրիստոս որդի Աստուծոյ: Օրհնութիւն: Մաղ-
թանք ըստ պատշաճի աւուրն:

A
I
2545

ՔԱՐՈՁ բկ. դկ.

Վասն 'ի վերուստ խաղաղութեան
և փրկութեան անձանց մերոց, զտէր
աղաչեսցուք: Տէր ողորմեա՛ւ:


Վասն լսելի լինելոյ տեառն աստու-
ծոյ ձայնի աղաչանաց մերոց, զտէր
աղաչեսցուք:

Վասն քաւիչ եւ ներող լինելոյ աս-
տուծոյ 'ի վերայ մեղաց մերոց, զտէր
աղաչեսցուք:

Վասն թողլոյ մեզ զամենայն յան-
ցանս մեր, զկամայ և զակամայ, զտէր
աղաչեսցուք:

Վասն զի մի՛ ընդ խոտանսն գտա-
նիցիմք յաւուրն պատասխանատու-
ութեան, զտէր աղաչեսցուք:

Վասն հոգւոցն հանգուցելոց՝ որք



Ճշմարիտ և ուղիղ հաւատով 'ի Քրիստոս ննջեցին, զտէր աղաչեսցուք :
Եւ եւս միաբան վասն ճշմարիտ և սուրբ հաւատոյս մերոյ, զտէր աղաջանձինս մեր և զմիմեանս տեառն աստուծոյ ամենակալին յանձն արասցուք :

Ողորմեաց մեզ տէր աստուած մեր, ըստ մեծի ողորմութեան քում. ասասցուք ամենեքեան միաբանութեամբ :

Տէր ողորմեա՛. տէր ողորմեա՛.
տէր ողորմեա՛ :

ՔԱՐՈԶ աձ. դձ.

Վասն 'ի գիշերի և 'ի տունջեան և յամենայն ժամու խօսիլ մեզ զբան տեառն, զտէր աղաչեսցուք :

Վասն չանկանելոյ մեզ 'ի փորձութիւն, որում ոչ կարեմք հանդուրժել, զտէր աղաչեսցուք :

Վասն անբիծ և անդատապարտ կալ մեզ առաջի ահեղ ատենին Քրիստոսի, զտէր աղաչեսցուք :

Վասն առաջնորդելոյ մեզ 'ի նաւա-
հանգիստն կենաց անվախճանից ,
զտէր աղաչեսցուք :

Վասն արժանի լինելոյ մեզ վերին
կոչմանն և երկնից արքայու թեանն ,
զտէր աղաչեսցուք :

Վասն հոգւոցն : Եւ եւս միաբան :
Զանձինս մեր : Ողորմեաց մեզ :

ՔԱՐՈՋ ակ. 44.

Վասն ուղղելոյ զգնացս մեր 'ի ճա-
նապարհս խաղաղութեան , զտէր
աղաչեսցուք :

Վասն ցրելոյ 'ի մէնջ զամենայն խոր-
հուրդս չարին , զտէր աղաչեսցուք :

Վասն պարգեւելոյ մեզ առողջ խոր-
հուրդս և առաքինի վարս , զտէր ա :

Վասն պահելոյ զմեզ ընդ հովանեաւ
ամենազօր աջոյն իւրոյ , զտէր աղա :

Վասն խորտակելոյ զհակառակորդն
վաղվաղակի ընդ ոտիւք մերովք ,
զտէր աղաչեսցուք :

Վասն հոգւոցն : Եւ եւս միաբան :
Զանձինս մեր : Ողորմեաց մեզ :

ՔԱՐՈՋ ԲՃ. ԴՃ.

Վասն գտանելոյ մեզ զչնորհս և զո-
ղորմու թիւն 'ի բարերար տեսունէ
մերմէ, զտէր աղաչեսցուք:

Վասն փրկելոյ զմեզ 'ի զրպարտու-
թենէ մարգկան՝ եւ յորոգայթից
սատանայի, զտէր աղաչեսցուք:

Վասն ամենայն անձանց բրիստոնէ-
ից, և տանց հաւատացելոց զտէր ա:

Վասն որք 'ի լերինս յայրս և 'ի փա-
պարս բնակեալ են սուրբ հարբն
մեր, զտէր աղաչեսցուք:

Վասն որք սաղմոսիւք եւ օրհնու-
թեամբ կատարեն զամենայն ժամա-
նակս կենաց իւրեանց, զտէր աղա:

Վասն հոգւոցն: Եւ եւս միաբան:
Չանձինս մեր: Ողորմեաց մեզ:

Աղօթք ըստ ձայնի աւուրն: Թագաւոր յաւիտեան,
կամ Ալէլուք: Մաղթանք ըստ ձայնին:



ԱՌ Ա Ի Օ Տ Ե Ա Ն

ԺԱՄԵՐԳՈՒԹԻՒՆ

Օրհնեալ տէր մեր Յիսուս Քրիստոս, ամէն :
Հայր մեր որ յերկինս :

Լցա՛ք առաւօտու ողորմութեամբ
քով, ցնծացաք և ուրախ եղաք զա-
մենայն աւուրս կենաց մերոց :
Ուրախ եղաք փոխանակ աւուրցն՝
յորս խոնարհ արարեր զմեզ, և ա-
մացն՝ յորս տեսաք զչարչարանս :
Հայեա՛ աէր 'ի ծառայս քո՝ եւ 'ի
զործս ձեռաց քոց, և առաջնորդեա՛
որդւոց նոցա . եղիցի լոյս տեառն
աստուծոյ 'ի վերայ մեր :
Զզործս ձեռաց մերոց ուղիղ արա՛
'ի մեզ տէր . և զզործս ձեռաց մերոց
յաջողեա՛ մեզ :
Փառք հօր և որդւոյ և :

Այժմ և միշտ և յաւի:

Եւ եւս խաղաղութեան զտէր աղա-
չեսցուք. ընկալ կեցո և ողորմեա:
Օրհնութիւն և փառք հօր և որդւոյ
և հոգւոյն սրբոյ, այժմ և :

Փ Ո Ւ

Օրհնեալ ես տէր աստուած հարցն
մերոց. օրհնեալ փառաւորեալ ա-
նունքո յաւիտեան:

Յիրաւունս անցուցեր զայս ամենայն
ընդ մեզ. արդար ես դու տէր, և
ամենայն գործքքո ճշմարիտ են:

Ճանապարհքքո ուղիղ են, և ամե-
նայն դատաստանքքո արդար են:

Դատաստան արդարութեան ածեր
'ի վերայ մեր ըստ ամենայնի, զոր ինչ
ածեր 'ի վերայ մեր, եւ քաղաքի
սրբոյ հարցն մերոց երուսաղէմի:

Արդարութեամբ եւ յիրաւի ածեր
զայս ամենայն 'ի վերայ մեր՝ վասն
մեզաց մերոց:

Անօրինեցաք՝ եւ յանցեաք ապրու-
տամբ լինիլ 'ի քէն. մեզաք յամե-

Նայնի, եւ պատուիրանաց քոյ մեք
ոչ անսացաք:

Ոչ սրահեցաք և ոչ արարաք՝ որպէս
պատուիրեցեր դու մեզ, զի զքա-
րիս գտցուք մեք ՚ի բէն:

Արդ՝ զամենայն զոր արարեր՝ և զոր
ինչ ածեր ՚ի վերայ մեր, արդար
դատաստանաւ արարեր:

Մատնեցեր զմեզ ՚ի ձեռս թշնա-
մեաց մերոց. անօրինաց՝ խստաց՝ և
սպստամբողաց:

Ի ձեռս թագաւորի անօրինի և չա-
րի քան զամենայն երկիր՝ մատնե-
ցեր զմեզ:

Եւ արդ՝ ոչ գոյ մեզ ժամ բանալ
զբերանս մեր. զի ամօթ և նախա-
տինք եղաք ծառայից քոց և պաշտօ-
նէից:

Այլ մի՛ մատներ զմեզ իսպառ վասն
անուան քոյ. մի՛ ցրեր զուխտս քո,
և մի՛ ՚ի բացեայ առներ զողորմու-
թիւնս քո ՚ի մէնջ:

Վասն արահամու սիրելոյ քոյ,
իսահակայ ծառայի քոյ, եւ իս-

րայելի սրբոյ քոյ :

Խոստացար նոցա՝ և առացեր, բազմացուցից զգաւակ ձեր որպէս զաստեղս երկնից բազմութեամբ, եւ որպէս զաւազ առ եզր ծովու :

Եւ արդ տէր նուաղեցաք մեք քան զամենայն ազգս՝ եւ եմք տառապեալք յամենայն երկրի այսօր՝ վասն մեղաց մերոց :

Ոչ գոյ 'ի ժամանակի յայսմիկ իշխան՝ մարգարէ եւ սուաջնորդ . ոչ ողջակէզք պատարագաց, ոչ խուճկք օրինաց, եւ ոչ տեղի պատարագս մատուցանել առաջի քո . և զողորմութեամբ իւն գտանել 'ի քէն :

Այլ անձամբք խոնարհեալք՝ և հոգւով տառապանաց, ընդունելի լիցուք մեք որպէս զողջակէզս խոյոց և զուարակաց, եւ որպէս բիւրաւորս գառանց պարարտաց :

Այնպէս ընդունելի լիցին պատարագք մեր այսօր սուաջի քո, զի կատարեալ գացուք զկնի քո . զի չիք ամօթ յուսացելոցս 'ի քեզ :

Եւ արդ՝ գամբ զհետ քո ամենայն
սրտիւք մերովք, երկնչիմք 'ի քէն,
եւ խնդրեմք զերեսս քո, տէր մի՛
յամօթ առներ զմեզ:

Այլ արա՛ առ մեզ ըստ հեզու թեան
քում, եւ ըստ բազում ողորմու-
թեան քում. փրկեա՛ զմեզ վասն ըս-
բանչելեաց քոց տէր. և փառաւո-
րեսցի անուն քո յաւիտեան:

Յամօթ լիցին ամենեքեան, որ չար-
չարեն զծառայս քո. ամաչեցեալ լի-
ցին բռնութիւնք նոցա, և ամենայն
զօրութիւնք նոցա խորտակեսցին:

Եւ ծանիցեն զի դու ես տէր աստ-
ուած միայն, որ փառաւորեալդ ես
'ի վերայ ամենայն տիեզերաց:

Օրհնեալ ես դու տէր աստուած
հարցն մերոց. գովեալ և առաւել
բարձրացեալ յաւիտեան:

Եւ օրհնեալ է անուն սուրբ փա-
ռաց քոց. գովեալ եւ առաւել
բարձրացեալ յաւիտեան:

Օրհնեալ ես 'ի տաճարի փառաց
սրբութեան քո. գովեալ և առա:

- Օրհնեալ ես 'ի վերայ աթոռոյ ար-
քայութեան քո. գովեալ և առա:
- Օրհնեալ ես որ նստիս 'ի քրովքէս
և հայիս յանդունդս. գովեալ և ա:
- Օրհնեալ ես 'ի վերայ հաստատու-
թեան երկնից. գովեալ և առա:
- Օրհնեցէք ամենայն գործք տեառն
զտէր. օրհնեցէք և բարձր արարէք
զնա յաւիտեան:
- Օրհնեցէք երկինք զտէր. օրհնեցէք
և բարձր արարէք զնա յաւիտեան:
- Օրհնեցէք հրեշտակք տեառն, եւ
ջուրք որ 'ի վերոյ երկնից զտէր.
օրհնեցէք և բարձր արա:
- Օրհնեցէք զօրութիւնք տեառն,
արեգակն և լուսին զտէր. օրհ:
- Օրհնեցէք աստեղք երկնից, անձ-
րեւք և ցօղք զտէր. օրհ:
- Օրհնեցէք ամենայն հողմք, հուր
և ջեր զտէր. օրհ:
- Օրհնեցէք ցուրտ և տօթ, ցօղ և
ձիւնաբեր զտէր. օրհ:
- Օրհնեցէք սառն և պարզ, եղեամն
և ձիւն զտէր. օրհ:

- Օրհնեցէք տիւրք և գիշերք, լոյս և
խաւար զտէր. օրհն :
- Օրհնեցէք ամպք և փայլատակունք
և երկիր զտէր. օրհն :
- Օրհնեցէք լերինք և բլուրք և ամե-
նայն բոյսք երկրի զտէր. օրհն :
- Օրհնեցէք աղբիւրք ծովք և գետք
զտէր. օրհն :
- Օրհնեցէք կէտք եւ ամենայն կայ-
տառք՝ որ 'ի ջուրս, եւ թռչունք
երկնից զտէր. օրհն :
- Օրհնեցէք գազանք եւ անասունք,
և որդիք մարդկան զտէր. օրհն :
- Օրհնեցէ՛ իսրայէլ զտէր, օրհնեցէ՛
և բարձր արասցէ՛ զնա յաւիտեան :
- Օրհնեցէ՛ք քահանայք զտէր. օրհ-
նեցէ՛ք և բարձր արարէ՛ք զնա յաւի-
տեան :
- Օրհնեցէ՛ք ծառայք տեառն զտէր.
օրհնեցէ՛ք և բարձր արա :
- Օրհնեցէ՛ք անձինք, և շունչք արդա-
րոց զտէր. օրհն :
- Օրհնեցէ՛ք սուրբք և խոնարհք սրբ-
տիւրք զտէր. օրհն :

Օրհնեցէք անանիա ազարիա և միսա
յէլ զտէր. օրհնեցէք և բարձր արա
րէք զնա յաւիտեան :

Փառք հօր և : Այժմ և միշտ :

Մաղթանք, Օրհնեցէ՛ + + + + + : Եարական, Հարց

Ք Ա Ր Ո Ջ

Եկեալքս ամենեքեան 'ի սուրբ կա
թուղիկէ և առաքելական եկեղե
ցի, աղաչեսցուք զմիածին որդին Աս
տուծոյ, զտէրն մեր և զփրկիչն Յի
սուս Քրիստոս : Որ էջ փառօք Հօր
'ի մէջ հնոցի, և փրկեաց զերիս ման
կունսն 'ի քաղղէացւոց անտի : Լու
սաւոր եւ սուրբ պահեսցէ զմիտս
մեր, զի մի՛ երբէք խաբարցուք մեք
'ի մեղաց և 'ի ցանկու թենէ աշխար
հի : Այլ արժանի՛ եղիցուք պահել
զպատուիրանս նորա. առնուլ զպը
սակն լուսոյ և կենաց 'ի յանձինս մեր,
զոր խոստացաւ սիրելեաց իւրոց
ճշմարիտն Աստուած Յիսուս Քրիս
տոս տէր մեր. կեցո՛ և ողորմեա՛ :

Մաղթանք, ըստ պատշաճի աւուրն :

Փ Ո Ւ Ս

Մեծացուցէ անձն իմ զտէր, եւ
ցնծացէ հոգի իմ աստուծով փրկ-
չաւ իմով:

Այց արար ՚ի վերայ խոնարհու-
թեան աղախնոյ իւրոյ. այսուհե-
տեւ երանիցեն ինձ ամենայն ազգք:
Արա՛ր ընդ իս մեծամեծս հզօրն. և
սուրբ է անուն նորա:

Ղողորմութիւն արար ազգաց յազգս
երկիւղածաց իւրոց. արար զօրու-
թիւն բազկաւ իւրով:

Յրուեաց զամբարտաւանս ՚ի մտաց
որտից, և բակեաց զհզօրս յաթո-
ւոց:

Ձխոնարհս բարձրացոյց, զկարօտս
ելից բարութեամբ, և զմեծատունս
արձակեաց ունայնս:

Պաշտպանեաց իսրայէլի ծառայի իւ-
րոյ յիշելով զղողորմութիւն իւր:

Արպէս խօսեցաւ առ հարսն մեր
ընդ աբրահամու եւ զաւակի նորա
յաւիտեան:

ՕՐՀՆՈՒԹԻՒՆ ՋԱՔԱՐԻԱՅԻ ՀՕՐՆ
ՅՈՎՀԱՆՆՈՒ ՄԿՐՏՁԻ

Օրհնեալ տէր աստուած իսրայելի,
որ յայց ել, եւ արար փրկութիւն
ժողովրդեան իւրոյ:

Յարոյց մեզ եղջիւր փրկութեան 'ի
տանէ դաւթի ծառայի իւրոյ. որ
պէս խօսեցաւ բերանովք սրբոցն՝
որ յաւիտենից մարգարէքն էին.
Փրկութիւն 'ի թշնամեաց մերոց,
եւ 'ի ձեռաց ամենայն ատելեաց
մերոց:

Առնել ողորմութիւն առ հարսն
մեր, և յիշել զկտակարանս սրբու-
թեան իւրոյ:

Երգումն զոր երգուաւ արահա-
մու հօր մերոյ՝ տալ մեզ առանց
երկիւղի զփրկութիւն 'ի թշնա-
մեաց մերոց:

Պաշտել զնա սրբութեամբ եւ ար-
դարութեամբ առ աջի նորա զամե-
նայն աւուրս կենաց մերոց:

Եւ դու մանուկ՝ մարգարէ բարձ-

րելոյն կոչեսջիր . գնասցես առաջի
տեառն՝ պատրաստել զճանապարհս
նորա :

Տալ զգլխուլթիւն փրկուլթեան ժողովրդեան իւրոյ, 'ի թողուլթիւն
ամենայն մեղաց մերոց :

Վասն գլխոյ ողորմուլթեան տեառն
աստուծոյ մերոյ, որով երեւեցաւ
մեզ արեգակն 'ի բարձանց՝ լուսա-
ւոր առնել զխաւար մեր :

Ծագել լոյս 'ի վերայ այսոցիկ՝ որ
նստէաք 'ի խաւարի և 'ի ստուերս
մահու, ուղղել զոտս մեր 'ի ճա-
նապարհս խաղաղուլթեան :

ԱՂՕԹՔ ՍԻՄԵՈՎՆԻ ԾԵՐՈՒՆԻՈՅՆ

Արդ՝ արձակեա՛ս զճառայս քո տէր՝
ըստ բանի քու՛մ 'ի խաղաղուլթիւն .
զի տեսին աչք իմ զփրկուլթիւն քո,
զոր պատրաստեցեր առաջի ամե-
նայն ժողովրդոց :

Լոյս յայտնեցար հեթանոսաց, եւ
փառք ժողովրդեան քու՛մ իսրայէլի :
Շարական, Մեծացուացի :

ՔԱՐՈՋ

Սուրբ զաստուածածինն՝ եւ զամենայն սուրբս բարեխօս՝ արասցուք առ Հայր 'ի յերկինս, զի կամեցեալ ողորմեսցի՝ և գթացեալ կեցուցէ զարարածս իւր։ Ամենակալ տէր Աստուած մեր կեցո և ողորմես։

Աղօթք, Ընկ-Լ րէր։

Փ Ո Ւ Ս

Ողորմես՝ ինձ Աստուած ըստ մեծի ողորմութեան քում, ըստ բազում գթութեան քում՝ քաւես՝ զանօրէնութիւնս իմ։

Առաւել լուս՝ զիս յանօրէնութենէ իմմէ. եւ 'ի մեղաց իմոց սուրբ արա՛ զիս։

Զանօրէնութիւնս իմ ես ինձէն գիտեմ, և մեղք իմ առաջի իմ են յամենայն ժամ։

Քեզ միայն մեղայ տէր. եւ չար առաջի քո արարի։

Որպէս արդար եղիցիս 'ի բանս քո, և յաղթող 'ի դատել գաս։

Անօրէնու թեամբ յղացաւ, եւ 'ի
մեղս ծնաւ զիս մայր իմ:

Դու տէր զճշմարտութիւն սիրե-
ցեր. զանյայտս եւ զծածկեալս ի-
մաստութեամբ քով յայտնեցեր
ինձ:

Ցօղեա՛ յիս մշակաւ եւ սուրբ ե-
ղէց, լուա՛ եւ քան զձիւն սպիտակ
եղէց:

Լսելի արա՛ ինձ տէր զցնծութիւն
եւ զուրախութիւն, եւ ցնծասցեն
ոսկերբ իմ տառապեալք:

Դարձո՛ զերեսս քո 'ի մեղաց իմոց.
եւ զամենայն անօրէնութիւնս իմ
քաւեա՛ յինէն:

Սիրտ սուրբ հաստատեա՛ յիս աս-
տուած, եւ հոգի ուղիղ նորոգեա՛
'ի փորի իմում:

Մի՛ ընկենուր զիս տէր յերեսաց
քոց, եւ զհոգի քո սուրբ մի՛ հաներ
յինէն:

Տո՛ւր ինձ ցնծութիւն փրկութեան
քոյ, եւ հոգւով պետութեան քոյ
հաստատեա՛ զիս:

Ուսուցից անօրինաց զճանապարհս
քո, և ամբարիշտք առ քեզ դարձ-
ցին:

Փրկեա՛ զիս յարե՛նէ աստուած, աս-
տուած փրկու թեան իմոյ. ցնծասցէ
լեզու իմ յարդարութեան քում:
Տէր եթէ զչրթ ունս իմ բանաս, բե-
րան իմ երգեսցէ զօրհնութիւնս քո:
Թէ կամեցեալ էիր պատարագս մա-
տուցանէաք. բայց դու ընդ ողջա-
կէզս իսկ ոչ հաճեցար:

Պատարագ աստուծոյ հոգի խո-
նարհ, զսիրտ սուրբ եւ զհոգի խո-
նարհ աստուած ոչ արհամարհէ:
Բարի արա՛ տէր կամօք քովք սիօնի,
եւ շինեսցին պարիսպքն երուսա-
ղէմի:

Յայնժամ հաճեսցիս ընդ պատա-
րագս արդարութեան. յորժամ
ուխտից պատարագս հանցեն ՚ի սե-
ղան քո զուարակս:

Փառք հօր և: Այժմ և միշտ:

Ք Ա Ր Ո Ջ

Երկրպագեմք քեզ տէր աստուած մեր՝ անցեալքս ընդ երկարութիւն գիշերիս . և կանխեալքս ՚ի տեղւոջ խոստովանութեան . մատուցանեմք զառաւօտու աղօթս մեր : Զքեզ տէր օրհնեմք և փառաւորեմք , և զքէն տէր գոհանամք . որ արժանի արարեր զգիշերս խաղաղութեամբ անցուցանել և հասանիլ ՚ի ժամ առաւօտուս : Արժանաւորեա՛ զմեզ տէր անճառ խոստմանց քոց . զոր խոստացար սիրելեաց քոց ճշմարիտդ Աստուած Յիսուս Քրիստոս տէր մեր . կեցո՛ և ողորմեա՛ : Ողորմեանց մեզ տէր աստուած մեր ըստ մեծի ողորմութեան քում . ասասցուք ամենեքեան միաբանութեամբ :

Մաղթանք ըստ պատշաճի աւուրն :

Փ Ո Ւ Ս

Ալէլուիա Ալէլուիա :

Օրհնեցէ՛ք զտէր յերկնից . օրհնեցէ՛ք զնա ՚ի բարձանց :

Օրհնեցէք զնա ամենայն հրեշտակք
նորա . օրհնեցէք զնա ամենայն զօ-
րօւթիւնք նորա :

Օրհնեցէք զնա արեգակն և լուսին .
օրհնեցէք զնա ամենայն աստեղք
և լոյսք :

Օրհնեցէք զնա երկինք երկնից . եւ
ջուրք որ ՚ի վերոյ քան զերկինս ,
օրհնեցէք զանուն տեառն :

Զի նա ասաց՝ և եղեն , հրամայեաց՝
և հաստատեցան :

Կացոյց զնոսա յաւիտեանս յաւի-
տենից . սահման եղ . և ոչ անցանեն :

Օրհնեցէք զտէր յերկրէ՝ վիշապք
և ամենայն խորք :

Հուր և կարկուտ , ձիւն և սառն ,
հողմ եւ մրրիկ , որք առնէք զքան
նորա :

Լերինք և ամենայն բարձունք , ծառք
պտղաւբերք և ամենայն մայրք :

Գազանք եւ ամենայն անասունք ,
սողունք եւ ամենայն թռչունք
թեւաւորք :

Թագաւորք երկրի և զօրք իւրեանց ,

իշխանք եւ ամենայն դատաւորք
երկրի :

Երիտասարդք եւ կուսանք. ծերք և
տղայք՝ օրհնեցէք զանուն տեառն :
Բարձրացաւ անուն նորա միայն :
խոստովանութիւն նմա յերկինս և
յերկրի :

Բարձր առնէ տէր զեղջիւր ժողո-
վրդեան իւրոյ . օրհնութիւն նմա
յամենայն սրբոց նորա . յորդուոցն
իսրայէլի ժողովոյն՝ որ մերձ է առ
տէր :

Օրհնեցէք զտէր յօրհնութիւն 'ի
նոր , օրհնութիւն նմա յեկեղեցիս
սրբոց :

Ուրախասցի իսրայէլ յարարիչ իւր .
որդիք սիօնի ցնծասցեն 'ի թագա-
ւորն իւրեանց :

Օրհնեսցեն զանուն նորա օրհնու-
թեամբ , սաղմոսիւք եւ օրհնու-
թեամբ սաղմոս երգեսցեն նմա :

Հաճի տէր ընդ ժողովուրդ իւր
սուրբ , եւ բարձր առնէ զհեզս 'ի
փրկութեան :

Պարծեսցին սուրբքն փառօք, եւ
ցնծասցեն 'ի հանգիստ իւրեանց,
եւ բարձր արասցեն զստուած բե-
րանօք իւրեանց:

Սուր երկսայրի ետ 'ի ձեռս նոցա,
առնուլ զհատուցումն 'ի հեթանո-
սաց, 'ի յանդիմանութիւն ամե-
նայն ժովովրդոց:

Ի կապել զթագաւորս նոցա կապա-
նօք, զզօրաւարս նոցա ձեռնակապօք
երկաթեօք:

Առնել նոցա դատաստանս ըստ
գրոց. եւ փառք այս են ամենայն
սրբոց նորա:

Օրհնեցէք զաստուած 'ի սրբու-
թեան նորա, օրհնեցէք զնա 'ի հաս-
տատութեան 'ի զօրութեան նորա:

Օրհնեցէք զնա 'ի զօրութեան նորա,
օրհնեցէք զնա 'ի բազում մեծու-
թեան նորա:

Օրհնեցէք զնա 'ի ձայն օրհնու-
թեան, օրհնեցէք զնա սաղմոսիւք
և օրհնութեամբ:

Օրհնեցէք զնա յնծութեամբ, գո-

վեցէք զնա ուրախութեամբ :
 Օրհնեցէք զնա 'ի բանս քաղցր, գո-
 վեցէք զնա 'ի բարբառ լսելի :
 Օրհնեցէք զնա 'ի ձայն գոհութեան .
 ամենայն հոգիք օրհնեցէք զտէր :
 Փառք հօր և : Այժմ և միշտ և :
 Շարական, Տէր յերկնս :

Փառք 'ի բարձունս աստուծոյ .
 և յերկիր խաղաղութիւն, 'ի մար-
 դիկ հաճութիւն : Եւ օրհնութիւն
 քեզ 'ի բարձունս, օրհնեալ ես տէր
 աստուած մեր . օրհնեմք զքեզ եւ
 գովեմք զքեզ : Խոստովանիմք տէր
 զքեզ եւ երկիրպագանեմք քեզ .
 փառաւորեմք զքեզ . գոհանամք
 տէր զքէն վասն մեծի փառաց քոյ :
 Տէր թագաւոր սուրբդ երկնային .
 Աստուած և Հայր ամենակալ : Տէր
 և Որդի Հօր միածին Յիսուս Քրիստոս
 և սուրբ Որդի : Տէր Աստուած գառն
 Աստուծոյ և Որդի Հօր . որ առեր
 զմերս 'ի կուսէն : Ողորմեցար, բար-
 ձեր զմեզս աշխարհի . և արդ ընկալ

զաղաչանս մեր: Սուրբդ որ նստիս
 ընդ աջմէ Հօր՝ ողորմեաց մեզ: Զի
 դու միայն սուրբ, դու միայն բարձ
 րեալ ես, դու միայն տէր մեր Յի
 սուս Քրիստոս: Տէր և Հոգիդ սուրբ՝
 որ 'ի փառս Աստուած ընդ Հօր
 ամէն:

Եւ յամենայն ժամ օրհնեմք ըզ
 քեզ. տէր և գովեմք զանուն սուրբ
 քո յաւիտեան և յաւիտեանս յա
 ւիտենից: Արժանի արա տէր զօրս
 զայս խաղաղութեամբ, եւ առանց
 մեղաց պահեա զմեզ: Օրհնեալ ես
 տէր Աստուած հարցն մերոց. գո
 վեալ եւ փառաւորեալ է անուն
 սուրբ քո յաւիտեանս. ամէն: Օրհ
 նեալ Տէր՝ ուսո՛ ինձ զարդարու
 թիւնս քո. (եղիս կրեա՛): Տէր ապաւէն
 եղեր մեր յազգէ յազգ: Ես աղաչեմ
 Տէր ողորմեա՛ ինձ և բժշկեա՛ զանձն
 իմ. ես մեղայ քեզ: Յոյց մեզ Տէր զո
 ղորմութիւնս քո. և զփրկութիւնս
 քո տուր մեզ: Տէր ողորմութիւն

քո յաւիտեան . զգործս ձեռաց
քոց մի՛ անտես առներ : Տէր իմ ըզ-
քեզ ապաւէն ինձ արարի . ուստի ինձ
առնել զկամս քո՝ զի դու ես Աս-
տուած իմ : Ի քէն է Տէր աղբիւր
կենդանութեան . եւ լուսով երեւ-
սաց քոց տեսանեմք զլոյս : Ծագեա
զողորմութիւնս քո՝ որք ճանաչեն
զքեզ Տէր :

Մաղթանք , Փռտ գործ : Երգ :

ՔԱՐՈՋ ԿԻՒՐԱԿԵՒՑ ԵՒ ՅԻՆԱՆՑ

Ասացուք ամենեքեան միաբանու-
թեամբ . տէր ողորմեա՛ :

Վասն խաղաղութեան ամենայն աչ-
խարհի՝ և հաստատութեան սրբոյ
եկեղեցւոյ . զտէր աղաչեսցուք :

Վասն ամենայն սուրբ և ուղղափառ
եպիսկոպոսաց . զտէր աղա :

Վասն հայրապետին մերոյ տեառն
(այս անուն) կենաց՝ եւ փրկութեան .
հոգւոյ նորին , զտէր աղա :

Վասն վարդապետաց՝ քահանայից՝
սարկաւազաց՝ դպրաց , և ամենայն

ուխտի մանկանց եկեղեցւոյ. զտէր
աղա :

Վասն բարեպաշտ թագաւորաց եւ
աստուածասէր իշխանաց՝ զօրավա-
րաց և զօրաց նոցին. զտէր աղա :

Վասն զի տէրն ամենակալ հնազան-
դեցուսցէ առաջի նոցա զամենայն
պատերազմունս թշնամեաց. զտէր
աղա :

Յաղագս հարց եւ եղբարցն մերոց՝
որք 'ի գերութեան են եւ 'ի չար
ծառայութեան. զտէր աղա :

Յաղագս ճանապարհորդաց եւ նա-
ւորդաց՝ խաղաղութեամբ հասա-
նիլ 'ի նաւահանգիստն բարու-
թեան. զտէր աղա :

Յաղագս հիւանդաց եւ ամենայն
վշտացելոց՝ փութապէս առողջու-
թեան. զտէր աղա :

Յաղագս բարեխառնութեան օգոց՝
անձրեաց քաղցրութեան, և պտղոց
առատութեան. զտէր աղա :

Յաղագս ուխտաւորաց եւ պտղա-
բերից 'ի սուրբ եկեղեցի աստու-

Ծոյ. զտէր աղաչեսցուք :

Եւ յաղագս այնոցիկ, որք մատնեալք են 'ի ձեռս անօրինաց վասն անուանն Քրիստոսի. զտէր աղա :

Յաղագս հոգւոցն հանգուցելոց, որք ճշմարիտ և ուղիղ հաւատով 'ի քրիստոս ննջեցին. զտէր աղա :

Յաղագս փրկելոյ զմեզ տեառն աստուծոյ՝ յերեւելի և յաներեւոյթ թշնամւոյն. զտէր աղա :

Մաղթանք, Բարեբառ անխի :

ՔԱՐՈՋ

Յիշեսցիք եւ գամենայն սուրբս եւ նորօք զտէր աղաչեսցուք :

Զառաւօտս լուսոյ եւ զառաջիկայ օրս խաղաղութեամբ անցուցանել հաւատով 'ի տեառնէ խնդրեսցուք :

Զհրեշտակ խաղաղութեան պահապան անձանց մերոց 'ի տեառնէ :

Զքաւու թիւն եւ զթողութիւն յանցանաց մերոց 'ի տեառնէ :

Զսրբոյ խաչին մեծ և կարող զօրութիւնն յօգնութիւն անձանց մե :

Եւ եւս միաբան: Զանձինս մեր եւ
զմիմեանս: Ողորմեաց մեզ:

ՔԱՐՈՉ ԱՌԱՔԵԼՈՑ ԵՒ ՄԱՐԳԱՐԷՒՑ

Աստուած մեծ հզօր և փառաւո-
րեալ. լուսաւորիչ սրբոց՝ եւ ՚ի
սուրբս հանգուցեալ. զճգնութիւն
սրբոց առ աքելոցն բարեխօս ունիմք
առ քեզ. աղաչեմք:

Լուր տէր և ողորմեա:

Որ անդադար օրհնաբանիս ՚ի դա-
սուց հոգեղինաց երկնաւոր զը-
ւարթնոցն. արժանաւորեա՛ զմեզ
ուղիղ փառատրու թեամք ընդ
սուրբս քո երկրպագել մեծի և ա-
հաւոր տէրութեանդ քոյ. աղա:

Օրհնեմք զքեզ միաբան սիրով ՚ի
յիշատակս վկայից քոց. որք հետե-
ւողք եղեն լուսազարդ ճանապար-
հաց քոց տէր. որ վասն մեր յանձն
առեր զչարչարանս խաչի և մահու.
աղաչեմք:

Կատարիչք հաճոյից կամաց աս-

տուածաճուժեանդ քո . զանձինս իւրեանց պատարագեցին 'ի վկայութիւն ճշմարիտ սիրոյ քոյ . և բուրեցին զհոտ անուշից տէրութեանդ քոյ . աղաչեմք :

Սրբեցին զանձինս իւրեանց տաճար անուանդ քում սրբոյ . մաքրեալք զմիտս՝ եւ զխորհուրդս իւրեանց երկիւղիւղ քով սրբով , եւ դասակիցք եղեն հոգեղինաց երկնաւոր զուարթնոցն . աղաչեմք :

Բարեխօսութեամբ սրբուհւոյ աստուածածնին , և յովհաննու կարապետին . սրբոյն ստեփաննոսի նախավկային . եւ սրբոց առաքելոց մարգարէից և մարտիրոսաց . և սրբոյն Գրիգորի մերոյ լուսաւորչին : Բարեխօսութեամբ եւ աղօթիւք սրբոցն (այս անուն) որոց այսօր է յիշատակ : Եւ ամենայն սրբոց քոց տէր՝ որք միացան 'ի սէր աստուածութեանդ քո՝ յիշեա զհոգիս ննջեցելոց մերոց , և այց արա 'ի քում գալստեանդ աղաչեմք :

Եւ եւս առաւել զյորդորումն սի-
րոյ, և զգործս բարեաց պարգեւել
մեզ խնդրեմք:

Զանձինս մեր. Ողորմեաց մեզ:

ՔԱՐՈՋ ՀԱՅՐԱՊԵՏԱՑ՝ ՈՐ ԵՒ ՎԱՐԴԱՊԵՏԱՑ

Առաջնորդք եղեն մեզ ուղիղ գը-
նացիւք 'ի շաւիղս արքայութեան
երկնից. մեծապայծառ ջահիւ՝ հա-
ւատով և սիրովն իւրեանց, ծագե-
ցին զլոյս աստուածգիտութեան 'ի
սիրտս մեր. աղաչեմք:

Պահպանութեամբ խորհրդոց բանից
և գործոց մերոց. սրբութեամբ փա-
ռաւորել զամենասուրբ զերրորդ ու-
թիւնն, զհայր և զորդի և զսուրբ հո-
գին յաւիտեանս ամէն. աղաչեմք:

Աղաչանօք սրբոց արեամբ նահատա-
կեալ վկայիցն ատէր, որք զանձինս
իւրեանց տաճար մաքրեցին հոգւոյդ
քում սրբոյ. պարգեւեա՛յ յերկրի մե-
րում զքաղցրախառն օդ, և զգլուար-
ճալի զքոյս, առ 'ի լցումն լինիլ ամե-
նայն հարկաւոր պիտոյից մերոց. աղա-

Բարեխօսութեամբ սրբուհւոյ աստուածածնին. և այլն:

ՔԱՐՈՋ՝ ՄԱՐՏԻՐՈՍԱՑ, ԵՒ ՃԳՆԱՒՈՐԱՑ

Ջճգնութիւն սրբոց մարտիրոսացն բարեխօս ունիմք առ բարերար որդիդ աստուծոյ. զի շնորհեսցես աշխարհի զանշարժ զխաղաղութիւն. և պահեսցես հաստատուն սուրբ զեկեղեցի, հաստատեալ ՚ի վերայ հիման առաքելոց եւ մարգարէից. աղաչեմք:

Ջճգնութիւն սրբոց մարտիրոսացն բարեխօս ունիմք առ բարերար որդիդ աստուծոյ. զի խաղաղասցին խռովութիւնք. դադարեսցին յարձակմունք թշնամեաց. տնկեսցի սէր և արդարութիւն ՚ի յերկրի. աղա. Աղաչանօք սրբոց մարտիրոսացն տէր, որք ճգնեցան վասն անուանդ քում սրբոյ, նայեաց յերկրպագութիւն ժողովելոցս. եւ շնորհեա՛ մեղաց զթողութիւն, և հան մասն և բաժին ընդ սուրբս ամենայն. աղա:

Աղաչանօք սրբոց արեամբ նահատակեալ վկայիցն տէր, որք զանձինս իւրեանց տաճար մարրեցին հոգւոյդ քում սրբոյ. պարգեւեա՛յ յերկրի մերում զքաղցրախառն օդ. և զզուարճալի զբոյս. առ ՚ի լցումն լինիլ ամենայն հարկաւոր պիտոյից մերոց. աղաւթարեխօսու թեամբ սրբուհւոյ աստուածածնին. և այլն:

ՔԱՐՈՋ՝ ԾՆՆԴԵԱՆ, ԱԻԵՏԵԱՑ ՎԵՐԱՓՈՒՄԱՆ
ԵՒ ՏԵԱՌՆԸՆԴԱՌԱՋԻՆ

Մայր սուրբ սքանչելի լուսոյն, որ զաստուածն ամենայն յաւիտեանց յորովայնի քում կրեցեր, և ցնծութիւն աշխարհի ծնար զբանն աստուած. աղաչեմք:

Մայր սուրբ բարեխօսեա:

Աղաչեա վասն մեր զառ ՚ի քէն ըզմարմնացեալն աստուած, որ խոնարհեցաւ ՚ի հայրական ծոցոյ. էառ մարմին ըստ մարդկային բնութեանս՝ առնել խաղաղութիւն յերկինս և յերկրի. աղաչեմք:

Աղաչեա : Ներել մեզ անտես առ
 նել զյանցանս մեր . և տալ օգնա-
 կանութիւն ընդ զիմակաց լինիլ հա-
 կառակամարտիցն 'ի պատերազմի .
 աղաչեմք :

Աղաչեա : Զի լռեսցին պատերազ-
 մունք . դադարեսցին յարձակմունք
 թշնամեաց . տնկեսցի սէր և արդա-
 րութիւն 'ի յերկրի . աղաչեմք :

Աղաչեա : Աճեցուցանել յերկրի մե-
 րում զքաղցր բղխումն աղբերաց .
 զառատ պտղաբերութիւն բուսոց
 և տնկոց , առ 'ի զուարճալի լինիլ
 ամենայն հարկաւոր պիտոյից մե-
 րոց . աղաչեմք :

Աղաչեա : Զի միաբանեսցէ զեկեղե-
 ցի իւր սուրբ . շինեալ 'ի վերայ հի-
 ման առաքելոց և մարգարէից . պա-
 հել անարատ մինչեւ յօր երևելոյ
 գալստեան իւրոյ . աղաչեմք :

Աղաչեա՛ վասն մեր սրբուհի զմիա-
 ծին քո զորդին . և վասն հոգւոցն
 հանգուցելոց՝ ընդունիլ յարքայու-
 թիւնն երկնից . և տալ մասն և բա-

Ժին ընդ սուրբս ամենայն . աղա :
Յիշեա տէր և ողորմեա :

Եւ եւս առաւել զյորդորումն սի-
րոյ, և զգործս բարեաց պարգեւել
մեզ խնդրեմք :

Տուր մեզ տէր աստուած :

Զանձինս մեր և զմիմեանս տեառն
աստուծոյ ամենակալին յանձն ա :

Քեզ տեառնդ յանձն եղիցուք :

Ողորմեաց մեզ տէր աստուած մեր :

Տէր ողորմեա՛ . տէր ողորմեա՛ . լուր
տէր և ողորմեա :

ՔԱՐՈՋ՝ ՊԱՀՈՑ

Փառաւորեացուք զամենակալն
աստուած զհայր տեառն մերոյ Յի-
սուսի Քրիստոսի, գոհանալով զնը-
մանէ՝ որ պահեաց զմեզ խաղաղու-
թեամբ 'ի գիշերիս յայսմիկ : Եւ ա-
ռաջնորդեաց մեզ 'ի խաւարէ 'ի լոյս .
'ի մահուանէ 'ի կեանս . յապակա-
նութենէ յանապականութիւն . յան-
գիտութենէ 'ի գիտութիւն ճշմար-

տու թեան իւրոյ : Աղաչեսցուք եւ
 խնդրեսցուք 'ի նմանէ , զի զերկա-
 րու թիւն տու ընջեանս խաղաղու-
 թեամբ և ամենայն մտադիւր զուար-
 թու թեամբ արասցէ անցուցանել
 'ի մէնջ : Եւ պարսպեալ պահեսցէ
 զժողովուրդս իւր աստուածային զօ-
 րութեամբն . որ 'ի վերայ ամենայնի
 բարերարութեամբն իւրով իշխա-
 նութիւն ունի : Ամենակալ տէր աս-
 տուած մեր , կեցո՛ և ողորմեա :

Ջառաւօտս լուսոյ և զառաջակայ օրս
 խաղաղութեամբ անցուցանել՝ հա-
 լատով 'ի տեառնէ խնդրեսցուք :
 Ջհրեշտակ խաղաղութեան պահա-
 պան անձանց մերոյ . 'ի տեառնէ :
 Ջքաւութիւն և զթողութիւն յան-
 ցանայ մերոց . 'ի տեառնէ խնդ :
 Ջսրբոյ խաչին մեծ և կարող զօրու-
 թիւնն յօգնութիւն անձանց մե :
 Եւ եւս միաբան վասն ճշմարիտ և :
 Ջանձինս մեր և : Ողորմեաց մեզ :

Աղօթք , Գահանայ : Սուրբ աստուած : Մաղթանք ,
 Փրկել շէշ :

Ք Ա Ր Ո Ջ

Եւ եւս խաղաղութեան զտէր աղա:
 Վասն լսելի լինելոյ տեառն աստու-
 ծոյ ձայնի աղաչանաց մերոց՝ բարե-
 խօսութեամբ սուրբ աստուածաձ-
 նին. և իջանելոյ ՚ի վերայ մեր ողոր-
 մութեան եւ գթութեան տեառն
 աստուծոյ: Ամենակալ տէր աս-
 տուած մեր, կեցո՛ւ և ողորմեա:

Օրհնութիւն և փառք հօր:

Փ Ո Ւ

Օրհնեցէ՛ք մանկունք զտէր. և օրհ-
 նեցէ՛ք զանուն տեառն,
 Եղիցի անուն տեառն օրհնեալ,
 յայսմ հետէ մինչեւ յաւիտեան:
 Յարեւելից մինչեւ ՚ի մուտս արե-
 ւու՝ օրհնեալ է անուն տեառն:
 Բարձր է ՚ի վերայ ամենայն ազգաց
 տէր, և յերկինս են փառք նորա:
 Ո՛վ է որպէս տէր աստուած մեր ՚ի
 բարձունս բնակեալ, եւ զխոնարհս
 տեսանէ յերկինս և յերկրի:
 Յարուցանէ զաղբատս յերկրէ, եւ

բարձր առնէ զտառապետալս յաղ-
բեւաց :

Նստուցանէ զնոսա իշխանս՝ ընդ իշ-
խանս ժողովրդեան իւրոյ :

Բնակեցուցանէ զամուլն ՚ի տան ու-
րախամիտ, որպէս մայր որդւովք
բերկրեալ :

Փառք հօր և : Այժմ և միշտ :

Շարական, Մանկան :

Ք Ա Ր Ո Ջ

Վասն խաղաղութեան ամենայն
աշխարհի, եւ հաստատութեան
սրբոյ եկեղեցւոյ զտէր աղաչես-
ցուք : Ասասցուք ամենեքեան միա-
բանութեամբ :

Աղօթք. Սուրբ եւ որդի սուրբ յեր :

ՓՈՒ Ի ՏՕՆԻ ՍՐԲՈՑ

Սիրեցի՝ զի լուիցէ տէր զձայն աղօ-
թից իմոց. զի խոնարհեցոյց զունկն
իւր առ իս, և ես յաւուրս իմ կար-
գացի առ նա :

Շրջեցան զինեւ երկունք մահու .
և վիշտք դժոխոց գտին զիս :

Ձնեղու թիւն և զանձկու թիւն գտի,
 և զանուէն տեառն կարգացի:
 Ո՛ տէր՝ փրկեա՛ զանձն իմ. ողորմած
 աստուած մեր ողորմի՛ եւ պահէ
 զտղայս տէր:

Ես խոնարհ եղէ՛ և տէր կեցոյց զիս.
 դա՛րձ անձն իմ ՚ի հանգիստ քո, զի
 տէր օգնեաց քեզ:

Փրկեաց զանձն իմ ՚ի մահուանէ,
 զաչս իմ յարտասուաց, եւ զոտս
 իմ ՚ի գայթակղութենէ, հաճոյ ե-
 ղէց առաջի տեառն յերկրին կեն-
 դանեաց:

Հաւատացի զոր և խօսեցայ. և ես
 խոնարհ եղէ յոյժ:

Ես ասացի ՚ի զարմանալ իմում, թէ
 ամենայն մարդ սուտ է:

Զի՛նչ տաց տրիտուր տեառն ընդ
 ամենայնի՛ զոր և ետ ինձ:

Զբաժակ փրկութեան ընկալայց, և
 զանուէն տեառն կարգացից:

Զաղօթս իմ տեառն տաց՝ առաջի
 ամենայն ժողովրդեան նորա:

Պատուական է առաջի տեառն մահ

սրբոց իւրոց. ո՛ր տէր ես ծառայ քո
 եմ, ծառայ և որդի աղախնոյ քոյ :
 Հատեր զկապանս իմ. քեզ մատու-
 ցից պատարագ օրհնութեան, եւ
 զանուն տեառն կարգացից :

Զաղօթս իմ տեառն տաց առաջի
 ամենայն ժողովրդեան նորա. 'ի գա-
 ւիթս տան տեառն, եւ 'ի մէջ քո
 երուսաղէմ :

Օրհնեցէ՛ք զտէր ամենայն ազինք .
 գովեցէ՛ք զնա ամենայն ժողովուրդք :
 Զօրասցի ողորմութիւն նորա 'ի վե-
 րայ մեր և ճշմարտութիւն տեառն
 մնացէ յաւիտեան :

Աստուած յանուան քում կեցո՛
 զիս, եւ 'ի զօրութեան քում իրաւ-
 արա՛ ինձ :

Աստուած լո՛ւր աղօթից իմոց, ուն-
 կըն գիր բանից բերանոյ իմոյ :

Օտարք յարեան 'ի վերայ իմ, եւ
 հզօրք խնդրեցին զանձն իմ, եւ ոչ
 համարեցան զքեզ աստուած առա-
 ջի իւրեանց :

Ահա աստուած օգնական իմ, եւ

տէր ընդունող հոգւոյ իմոյ :
 Ի դարձուցանել զչարն 'ի թշնամիս
 իմ, ճշմարտութեամբ քովսատակեան
 զնոսա :

Ես կամօք իմովք պատարագս մա-
 տուցից քեզ. եւ խոստովան եղէց
 անուան քում տէր, զի բարի է :
 Յամենայն նեղութենէ իմմէ փրկե-
 ցեր զիս. և 'ի թշնամիսն իմ ետես
 ակն իմ :

Տո՛ւր զօրութիւն ծառայի քոյ. կե-
 ցո՛ զորդի աղախնոյ քոյ. եւ արա՛
 առ իս նշան բարութեան :

Տեսցեն ատելիք իմ եւ ամաչեսցեն.
 զի դու տէր օգնեցեր ինձ, և մխի
 թարեցեր զիս :

Փառք հօր և : Այժմ և միշտ և :
 Երգ , Աբրահամ : Մաղթանք , Քրիստոս աստուած Վեր :

ՓՈՒ ՅԱՒՈՒՐՍ ՊԱՀՈՑ

Բանից իմոց ունկնդի՛ր տէր, եւ 'ի
 միտ առ զաղաղակ իմ :

Նայեա՛ 'ի ձայն աղօթից իմոց, թա-
 գաւոր իմ և աստուած իմ :

Ես զքեզ աղաչեմ տէր . ընդ առա-
ւօտս լուիցես ձայնի իմում . ընդ
առաւօտս պատրաստ եղէց, յանդի-
ման լինիլ առ քեզ :

Ո՛չ թէ դու աստուած կամիս զա-
նօրէնութիւն . եւ ոչ բնակին առ
քեզ չարք, և անօրէնք մի բնակես-
ցին առաջի աչաց քոց :

Ատեցեր զայնօսիկ, ոյք գործեն զա-
նօրէնութիւն . կորուսանես զամե-
նեսեան ոյք խօսին զսուտ :

Ջայր արիւնահեղ եւ զնենգաւոր
պիղծ առնես դու տէր . այլ ես ըստ
բազում ողորմութեան քում մտից
'ի տուն քո, և երկիրպագից 'ի տա-
ճար սուրբ քո երկիւղիւ քո :

Տէր առաջնորդեա՛ ինձ յարդարու-
թեան քում . վասն թշնամեաց ի-
մոց՝ ու զիղ արա՛ առաջի իմ զճանա-
պարհս քո :

Զի ոչ գոյ 'ի բերանս նոցա ճշմար-
տութիւն . եւ սիրտք նոցա նան-
րեալք են :

Որպէս գերեզմանք բաց են կոկորդք

նոցա . և լեզուօք իւրեանց նենգա-
ւորք եղեն :

Դատեա՛ զնոսա աստուած՝ զի անկ-
ցին ՚ի խորհրդոց սրտից իւրեանց .
ըստ բազում ամբարշտութեան նո-
ցա մերժեա՛ զնոսա , զի դառնացու-
ցին զբեզ :

Ուրախ լիցին ամենեքեան՝ ոյք յու-
սացեալ են ՚ի քեզ . յաւիտեան ցըն-
ծացեն . և բնակեսցիս դու ՚ի նոսա :
Պարծեսցին ՚ի քեզ սիրելիք անուան
քոյ , զի օրհնեսցես դու զարդարն .
տէր որպէս զինու հաճութեամբ
քով պսակեցեր զնոսա :

Լցաք առաւօտու ողորմութեամբ
քով . ցնծացաք և ուրախ եղաք զա-
մենայն աւուրս կենաց մերոց :

Ուրախ եղաք փոխանակ աւուրցն՝
յորս խոնարհ արարեր զմեզ , և ա-
մացն՝ յորս տեսաք զչարչարանս :

Հայեա՛ տէր ՚ի ծառայս քո և ՚ի գործս
ձեռաց քոց , և առաջնորդեա՛ որդ-
ւոց նոցա . եղիցի լոյս տեառն աս-
տուծոյ ՚ի վերայ մեր :

Զգործս ձեռաց մերոց ուղիղ արա՛
 'ի մեզ տէր, և զգործս ձեռաց մե-
 րոց յաջողեա՛ մեզ:

Ի խորոց կարգացի առ քեզ տէր.
 տէր, լո՛ւր ձայնի իմում:

Եղիցին ականջք քո 'ի լսել զձայն ա-
 ղօթից իմոց:

Թէ զանօրէնու թիւնս իմ քննես
 տէր՝ տէր, իսկ ո՞ կարէ կալ առաջի
 քո, զի 'ի քէն է քաւու թիւն:

Վասն անուան քոյ համբերի տէր.
 համբեր անձն իմ բանի բում. յու-
 սացաւ անձն իմ 'ի տէր:

Ի պահէ առ աւօտու մինչեւ յերե-
 կոյ, 'ի պահէ առ աւօտու յուսա-
 ցաւ իսրայէլ 'ի տէր:

Ի տեառնէ է ողորմութիւն քա-
 ղում. 'ի նմանէ է փրկութիւն, և
 նա փրկեաց զիսրայէլ յամենայն
 նեղութեանց նորա:

Լսելի արա՛ ինձ առ աւօտու զողոր-
 մութիւնս քո, զի ես 'ի քեզ տէր
 յուսացայ:

Յո՛յց ինձ ճանապարհ՝ յոր և գնացից,

զի առ քեզ տէր համբարձի զանձն
իմ :

Փրկեա՛ զիս 'ի թշնամեաց իմոց տէր .
զի զքեզ ապաւէն ինձ արարի :
Ուսո՛ ինձ առնել զկամս քո . զի դու
ես աստուած իմ :

Հոգի քո բարի առաջնորդեսցէ ինձ
'ի յերկիր ուղիղ :

Վասն անուան քոյ տէր՝ կեցուսցես
զիս . արդարու թեամբ քով հանցես
'ի նեղութենէ զանձն իմ :

Ողորմութեամբ քով սատակեա՛ ըզ-
թշնամիս իմ . եւ կորո՛ զամենայն
նեղիչս անձին իմոյ . զի ես ծառայ
քո եմ :

Աստուած յանուան քում կեցո՛ զիս ,
և 'ի զօրութեան քում իրաւ արա՛
ինձ :

Աստուած լուր աղօթից իմոց , ունկն
դիր բանից բերանոյ իմոյ :

Օտարք յարեան 'ի վերայ իմ , և հը-
զօրք խնդրեցին զանձն իմ , և ոչ հա-
մարեցան զքեզ Աստուած առաջի
իւրեանց :

Ահա աստուած օգնական իմ, և տէր
ընդ ունող հոգւոյ իմոյ :

Ի դարձուցանել դչարն 'ի թշնամիս
իմ, ճշմարտութեամբ քով սատակեա՛
լնոսա :

Ես կամօք իմովք պատարագս մա-
տուցից քեզ : Եւ խոստովան եղէց
անուան քում տէր, զի բարի է :

Յամենայն նեղութեանէ իմմէ փրկե-
ցեր զիս : և 'ի թշնամիսն իմ ետես
ակն իմ :

Փառք հօր և : Այժմ և միշտ :

Երգ : Աբուլուհուն : Մաղթանք, Խաչի եղէցէ :

ՔԱՐՈՋ ՅԱՒՈՒՐՍ ՊԱՀՈՑ

Աղաչեսցուք զամենակալն աստուած,
զի պահպանեսցէ զժողովուրդս իւր
ընդ հովանեաւ սուրբ եւ պա-
տուական խաչիւն իւրով 'ի խաղա-
ղութեան : Ամենակալ տէր աս-
տուած մեր : կեցո՛ւ և ողորմեա :

Աղօթք, Օգնեա Քչ Դեր :

ՔԱՐՈՋ Ի ՏՕՆԻ ՍՐՔՈՑ

Սուրբ Ճգնաւորօքն աղաչեսցուք զտէր, որք զչարսն պարտեցին, նեղութեանցն համբերեցին: Լուսեղէն եւ երկնային անթառամ պսակացն արժանի եղեն: Աղօթիւք նոցա եւ բարեխօսութեամբ մեզ ողորմեսցի: Ամենակալ տէր աստուած մեր. կեցո՛ւ և ողորմեա:

Աղօթք, Որ ընդրեցեր, Կ՝Պ՝ Պ՝ԻԷՆ

Յիշեա՛ տէր զպաշտօնեայս քո. ըզճնողսն մեր. զվարդապետս. զեղբարս. զընկերս. զկերակրիչս. զուխտաւորս. զճանապարհորդս. զհանգուցիչս. զվաստակաւորս. զխոստովանողս. զապաշխարողս. զգերիս. զհիւանդս. զնեղեալս. զխշխանս. զչարարարս. զբարերարս. զթշնամիս. զատելիս. եւ որք պատուիրեցին մեզ հաւատով:

Յիշեա՛ տէր և ողորմեա:

Աղօթք, Բարերար և բազմաողորմ:

ԱՐԵՒԱԳԱԼԻ
ԺԱՄԵՐԳՈՒԹԻՒՆ

Օրհնեալ տէր մեր Յիսուս Քրիստոս, ամէն,
Հայր մեր որ յերկինս:

Եղիցի անուն տեսուն օրհնեալ
յաւիտեան. զի յառաջքան զարեւ
է անուն նորա:

Ի նա օրհնեսցին ամենայն ազգք
երկրի, եւ ամենայն ազինք երանի-
ցեն նմա:

Օրհնեալ տէր աստուած իսրայէլի
որ առնէ սրանչելիս միայն. և օրհ-
նեալ է անուն սուրբ փառաց նորա
յաւիտեան. լցցի փառօք նորա. ա-
մենայն երկիր. եղիցի եղիցի:

Փառք հօր և: Այժմ և միշտ:

Եւ եւս իսաղաղութեան զտէր աղա-
չեսցուք. ընկալ կեցո և ողորմեա:

Օրհնութիւն և փառք հօր և որդւոյ
և հոգւոյն սրբոյ, այժմ և:

Ք Ա Ր Ո Ջ

Յարեւելից մինչեւ 'ի մուտս արեւ-
 ւու ընդ ամենայն տեղիս քրիստո-
 նէութեան, ուր և կարդան զանուն
 տեառն սրբութեամբ՝ տէր աղօ-
 թիւք նոցա եւ բարեխօսութեամբ
 մեզ ողորմեսցի: Ուխտիւք զաս-
 տուած աղաչեսցուք, զի նա փրկեսցէ
 զմեզ 'ի մեղաց և 'ի ցանկութենէ
 աշխարհի: Ընկալցի զուխտս և զխըն-
 դրուածս սրտից մերոց, և արժանի ա-
 րասցէ զմեզ հաւատոց և պատուիրա-
 նաց իւրոց ընդ ամենայն սուրբս իւր:
 Ամենակալ տէր աստուած մեր, կե-
 ցո՛ և ողորմես:

Զառաւօտս լուսոյ և զառաջակայ օրս
 խաղաղութեամբ անցուցանել՝ հա-
 ւատով 'ի տեառնէ խնդրեսցուք:
 Զհրեշտակ խաղաղութեան պահա-
 պան անձանց մերոց, 'ի տեառնէ:
 Զբաւութիւն և զթողութիւն յան-
 ցանաց մերոց, 'ի տեառնէ խնդ:
 Զսրբոյ խաչին մեծ և կարող զօրու-
 թիւնն յօգնութիւն անձանց մե:

Եւ եւս միաբան : Զանձինս մեր եւ
զմիմեանս : Ողորմեաց մեզ :

Աղօթք, Յուդեայի Գեղի :

Փ Ո Ւ Ք

Աղաղակեցէք առ տէր ամենայն երկիր .
ծառայեցէք տեառն ուրախու
թեամբ :

Մտէք առաջի նորա ցնծութեամբ .
ծաներուք զի նա է տէր աստուած
մեր :

Նա՛ արար զմեզ, և ոչ մեք էաք . մեք
ժողովուրդք և խաչն արօտի նորա :
Մտէք ընդ դրունս նորա խոստովա
նութեամբ . եւ օրհնութեամբ ՚ի
յարկս նորա :

Խոստովան եղերուք տեառն, եւ
օրհնեցէք զանուն նորա :

Քաղցր է տէր, յաւիտեան է ողոր
մութիւն նորա . ազգէ մինչեւ յազգ
է ճշմարտութիւն նորա :

Փառք հօր և : Այժմ և միշտ :

Երգ, Ճեմարտ սարսնայ : Մաղթանք, Աղալի՛ օղորտից :

Ք Ա Ր Ո Ջ

Սուրբ ճգնաւորօքն աղաչեսցուք զտէր, որք զչարսն պարտեցին, նեղութեանցն համբերեցին, լուսեղէն և երկնային անթառամ պսակացն արժանի եղեն. աղօթիւք նոցա եւ բարեխօսութեամբ մեզ ողորմեսցի: Ամենակալ տէր աստուած մեր. կեց՛ և ողորմես:

Աղօթք, Սուրբ երեւ: Յիշեա՛ տէր զպաշտօնեայս:
 Աղօթք, Բարեբաղ և Բարեհաղորդ:

Փ Ո Ւ Ս

Աստուած աստուած իմ, ես առքեզ առաւօտ առնեմ. ծարաւեաց առ քեզ հոգի իմ, քանի՛ պատիկ եւս և մարմին իմ:

Որպէս երկիր անապատ և անջուր, ուր ո՛չ գոյ ՚ի նմա ճանապարհ:

Այսպէս ՚ի սուրբս երեւեցայց քեզ, տեսանել ինձ զզօրութիւնս քո եւ զփառս քո:

Վասն զի լաւ է ինձ ողորմութիւն

բո բան զկեանս իմ. և շրթունք իմ
 գովեսցեն զքեզ:

Այսպէս օրհնեցից զքեզ 'ի կեանս
 իմ, և յանուն բո համբարձից ըզ-
 ձեռս իմ:

Որպէս 'ի ճարպոյ պարարտութենէ
 լցցի անձն իմ, շրթամբք ցնծութեան
 օրհնեսցէ զքեզ բերան իմ:

Զի թէ յիշէի զքեզ յանկողնի ի-
 մում, ընդ առաւօտս կանխեալ խօ-
 սէի ընդ քեզ:

Զի եղեր իմ օգնական, 'ի հովանի
 թեւոց քոց ցնծացայց:

Եկն զկնի բո անձն իմ. եւ զիս ըն-
 կալաւ աջ բո. եւ նոքա 'ի նանիր
 խնդրեցին զանձն իմ:

Մտցեն 'ի ներքոյ անդնդոց երկրի.
 մատնեսցին 'ի ձեռս սրոյ. և բաժինք
 աղուխուց եղիցին:

Թագաւոր յուսացաւ 'ի տէր. գո-
 վեսցին ամենեքեան որք երդնուն
 նովաւ՝ խցցին բերանք այնոցիկ. ոչք
 խօսէին զանիրաւութիւն:

Լճուր, աստուած աղօթից իմոց յա-

Ղաչել ինձ առ քեզ. յերկիրդէ թշնա
մւոյն փրկեա՛ զանձն իմ:

Ծածկեսցես զիս 'ի ժողովոց չարաց,
'ի բազմութենէ՝ ոյք գործեն զա-
նօրէնու թիւն:

Ոյք սրեցին որպէս սուսեր զլեզուս
իւրեանց. լարեցին զաղեղունս իւր-
եանց յիրս դառնութեան:

Ձգել 'ի գաղտնիս այնոցիկ՝ ոյք ու-
ղիղ են սրտիւք. յանկարծակի ձգես-
ցեն 'ի նոսա, և մի երկիցեն:

Ոյք զօրացուցին յանձինս իւրեանց
զքանս չարութեան. խորհեցան
թագուցանել ինձ որոգայթ, և ա-
սացին՝ ոչ տեսանէ զայս տէր:

Քննեցին զանօրէնութիւն, պար-
տասեցան 'ի քննել զքննութիւն:

Մատիցէ այր 'ի խորութիւն սրտի
իւրոյ, և բարձր եղիցի աստուած:

Նետք տղայոց եղեն վէրք նոցա.
տկարացան 'ի նոսա լեզուք նոցա,
և խռովեցան ամենեքեան ոյք հա-

յէին ընդ նոսա:

Երկեաւ ամենայն մարդ 'ի պատմել

զգործս աստուծոյ, եւ զարարածս
նորա 'ի միտ առին:

Ուրախ եղիցի արդար 'ի տէր, եւ
յուսասցի 'ի նա. նուլաւ գովեսցին
ամենեքեան, ոյք ուղիղ են սրտիւք:

Փառք հօր և: Այժմ և միշտ:

Երգ, Լոյս, Երբեք Երբեք: Մաղթանք, Լոյսից Կոչ:

Ք Ա Ր Ո Ջ

Եւ եւս խաղաղութեան զտէր աղա:
Փառաւորեսցուք զամենակալն աս-
տուած՝ որ ծագեաց զլոյս առաւօ-
տու յարարածս իւր. ծագեսցէ և
այժմ զառաւ որորմութիւն իւր 'ի
վերայ փառաբանչաց անուան իւ-
րոյ: Ամենակալ տէր աստուած մեր,
կեցո՛ւ և որորմեա:

Աղօթք, Զառաւորեսցուք:

Փ Ո Խ

Տէր հովուեսցէ զիս. եւ ինձ ինչ
ոչ պակասեսցի:

Ի վայրի դաւարուջ՝ անդ բնակեցոյց
զիս. և առ ջուրս հանգստեան սը-
նոյց զիս:

Դարձոյց զանձն իմ առ իս, և առաջ

Նորդեաց ինձ 'ի ճանապարհս արդա-
րու թեան վասն անուան իւրոյ :
Թէպէտ և գնացիցես 'ի մէջ ստուե-
րաց մահու , ոչ երկեայց 'ի չարէ ,
զի դու տէր ընդ իսես :

Յուպ քո և գաւազան՝ նոքա մխի-
թարեսցեն զիս :

Պատրաստ արարեր առաջի իմ զսե-
ղան՝ ակն յանդիման նեղչաց իմոց :
Օձեր իւղով զգլուխ իմ . բաժակ քո
որպէս անապակ արբեցոյց զիս :

Ողորմութիւն քո տէր զհետ իմ
եկեսցէ՝ զամենայն աւուրս կենաց
իմոց . բնակիլ ինձ 'ի տան տեառն
ընդ երկայն աւուրս :

Յոյց ինձ ճանապարհ՝ յոր և գնացից
զի առ քեզ տէր համբարձի զանձն
իմ :

Փրկեա՛ զիս 'ի թշնամեաց իմոց տէր՝
զի զքեզ ապաւէն ինձ արարի :

Ուսո՛ ինձ առնել զկամս քո . զի դու
ես աստուած իմ :

Հոգի քո բարի առաջնորդեսցէ ինձ
'ի յերկիր ուղիղ :

Վասն անուան քոյ տէր՝ կեցուսցես
զիս . արդարու թեամբ քով հանցես
'ի նեղութենէ զանձն իմ :

Ողորմու թեամբ քով սատակեա՛ւ ըզ-
թշնամիս իմ . և կորո՛ զամենայն նե-
ղիչս անձին իմոյ, զի ես ծառայ քո եմ :
Աստուած մեր ապաւէն եւ զօրու-
թիւն . օգնական 'ի վերայ նեղու-
թեանց, որք գտին զմեզ յոյժ :

Վասն այսորիկ ոչ երկիցուք մեք 'ի
խռովիլ երկրի . 'ի փոփոխիլ լերանց
'ի սիրտս ծովու :

Գոչեցին և խռովեցան ջուրք նոցա .
խռովեցան լերինք 'ի զօրութենէ
նորա :

Գնացք գետոց ուրախ առնեն զքա-
ղաքն աստուծոյ . եւ սուրբ արար
զյարիս իւր բարձրեալն :

Աստուած 'ի մէջ նոցա, և նոքա մի՛
սասանեսցին . օգնեսցէ նոցա աս-
տուած 'ի վաղորդենէ մինչեւ 'ի վա-
ղորդեան :

Խռովեցան հեթանոսք, եւ խոնար-
հեցան թագաւորութիւնք . եւ տ

զձայն իւր բարձրեալն՝ եւ խռովեցաւ երկիր:

Տէր զօրութեանց ընդ մեզ, ընդունելի է մեր աստուած յակոբայ:

Եկայք և տեսէք զգործս աստուծոյ, որ արար զնշանս եւ զարուեստս ՚ի վերայ երկրի:

Եհար զպատերազմ ՚ի ծագաց մինչեւ ՚ի ծագս երկրի. զաղեղունս փշրեաց, զզէնս խորտակեաց, եւ զասպարս այրեաց հրով:

Կանխեցէք և ծաներուք, զի ես եմ աստուած. բարձր եղէց ՚ի հեթանոսս, և բարձրացայց ՚ի վերայ երկրի:

Տէր զօրութեանց ընդ մեզ. ընդունելի է մեր աստուած յակոբայ:

Աստուած յօգնել ինձ նայեաց. եւ տէր յընկերել ինձ փութա՛:

Ամաչեսցեն եւ յամօթ լիցին, ոյք խնդրէին զանձն իմ. դարձցին յետս և ամաչեսցեն, ոյք խորհէին ինձ չար: Դարձցին առ ժամայն ամաչեսցեալք.

ոյք ասէին ինձ վաշ վաշ:

Ցնծասցեն և ուրախ լիցին ՚ի բեզաւ:

մենեքեան, ոյք խնդրեն զքեզ տէր :
Ասասցեն յամենայն ժամ, մեծ է
աստուած . եւ ոյք սիրեն զփրկու
թիւնս քո :

Էս աղբատ և տնանկ եմ, աստուած
օգնեա՛ ինձ . օգնական և փրկիչ իմ
ես . և դու տէր իմ՝ մի՛ յամենար :
Տո՛ւր զօրու թիւն ծառայի քոյ . կե-
ցո՛ զորդի աղախնոյ քոյ . եւ արա՛
առ իս նշան բարու թեան :

Տեսցեն ատելիք իմ եւ ամաչեսցեն .
զի դու տէր օգնեցեր ինձ, և մխի
թարեցեր զիս :

Փառք հօր և : Այժմ և միշտ և :

Երգ , Ճանադարհ : Մաղթանք , Տէր , ուղեա՛ :

ՔԱՐՈՋ

Աղաչեսցուք զամենակալն աս-
տուած՝ զի յաջողեալ ուղղեսցէ զճա-
նապարհս ծառայից իւրոց ՚ի բարի և
՚ի խաղաղութիւն : Ամենակալ տէր
աստուած մեր՝ կեցո՛ և ողորմեա :

Աղօթք : Օրհնեալ ես քեր աստուած :

ՃԱՇՈՒ

ԺԱՄԵՐԳՈՒԹԻՒՆ

Օրհնեալ տէր մեր Յիսուս Քրիստոս , ամէն :
Հայր մեր որ յերկինս :

Օրհնեալ Հոգիդ սուրբ Աստուած
Ճշմարիտ . ամէն :

ՍԱՂՄՈՍ

Ողորմեա՛ ինձ Աստուած ըստ մեծի
ողորմութեան . բում . ըստ բազում
գթութեան . բում . բաւեա՛ զանօրէ-
նութիւնս իմ :

(Տե՛ս յերե՛ս 32) :

Երգ . Օրհնեմք զեղ . Մաղթանք , Յաւնայն յամեն :

ՔԱՐՈՋ ՄԵԾԻ ՊԱՀՈՑ

Միաբան ամենեքեան գոհացարուք
զմարդասիրէն աստուծոյ և զփրկչէն
մերմէ Յիսուսէ Քրիստոսէ : Որ աղա-

տեաց զազգս մարդկան 'ի դատա-
պարտութենէ անիծիցն . և եբարձ
զմեզս աշխարհի 'ի ժամուս յայսմիկ
խաչիւն իւրով . և շնորհեաց առա-
տապէս զպարգեւս Հոգւոյն սրբոյ
երանելի առաքելոցն : Խնդրեսցուք
հաւատով զի զմեզ զամենեսեան՝
արասցէ հաղորդս մեծամեծաց եւ
աստուածային բարեացն այնոցիկ ,
աղօթիւք և բարեխօսութեամբ ա-
մենայն սրբոց , որք աստ և ընդ ամե-
նայն տիեզերս : Արպէս զի անարատ
վարուք , եւ ճշմարիտ առաքինու-
թեամբ կացեալք ըստ կամաց նորա
յայսմ աշխարհիս , զմասն և զվիճակ
ժառանգութեան ընկալցուք ընդ
ամենայն սուրբս նորա . զքնակու-
թիւն յաւիտենական եւ երկնային
խորանացն : Զոր խոստացաւ սիրե-
լեաց իւրոց ճշմարիտն աստուած
Յիսուս Քրիստոս . տէր մեր կեցո՛ւ և
ողորմեա : Զժամս և զառաջակայ օրս
խաղաղութեամբ անցուցանել՝ հա-
ւատով 'ի տեսուելի խնդրեսցուք :

Զհրեշտակ խաղաղութեան պահա-
 պան անձանց մերոց. 'ի տեառնէ :
 Զքաւութիւն և զթողութիւն յան-
 ցանաց մերոց. 'ի տեառնէ խնդ :
 Զսրբոյ խաչին մեծ և կարող զօրու-
 թիւնն յօգնութիւն անձանց մե :
 Եւ եւս միաբան վասն ճշմարիտ և :
 Զանձինս մեր և : Ողորմեաց մեզ :
 Ազօթք, Որ 'է քրիստոսիս :

ՍԱՂՄՈՍ

Տէր աստուած օրհնեալ. օրհնեալ է
 տէր զօրհանապագ :
 Աստուած մեր, աստուած կենա-
 րար, և նա փրկեսցէ զմեզ :
 Տէր աստուած օրհնեալ, օրհնեալ
 տէր զօրհանապագ, առաջնորդեսցէ
 մեզ աստուած փրկիչ մեր :

ՔԱՐՈՋ

Խնդրեսցուք հաւատով 'ի տեառնէ
 վասն ճանապարհորդաց հարց և եղ-
 բարց մերոց, որք ընդ ծով եւ ընդ
 ցամաք գնասցեն. որպէս զի առաջ-
 նորդեսցէ նոցա, խաղաղութեամբ

պահեսցէ, եւ տարեալ հասուցէ
 յիւրաքանչիւր տեղիս տէր աս-
 տուած մեր: Վասն զի նա ինքն է
 առաջնորդ կենաց, և յոյս փրկու-
 թեան որ յաջողէ ծառայից իւրոց
 խաղաղութեամբ հասանիլ 'ի նա-
 ւահանգիստն կենաց և փրկութեան:
 Ամենակալ տէր աստուած մեր, կե-
 ցո՛ւ և ողորմեա:

Աղօթք. Առաջնորդեա՛ մէ, Յիշեա՛ տէր զպաշտօնեայս:
 Աղօթք. Բարեբար և բազումօղորմ:

Փ Ո Ւ Յ

Տէր հովուեսցէ զիս, եւ ինձ ինչ
 ոչ պակասեցի:

Ի վայրի դալարւոջ՝ անդ բնակեցոյց
 զիս, եւ առ ջուրս հանգստեան
 սնոյց զիս:

Դարձոյց զանձն իմ առ իս, և առաջ-
 նորդեաց ինձ 'ի ճանապարհս արդա-
 րութեան վասն անուան իւրոյ:
 Թէպէտ և գնացիցես 'ի մէջ ստուե-
 րաց մահու, ոչ երկեայց 'ի չարէ,
 զի դու տէր ընդ իս ես:

Յուպ քո եւ գաւազան՝ նորա մխի-
թարեսցեն զիս :

Պատրաստ արարեր առաջի իմ զսե-
ղան՝ ակն յանդիման նեղչաց իմոց :
Օծեր իւղով զգլուխ իմ. բաժակ քո
որպէս անապակ արբեցոյց զիս :

Ողորմութիւն քո տէր զհետ իմ
եկեսցէ՝ զամենայն աւուրս կենաց
իմոց. բնակիլ ինձ 'ի տան տեառն
ընդ երկայն աւուրս :

Յոյց ինձ ճանապարհ՝ յոր եւ գնա-
ցից զի առ քեզ տէր համբարձի
զանձն իմ :

Փրկեա՛ զիս 'ի թշնամեաց իմոց տէր՝
զի զքեզ ապաւէն ինձ արարի :

Ուսո՛ ինձ առնել զկամս քո. զի դու
ես աստուած իմ :

Հոգի քո բարի առաջնորդեսցէ ինձ
'ի յերկիր ուղիղ :

Վասն անուան քոյ տէր՝ կեցուսցես
զիս. արդարութեամբ քով հանցես
'ի նեղութենէ զանձն իմ :

Ողորմութեամբ քով սատակեա՛ ըղ-
թշնամիս իմ. և կորո՛ զամենայն նե-

դիչս անձին իմոյ, զի ես ծառայքո եմ.
Փառք հօր և : Այժմ և միշտ :

Ք Ա Ր Ո Զ

Եւ եւս խաղաղութեան զտէր աղա :
Գոհաբանելով աղաչեսցուք զբարերար հոգին աստուած, և խընդրեսցուք զողորմութիւն 'ի նմանէ, զի անցուսցէ 'ի մէնջ զցասու մն պատուհասի յանցանաց մերոց բարերարութեամբն իւրով : Ամենակալ տէր աստուած մեր, կեցո՛ւ և ողոր : Ազօթք, Խաղաղութեամբք + ու՛ հոգիդ :

Օրհնեալ տէր մեր Յիսուս Քրիստոս . ամէն :
Հայր մեր որ յերկինս :

Օրհնեալ Հայր սուրբ աստուած
Ճշմարիտ . ամէն :

Ս Ա Ղ Մ Ո Ս

Ողորմեա՛ ինձ աստուած ըստ մեծի
ողորմութեան քում . ըստ բազում
գթութեան քում՝ քաւեա՛ զանօրէն
նութիւնս իմ :

(Տե՛ս յերե՛ս 32)

Երգ, Խաղաղութեամբք : Մաղթանք, Յովնայն ժամանակ :

ՔԱՐՈՋ ՄԵՍԻ ՊԱՀՈՑ

Արթուրն մտօք և անզքօս խորհրդոյ
 կացցուք միաբան յաղօթս առ
 առջի տեառն մերոյ և փրկչին Յի-
 սուսի Քրիստոսի : Հաւատով խընդ-
 րեսցուք 'ի նմանէ զհրեշտակ խա-
 ղաղու թեան պահապան անձանց
 մերոց . որ եկեալ բնակեսցէ շուրջ
 զմեօք , և աներկիւղ պահեսցէ զմեզ
 յամենայն հրեղէն նետից սատա-
 նայի . որ թռչի 'ի տուէ . յիրաց
 խաւարային գնացից . 'ի գայթակ-
 ղու թենէ դիւին 'ի հասարակ ա-
 ւուր : Յորմէ զգուշութեամբ պա-
 հելով աղօթիւք եւ բարեխօսու-
 թեամբ ամենայն սրբոց , շնորհեսցէ
 մեզ մարդասէրն աստուած կեալ
 առաքինութեամբ 'ի փրկու թիւն
 անձանց մերոց , 'ի պատիւ և 'ի փառս
 կենդանացուցիչ անուան իւրոյ :
 Յոյս հաղորդութեան ընկալցուք 'ի
 յայտնութեան միածնի որդւոյն
 աստուծոյ . կերպարանակից առնել
 զմարմին խոնարհութեան մերոյ :

ըստ նմանու թեան մարմնոյ փառաց
 իւրոց. վասն զի զայս խոստացաւ
 սիրելեաց իւրոց ճշմարիտն աստուած
 Յիսուս Քրիստոս տէր մեր, կեցո՛ւ և
 ողորմեաւ. Զժամս և զառաջակայ օրս
 խաղաղութեամբ անցուցանել՝ հաւ
 ւատով՝ ի տեառնէ խնդրեսցուք:
 Զհրեշտակ խաղաղութեան պահա
 պան անձանց մերոց. ի տեառնէ:
 Զբաւութիւն և զթողութիւն յան
 ցանաց մերոց. ի տեառնէ խնդ:
 Զսրբոյ խաչին մեծ և կարող զօրու
 թիւնն յօգնութիւն անձանց մե
 րեւեւս՝ միաբան վասն ճշմարիտ և:
 Զանձինս մեր և: Ողորմեաց մեզ:
 Աղօթք, Զէեց՝ ԺԷ ԴԵՐ:

ՍԱՂՄՈՍ

Տէր՝ մի՛ յիշեր զմեզս մեր զառաջինս,
 վաղվաղեսցէ առ մեզ ողորմութիւն
 քո տէր. զի սղքատացաք յոյժ:
 Օգնեա՛ մեզ աստուած փրկիչ մեր՝
 վասն փառաց անուան քոյ:
 Տէր փրկեա՛ զմեզ և քաւեա՛ զմեզս
 մեր վասն անուան քոյ:

ՔԱՐՈՉ

Վասն հիւանդաց և ամենայն վըշտացելոց աղաչեսցուք զփրկիչն մեր Քրիստոս, զի ողորմեսցի ըստ մեծի ողորմութեան իւրում. և բժշկեսցէ զախտս և զհիւանդութիւնս հոգւոց եւ մարմնոց ծառայից իւրոց. և կատարեալ առողջութեամբ հասուցէ զամենեսեան 'ի մշտնջենաւոր և յանախտ կեանս: Որ առաքեցաւ 'ի հօրէ 'ի բժշկութիւն ազգի մարդկան՝ միաձին որդին աստուծոյ. տէր մեր և փրկիչ Յիսուս Քրիստոս կեցո՛ւ և ողորմեա:

Աղօթք, Փարսեա՛ շառա՛: Յիշեա՛ տէր զպաշտօնեայս:
 Աղօթք, Բարեբար և Բաղնաճոր՛:

ՓՈՒ

Երանի որ խորհի զաղքատն և ըզտնանկն յաւուր չարի փրկէ զնա տէր:

Տէր փրկէ զնա եւ կեցուցանէ, երանելի առնէ զնա 'ի վերայ երկրի, եւ ոչ մատնէ զնա 'ի ձեռս թշնամեաց իւրոց:

Տէր օգնական է նմա 'ի մահիճս ցա-
ւոց իւրոց . զամենայն անկողինս
նորա դարձուցանէ 'ի հիւանդու-
թենէ նորա :

Ես ասացի տէր ողորմեա՛ ինձ . բը-
ժշկեա՛ զանձն իմ, ես մեղայ քեզ .
Որ բնակեալն է յօգնութիւն բարձ-
րելոյն , ընդ հովանեաւ աստուծոյ
յերկինս հանգիցէ :

Ասացէ տեառն՝ ընդունող իմ ես,
ապաւէն իմ աստուած, և ես յու-
սամ 'ի նա :

Նա փրկեացէ զիս յորոգայթէ որսո-
ղին, և 'ի բանիցն 'ի խռովութենէ :
Ի թիկնամէջս իւր ընկալցի զքեզ .
'ի հովանի թեւոց նորա յուսացիս :
Որպէս զէն շուրջ եղիցի զքեւ՝ ճըշ-
մարտութիւն նորա :

Ոչ երկիցես դու յերկիւղէ գիշերի,
և ոչ 'ի նետէ՝ որ թռչի 'ի տուէ :

Յիրէ որ շրջի 'ի խաւարի, 'ի գայ-
թակղութենէ դիւին 'ի հասարակ
աւուր :

Անկցին 'ի կողմանէ քումմէ հա-

զարք, և բիւրք ընդ աջմէ քու մմէ .

և առ քեզ ինչ ոչ մերձեսցին :

Բայց միայն աչօք քովք հայեսցիս
դու, և զհատուցումն մեղաւորաց
տեսցես . զի դու տէր յոյս իմ ես :

Զբարձրեալն արարեր քեզ ապաւէն,
զի ոչ հասցեն առ քեզ շարք, և տան

ջանք մի՛ մերձեսցին 'ի յարկս քո :
Հրեշտակաց իւրոց պատու իրեալ է
վասն քո, 'ի պահել զքեզ յամենայն
ճանապարհս քո :

Ի բազուկս իւրեանց ընկալցին զքեզ .
զի մի՛ երբէք հարցես զբարի զոտն քո :

Ի վերայ իժից և քարբից գնասցես
դու, եւ առ ոտն կոխեսցես զա-
ռիւծն և զվիշապն :

Քանզի յիս յուսացաւ, և փրկեցից
զնա . հովանի եղէց նմա, զի ծանեաւ
զանուն իմ :

Կարգասցէ առ իս՝ եւ ես լուայց
նմա . եւ առ նմա եղէց 'ի նեղու-
թեան :

Փրկեցից և փառաւոր արարից զնա .
երկայն աւուրբք լցուցից, և ցու-

ցից նմա զփրկու թիւն իմ .
Փառք հօր և . Այժմ և միշտ .

Ք Ա Ր Ո Ջ

Եւ եւս խաղաղութեան զտէր աղա .
Խնդրեսցուք հաւատով 'ի Հօրէ
վասն քաւութեան մեղաց եւ թո-
ղութեան յանցանաց . փրկելոյ զմեզ
'ի վշտաց և 'ի նեղութեանց . իջանե-
լոյ 'ի վերայ մեր ողորմութեան եւ
զթութեան տեառն աստուծոյ ա-
մենակալին . կեցո՛ւ և ողորմեա :

Աղօթք . Հո՛յր Էրեմիայ :

Օրհնեալ տէր մեր Բիսուս Քրիստոս . ամէն .
Հայր մեր որ յերկինս :

Օրհնեալ Որդիդ սուրբ աստուած
Ճշմարիտ . ամէն :

Ս Ա Ղ Մ Ո Ս

Ողորմեա՛ ինձ աստուած ըստ մեծի
ողորմութեան քում . ըստ բազում
զթութեան քում՝ քաւեա՛ զանօրէ-
նութիւնս իմ :

(Տե՛ս յԵրեմ 32)

Երգ . Զարարելոյն . Մաղթանք . Յովնայն Ժամա :

ՔԱՐՈՉ ՄԵՄԻ ՊԱՀՈՑ

Սուրբ սրտիւ և հաստատուն հաւատով կացցուք միաբան յաղօթս առաջի տեառն մերոյ և փրկչին Յիսուսի Քրիստոսի, յիշելով զմեծամեծս նորա զանչափ շնորհս, զհամբերութիւն կենսատու խաչին, և զհեղումն ազատեցուցիչ արեան նորա, և զսոսին նմանս՝ որ յայսմ ժամու վասն մեր մեղաւորացս կրեաց նա: Եւ մեք զայս ամենայն զմտաւածելով՝ սրբեսցուք ՚ի մեղաց զխորհուրդս՝ զբանս՝ և զգործս մեր. կատարեսցուք զսրբութիւն անձանց մերոց ահիւն աստուծոյ: Մի՛ յապաղիցուք խոստովան լինիլ նմա զմեզս մեր և խնդրել զթողութիւն մեղաց մերոց. զի մի՛ կորիցիմք անապաշխար զյաւիտենական կորուստն: Այլ մինչգեռ ժամանակս ՚ի ձեռս է, գործեսցուք զբարիս ՚ի կեանս յայսոսիկ, օրինակ վարուց մերոց ունելով զամենայն սուրբս եւ զյաղ-

Թող նահատակսն . որք միանգամ
 'ի սկզբանէ հաճոյ եղեն տեառն և
 վրկշին բոլորեցունց : Որոց աղօ-
 թիւք և բարեխօսու թեամբն՝ շնոր-
 հեսցէ մեզ մարդասէրն աստուած՝
 զհաճոյսն իւր և զօգուտն մեր խոր-
 հիլ միշտ և առնել , և անպատում
 պարգեւացն հաղորդս գտանիլ : Ձոր
 խոստացաւ սիրելեաց իւրոց ճշմա-
 րիտն աստուած՝ Յիսուս Քրիստոս
 տէր մեր , կեցո՛ և ողորմեա :

Ձժամս և զառաջակայ օրս խաղա-
 ղու թեամբ անցուցանել՝ հաւատով
 'ի տեառնէ խնդրեսցուք :

Ձհրեշտակ խաղաղու թեան պահա-
 պան անձանց մերոց . 'ի տեառնէ :

Ձբաւու թիւն և զթողու թիւն յան-
 ցանաց մերոց . 'ի տեառնէ խնդ :

Ձսրբոյ խաչին մեծ և կարող զօրու-
 թիւնն յօգնու թիւն անձանց մե :

Եւ եւս միաբան վասն ճշմարիտ և
 զանձինս մեր և զմիմեանս տեառն :

Ողորմեաց մեզ տէր աստուած մեր :

Աղօթք , Տէր շնորհեանց :

ՍԱՂՄՈՍ

Տէր, մի՛ մատնե՛ր զմեզ իսպառ վասն
անուանդ քում սրբոյ . մի՛ ցրե՛ր
զուխտս քո . և մի՛ ՚ի բացեայ առնե՛ր
զողորմութիւնս քո ՚ի մէնջ :

Վասն՝ աբրահամու սիրելւոյ քոյ ,
իսահակայ ծառայի քոյ , և իսրայէլի
սրբոյ քոյ :

Տէր, մի՛ մատնե՛ր զմեզ իսպառ վասն
անուանդ քում սրբոյ . մի՛ ցրե՛ր
զուխտս քո . և մի՛ ՚ի բացեայ առնե՛ր
զողորմութիւնս քո ՚ի մէնջ :

Երգ , Նահապետի և Բրահամու :

ՔԱՐՈՋ

Աղաչեացուք զկենսատու փրկիչն
մեր քրիստոս՝ որ կամաւ որ խաչելու
թեամբն իւրով զարարածս փրկեաց .
եւ հեղմամբ արեան իւրոյ՝ զթո-
ղութիւն շնորհեաց յուսացելոց
իւրոց : Ամենակալ տէր աստուած
մեր , կեցո՛ւ և ողորմեա :

Աղօթք , Անկե՛ւլ և Կոնստանտնուպոլսի : Յիշեա՛ տէր զպաշտօնեայս :

Աղօթք , Բարեբար և Բազումողորմ :

Փ Ո Ւ Յ

Միրեցի՛ զի լուիցէ տէր զձայն աղօ-
թից իմոց. զի խոնարհեցոյց զունկն
իւր առ իս, և ես յաւուրս իմ կար-
գացի առ նա:

Շրջեցան զինեւ երկունք մահու.
և վիշտք դժոխոց գտին զիս:

Զնեղու թիւն և զանձկու թիւն գտի,
և զանուն տեառն կարգացի:

Ո՛ տէր՝ փրկեա՛ զանձն իմ. ողորմած
աստուած մեր ողորմի՛ եւ պահէ
զտղայս տէր:

Ես խոնարհ եղէ՛ և տէր կեցոյց զիս.
Գա՛րձ անձն իմ՝ ՚ի հանգիստ քո, զի
տէր օգնեաց քեզ:

Փրկեաց զանձն իմ՝ ՚ի մահուանէ,
զաչս իմ յարտասուաց, եւ զոտս
իմ՝ ՚ի գայթակղութենէ, հաճոյ ե-
ղէց առաջի տեառն յերկրին կեն-
դանեաց:

Հաւատացի զոր և խօսեցայ. և ես
խոնարհ եղէ յոյժ:

Ես ասացի ՚ի զարմանալ իմում, թէ

ամենայն մարդ սուտ է :
 Զինչ տաց տրիտուր տեառն ընդ
 ամենայնի՛ զոր և ետ ինձ :
 Զբաժակ փրկութեան ընկալայց, և
 զանուէն տեառն կարգացից :
 Զաղօթս իմ տեառն տաց առաջի
 ամենայն ժողովրդեան նորա :
 Պատուական է առաջի տեառն մահ
 սրբոց իւրոց. ո՛ր տէր ես ծառայ քո
 եմ, ծառայ և որդի աղախնոյ քոյ :
 Հատեր զկապանս իմ. քեզ մատու
 ցից պատարագ օրհնութեան, եւ
 զանուէն տեառն կարգացից :
 Զաղօթս իմ տեառն տաց առաջի
 ամենայն ժողովրդեան նորա. 'ի գա
 լիթս տան տեառն, եւ 'ի մէջ քո
 երուսաղէմ :
 Օրհնեցէ՛ք զտէր ամենայն ազինք .
 գովեցէ՛ք զնա ամենայն ժողովուրդք :
 Զօրասցի ողորմութիւն նորա 'ի վե
 րայ մեր և ճշմարտութիւն տեառն
 մնասցէ յաւիտեան :
 Փառք հօր և : Այժմ և միշտ :
 Շարական, Մաղթանք, Հոգեւոր հանդուրդեաց :

Ք Ա Ր Ո Ջ

Եւ եւս խաղաղու թեան զտէր աղա :
 Ասն հանգուցեալ հոգւոցն ա-
 ղաչեսցուք զփրկիչն մեր Քրիստոս,
 զի զնոսա ընդ արդարսն դասեսցէ .
 եւ զմեզ կեցուսցէ շնորհիւ ողոր-
 մու թեան իւրոյ : Ամենակալ տէր
 աստուած մեր, կեցո՛ւ և ողորմեա :

Աղօթք, Քրիստոս որդի աստուծոյ :

Օրհնեալ տէր մեր : Հայր մեր որ յերկինս :

Մաղթանք, Զաստուծոս թեանս :



ԺԱՄԱՄՈՒՏՔ

Շարաթապահոց՝ Բշ. Գշ. Եշ. յորս տօնք ոչ լինին :

Որ 'ի հօրէ առաքեցար փրկիչ եւ մարմնացար 'ի սրբոյ կուսէն . որ վասն մեր 'ի յերկնից իջեր եւ լուսաւ որեցեր զտիեզերս : Զխաղաղութիւն քո տո՛ւր մեզ տէր , որ խաղաղութեանց ես թագաւոր . զխաղաղութիւն եւ զողորմութիւն՝ որ յամենայնի ես դու կարող մարդասէր :

Պահոց՝ Դշ. եւ Ուր :

Որ ըստ ամենայն միտս անցանես , զխաղաղութիւն քո աստուած տո՛ւր մեզ հանապազ՝ զքեզ աղաչեմք :

Յարութեան հիւրակէից :

Միաժին որդի եւ բանդ աստուած և անմահ էութիւն , որ յանձն առեր մարմնանալ 'ի սրբուհւոյ աս-

տուճածնէն եւ 'ի միշտ կուսէն.
անփոփոխելիդ մարդ եղեալ խաչե-
ցար քրիստոս աստուած մեր. մա-
հուամբ զմահ կոխեցեր մինդ 'ի
սրբոյ երրորդութենէն՝ փառաւո-
րակից ընդ հօր եւ սրբոյ հոգւոյն՝
կեցո՛ զմեզ:

Մենդեան և աստուածածնի:

Ա. Աստուածածին անհարսնա-
ցեալ՝ զքանն անսկիզբն յղացար և
զաստուածն անիմանալի ծնար. զան-
պարագրելին 'ի գիրկս քո բարձեր.
նմա անդադար բարեխօսեա վասն
անձանց մերոց:

Բ. Աստուածածին զբեզ խոստո-
վանեալ երկրպագէ եկեղեցի ուղ-
ղափառաց. բանզի՛ ուր բերովբէքն
բազմաչեայք և աթոռք հրանիւթք
և վեցթեւեան սերովբէքն նայիլ ոչ
իշխէին, կրեցեր անսերմնապէս զա-
նապականումն 'ի յարգանդի բում
որպէս աղախին զտէր. և ծնար որ-

պէս զմարդ զաստուածն բոլորից
 զմարմնացեալ առ 'ի քէն զանճառ
 զբանն 'ի փրկութիւն աշխարհի և
 կեանք անճանց մերոց :

Գ. Աղաչեմք զքեզ սուրբ կոյս
 Մարիամ աստուածածին , բարձրե-
 լոյն զօրութեամբն հովանաւորեալ
 և սուրբ հոգւոյն եկաւորութեամբն
 լուսաւորեալ . որ զամենայն գոյու-
 թեանց ստեղծիչն յղացեալ ծնար
 անճառապէս . մարմնացելոյն առ 'ի
 քէն բարեխօսեա կեցուցանել զան-
 ձինս մեր :

Տետունդ առաջի :

Օերունին այսօր Սիմէօն՝ հո-
 գւովն գայր 'ի տաճարն՝ երեւելով
 քերովքէիցն վեհագոյն , զի որոց
 թեւօքն սաւառնեալ ոչ իշխէին
 հայիլ 'ի յահեղ փառացն , սա 'ի
 գիրկս իւր բարձեալ համբուրէր
 համարձակապէս և գգուէր որպէս

զմանուկ, եւ աղերսելով հայցէր
արձակիլ 'ի խաղաղութիւնս :

Անսկզբնական բանդ աստուած,
'ի վերջին աւուրս յանձն առեր լի-
նիլ մարդ 'ի կուսէն. եւ արարիչդ
յաւիտենից՝ փակեցար ընդ ժամա-
նակաւ. սուրբ, տէր սրբութեանց
և անկարօտ մաքրութեանց, եկիր
'ի տաճարն քառասնօրեայ, զօրինացն
կատարեցեր զարդարութիւնս : Զոր
բարձեալ Սիմէօնի զանպարագրե-
լիդ 'ի գիրկս իւր հայցէր, որ արձա-
կիչդ ես կապելոց՝ արձակեա՛ զիս 'ի
խաղաղութիւնս : Վասն որոյ՝ ընդ
ծերունւոյն Սիմէօնի վերագոչեմք
առ քեզ տէր, սուրբ՝ սուրբ՝ սուրբ՝
տէր զօրութեանց, լի են երկինք և
երկիր փառօք քովք 'ի փրկութիւն
մեզ Քրիստոս Աստուած, փառք
քեզ :

Հազարու յարութեան :

Զղազարու ննջումն՝ որպէս կան-

խագէտ յառաջ ասէիր. որ և 'ի Բե-
թանիա յառաջէիր՝ զի յարուսցես
զսիրելին քո. Արդ՝ և մեք գոչելով
ասեմք, օրհնեալ որ գաս 'ի չարչա-
րանս կամաւ հօր՝ 'ի փրկութիւն
անձանց մերոց .

Յորժամ եկեալ կենարարդ 'ի գե-
րեզմանն զազարու. յորժամ եկեալ
կենարարդ 'ի գերեզմանն զազարու.
աւետաւ որ ձայնիւդ աղաղակէիր
ասելով՝ զա՛զարէ, արի եկ արտաքս.
Իսկ մեռեալն 'ի գերեզմանէն յա-
րեաւ. եւ նոյն ինքնդ զանմահու-
թեան պարգեւսդ ետուր սիրել-
ւոյդ, եւ աստուածային ձայնիւդ
'ի գերեզմանէն կոչեցեր. Վասն ո-
րոյ՝ եւ մանկունք եբրայեցւոց ոս-
տովք օրհնէին զանմահ թագաւո-
րու թիւն քո. Ընդ նոսին և մեք ա-
սեմք, ո՛վսաննայ՝ օրհնեալ է գա-
լուստ քո, օրհնու թիւն 'ի բար-
ձունս, օրհնեալ որ գալոց ես ա-
նուամբ տեառն .

Ծաղկազարդի .

Յնձա՛ երուսաղէմ և զարդարեա
 զառագաստ քո, սիօն . քանզի՛ Կհա
 թագաւոր քո քրիստոս նստեալ ՚ի
 յաւանակի նորոյ՝ հեզու թիւն ցու-
 ցանելով զայ մտանէ յառագաստ
 քո : Էւ մեք աղաղակեմք ճմաննա
 օրհնեալ եկեալ ՚ի յանուն տեառն .
 որ ունի զմեծ զողորմութիւն .

Զատկի .

Քրիստոս յարեալ ՚ի մեռելոց .
 մահուամբ զմահ կոխեաց . և յա-
 րութեամբն իւրով մեզ զկեանս պար-
 գեւեաց . նմա փառք յաւիտեանս
 ամէն .

Յինանց .

Ահաւոր եւ սքանչելի է խոր-
 հուրդ փրկութեան մերոյ . որ ան-
 սկիզբն ՚ի հօրէ անճառաբար մարմ-
 նացաւ ՚ի կուսէն . խաչի համբերե-
 լով և կամաւոր մահուամբն իւրով

զկենդանու թեան մեզ պարգեւեաց
չնորհս :

Քանզի յարեաւ 'ի մեռելոց Քրիստոս
աստուած յաւիտենից արարիչ
և յարու թիւն ազգի մարդկան. զոր
օրհնեն անդադար զինուորու թիւնք
հրեշտակաց եւ ամենայն զուար
թունք երկնից : Ընդ որս գոչելով
ասեմք, փառք սոսկալի յարու թեան
քո տէր :

Համբարձման :

Հիացան վերնական բազմու թիւնքն
տեսանելով զքեզ 'ի հրեղէն կառս
բազմեալ՝ սարսեալ ասէին. ո՞վ է սա
որ դիմեալ գայ յեղովմայ. եւ ե
կեալ մտանէ փառօք 'ի փառս. տէր
փառք քեզ :

Որ յանպատում աթոռ նստիս և
յանմարմնոցն վերօրհնիս, անհա
սանելի բանդ աստուած, 'ի յերկրի
երեւեցար ճշմարիտ մարդ. զտնօ

րէնու թեանն կատարեալ զխորհուրդ, խաչի և մահու համբերեցեր. և զհրաշալի զյարու թիւն քո ցուցեր հզօր զօրու թեամբ. այսօր համբարձար փառօք 'ի յերկինս և զկուսածին մարմինդ քո հրաշափառապէս լուսազարդեցեր. զոր տեսեալ Եսայիաս՝ նախաձայնեալ ասէր, ո՞վ է սա որ դիմեալ գայ յերկրէ: Հիացեալ պետու թեանց երկնից գոչէին առ միմեանս, համբարձէք իշխանք զդրունս ձեր 'ի վեր և մտցէ թագաւոր փառաց: Արդ՝ որ յամենայնի կարողդ ես եւ հզօր, շնորհեա՛ եւ մեզ հանդիպիլ քեզ ամպովք 'ի միւսանգամ քո գալըստեանդ. որ միայնդ ես մարդասէր:

Հոգեգալստեան:

Ա. Աստուած զքեզ խոստովանիմք զսուրբ Հոգիդ և երկիրպագանեմք. որ ես սրտճառ կենդանու թեան եղելոցս և խաղաղարար աշխարհի. որ զտգիտու թիւն աշա-

կերտացն բազում գիտութեամբ
լցեր. և 'ի հրեղէն լեզուս բաժա-
նեալ անճառելեօք ցուցար նոցա.
աղաղակեմք տէր, խնայեա՛ և կեցո՛
զմեզ:

Բ. Այսօր 'ի հրեղէն լեզուս բա-
ժանեալ հանգեար յառաքեալսն՝
լուսաւորելով զնոսա. և այժմ աղա-
չեմք զքեզ սուրբ Հոգիդ աստուած,
որ ես պատճառ կենդանութեան
եղելոց և խաղաղարար աշխարհի,
խնայեա՛ և կեցո՛ զմեզ:

Գ. Վասն որոյ եւ մեք զՀոգիդ
սուրբ Աստուած ընդ Հօր եւ ընդ
Որդւոյ միասնական խոստովանիմք.
և հայցեմք մեզ 'ի վերնատուողէդ
զհոգեւորական խաղաղութիւնդ.
տէր փառք քեզ:

Վարդավառի:

Երեւի Տէրդ այսօր աշակերտացն
'ի Թափօրական լերինն. և աշակերտ

տացդ զարհուրեալք աղաղակէին ա-
սելով, արասցուք երիս տաղաւարս՝
մի Տեառնդ, և մի Մովսիսի և մի
Եղիայի: Արդ՝ եւ մեք բանաւոր
հօտքս երգեմք ընդ քո ճշմարիտ
վկայիցդ, առաքեա՛ ՚ի մեզ զլոյս քո
շնորհացդ ՚ի քոյ միւսանգամ գալըս
տեանդ և կեցո՛ւ:

Խաչի:

Առաջի պատուական ամենայաղթ
Խաչի քոյ անկանիմք երկրպագելով,
և խնդրեմք զթողութիւն յանցա-
նաց մերոց. բանզի սովաւ բարձեր
զդատապարտութիւն ազգի մարդ-
կան: Եւ այժմ վասն սրբոյ աստուա-
ծային քոյ նշանի՝ շնորհեա՛ զերկնա-
յին զխաղաղութիւնդ ամենայն աշ-
խարհի:

Էջմիածնի:

Տեր մեր և փրկիչ Յիսուս Քրիս-
տոս, որ աղօթիւք եւ միջնորդու-
թեամբ բազմաչարչար վկային քոյ

և հօրն մերոյ սրբոյն Գրիգորի լուսաւորչին, մեծաւ փառօք և բազմօւ թեամբ զօրացդ լուսեղինաց ի ջեր յերկնից ՚ի դաշտն արարատեան, ՚ի յայցելութիւն փոքու հօտիդ քոյ ազգիս հայոց՝ և ՚ի ցուցումն յառկականի սիրոյդ եւ մեծի ողորմութեանդ. եւ ոսկէուռամբ բաղխեցեր զխորս անդնդոց, և հալածեցեր զգունդս սանդարամետականաց. ուր և լուսաձեւ յօրինմամբ հրաշակերտեցեր զմայր աստուծոն մեր զսուրբ Էջմիածին. և արարեր զնա շտեմարան անսպառելի շնորհացդ աստուածայնոց՝ ՚ի լինիլ ծնող՝ դաստիարակ և կատարելագործիչ ամենայն եկեղեցեացս հայաստանեայց. Արդ՝ պահեա՛ զնա անարատ, հաստատուն և անաղօտ, ՚ի պայծառազարդութիւն եկեղեցեացս մերոց և մանկանցս սոցին մինչեւ ՚ի կատարած աշխարհի. յորոց միշտ փառաւորի ամենասուրբ անուն քո յաւիտեանս յաւիտենից. ամէն.

Եկեղեցւոյ :

Ձխաղաղութիւն շնորհեա եկեղեցւոյ քում սրբոյ . զխաղաղութիւն և զանշարժութիւն 'ի թշնամեաց պատերազմէ . և հաստատեա 'ի մի հաւատ զկաթուղիկէ եկեղեցի . զքեզ խոստովանիմք տէր և աստուած կեցո՛ զմեզ :

Յովհաննու Կարապետի :

Ձյառաջընթացութիւն քո եւ զկարապետութիւն աստուծոյ բանին խափանել կարծելով՝ որ 'ի ձեռն կնոջն զնախաստեղծն 'ի դրախտէն արտաքս ընկէց : Նա և այժմ զհերօդիադա անօրէնութեամբ բորբոքեալ, և բազմելոցն հերօդիայ՝ զկաբաւս ոտից աղջկանն հաճոյացոյց՝ զի զքոյդ հատցէ զգլուխ . որ զամենեցուն ձեռնադրեցեր զգլուխն բրիստոս : Այլ դու որ յանապատէ բարբառոյ ձայն, գոչեա՛ որում ձեռնադրեցեր պարգեւել զխաղաղութիւն և զմեծ զողորմութիւն :

Ստեփաննոսի :

Յնձա՛ այսօր ցնձա՛ և զուարճացիր
 կաթուղիկէ եկեղեցի սուրբ՝ յիշա-
 տակաւ սրբոյն Ստեփաննոսի նախա-
 վկային Քրիստոսի վկայեցելոյ Հօր :
 Որ աղօթիւք բանայր զերկինս զոր
 փակեաց ադամ. և հրեշտակապետք
 տեսլեամք տեսանէր զկերպարանն
 Հօր 'ի կերպի ադամայ նստեալ 'ի
 յաթոռ փառաց : Որ զբազմութիւն
 քարանցն որպէս զճաղիկս հաւա-
 քելով՝ բոլորէր պսակս փոխանակ
 փշոցն և եղեգանն : Եւ զմարտիրո-
 սական արիւնն իւր խառնէր ընդ
 փրկական արեանն Քրիստոսի հոսե-
 ցելոյն 'ի կողէն : Վասն որոյ՝ գերա-
 զանցեալ 'ի փառս առաւել քան զա-
 մենայն սուրբս՝ հայցէր և վասն մեր
 'ի վերնատուողէն զպարգեւս կենաց
 անվախճանից եւ զմեծ զողորմու-
 թիւն :

Յորովայնէ ընտրեալ սուրբն Ստե-
 փաննոս, յորովայնէ ընտրեալ սուրբն

Ստեփաննոս . վկայ ճշմարիտ առա-
քելական քարոզու թեանցն . որ 'ի
վերայ անօրէն քարաձգողացն աղօ-
թէր առ Քրիստոս աստուածոյ ասե-
լով մի համարիր սոցա զայս մեղս .
Արդ 'ի ձեռն սորին բարեխօսու-
թեանն շնորհեա՛ մեզ տէր զմեժ քո
զողորմու թիւնդ :

Լուսաւորչի :

Յնժայ այսօր ցնժայ և զուարճա-
նայ եկեղեցի սուրբ՝ տօնելով մե-
ծաւ հանդիսիւ զհանրատենչ յի-
շատակս քո՝ ո՛վ գերազանցեալդ 'ի
հարս սուրբ Հայրապետ և լուսաւո-
րիչ տանս Թորգոմայ սուրբդ Քրի-
ստոս : Որ քոյով անտանելի չար-
չարանօրդ զաշխարհս ամենայն հիա-
ցուցեր : Անօրինակ ճգնու թեամբդ
զհրեղէնան զարմացուցեր . որք եւ
գունդ գունդ յերկնից 'ի յերկիր
խոնարհեալ՝ 'ի տես հանդիսի նա-
հատակու թեանդ փու թային : Եւ
անհամեմատ համբերու թեամբդ

զգոռ ողացեալ արքայն իւրական զօ-
 րօքն ընդ ոտիւքդ նուաճեցեր: Եւ
 աստուածահաճոյ աղօթիւքդ զկու-
 րացեալ միտս նոցին լուսաւորեցեր,
 եւ աւետարանին քրիստոսի պաշ-
 տօնեայս արարեր: Ընդ նմին եւ
 զազգս հայոց նորոգ հոգեւոր ծնըն-
 դեամբ 'ի լոյս աստուածգիտութեան
 ածեր: Վասն որոյ եւ յատկապէս
 լուսափայլեցար 'ի մէջ ամենայն
 սրբոց, եւ զառաքելականն ընկալար
 զաթոռ և զպատիւ, և ընդ նոսին
 պսակեցար 'ի քրիստոսէ աստուծոյ:
 Արդ՝ ո՛վ հայր մեր եւ լուսա-
 ւորիչ հոգւոց մերոց, աղաչեմք
 զքեզ միաբան ուխտիւք եկեղե-
 ցւոյ քոյ, զի յաւուրս հրաշալւոյ
 տօնի քոյ, յատկապէս բարեխօսի-
 ցես առ քրիստոս աստուածն մեր,
 զի զեկեղեցիս եւ զմնացորդս ժո-
 ղովըդեան քոյ պահեսցէ 'ի խաղա-
 ղութեան՝ փրկելով 'ի հոգեւոր և
 մարմնաւոր թշնամեաց, զի եւ մեք
 միշտ զյիշատակս քո կատարելով՝

Վառաւորեսցուք զհայր եւ զորդի
 և զսուրբ հոգին յաւիտեանս ամէն:

Գրիգոր սուրբ քահանայապետ՝
 որ զհաւատս ուսուցեր և զքանակս
 դիւայն հալածեցեր. մարդկան ու-
 սուցեր քարոզել զերրորդ ութիւնն,
 պսակեցար յարքայութեանն. արդ
 բարեխօս լեր առ տէր վասն մեր:

Առաքելոց:

Առաքեալք եւ վկայք քրիստոսի
 աստուծոյ՝ ամենակալ հոգւոյն զօ-
 րութեամբն զամենեւեան ընդհա-
 նուր յորդէգրութիւն կենաց կո-
 չելով, միասնական սուրբ երրորդ ու-
 թեանն յորդորեցին երգել զՎառս
 ՚ի յաւիտեանս ամէն:

Որդւոց Որոտման:

Այսօր ահաւոր ձայնք որոտման
 հնչեցին յերկնից ՚ի յերկիր՝ կոչե-
 լով յորդէգրութիւն զմեզ վերնոյն
 սիօնի. հաստատութիւնքն հաւա-

տոյ եւ պարծանքն եկեղեցւոյ, որք
ցօղով արեան իւրեանց մաքրեցին
զտիեզերս յանօրէն կռապաշտու-
թեանց. եւ միշտ հայցեն 'ի բրիս-
տոսէ զքաւութիւն տօնողացս ա-
նուանց իւրեանց: Արդ՝ մաղթա-
նօք սոցա տէր խնայեա՛ 'ի փրկեալ
քո ժողովուրդս որ միայնդ ես մար-
դասէր:

Մարգարէից:

Տէր, որ հիմնեցուցեր զեկեղեցի-
քո 'ի վերայ վիմի հաւատոյ, և կար-
գեցեր 'ի սմա առաքեալս եւ մար-
գարէս, հովիւս եւ վարդապետս՝
առ 'ի հաստատութիւն սրբոց. եւ
ճգնութեամբ վկայից զթշնամին
սորա վանեցեր. 'ի խաղաղութեան
զսա պահեա՛ աստուած որպէս մար-
դասէր:

Հայրապետաց:

Զհայրապետականն զարդարեցեր
աթուո 'ի յերկրի, առաքելական

առ եր զպատիւ յերկնուստ՝ ծառայ
քրիստոսի, ո՛վ երանելիդ ՚ի հարս
սուրբ հայրապետ: Քանզի՝ քո վար-
դապետութեանդ սերմունք՝ բարե-
պաշտութեան բուսուցին հասկս,
ուրախութեան պտուղ հատուցա-
նելով եւ հաւատացելոցս փրկու-
թիւն շնորհելով. վասն որոյ բարե-
խօսեա՛ առ տէր վասն անձանց
մերոց:

Թագաւորաց:

Որպէս յետ աստուածասէր Թա-
գաւորին խորայելի եզեկիայ՝ յարոյց
աստուած զյովսէ, որ զամենայն
կուսապաշտութիւնսն ՚ի բայ ընկէց.
որպէս և զբարեպաշտն կոստանդի-
անոս, որ զարիոսի զմոլումն խա-
փանեաց. և զմեծն Թէոդոս յարոյց
աստուածային նախանձուն վառեալ
ընդդէմ այնոցիկ, որք զսուրբ հո-
գին հայհոյէին: Արդ՝ ո՛վ աստուա-
ծարեալ եւ ուղղափառ սուրբ Թա-
գաւոր՝ աղաչեա՛ զտէր ՚ի փրկել

զմեզ 'ի մարդ ապաշտ հայհոյու թե նէ.
 զի եւ մեք տօնե սցուք գոյա տակս
 քո՝ խնդրելով 'ի բրիստոսէ զհաշ-
 տու թիւն և զմեծ զողորմու թիւն:

Որպէս յետ աստուածասէր թա-
 գաւորին ի սրայելի եղեկիայ՝ յարոյց
 աստուած զյովսէ՝ որ զամենայն
 կռապաշտու թիւնսն հնոյ ժողովըր-
 դեանն 'ի բաց ընկէց. որպէս եւ 'ի
 նորումս յարոյց զանգրանիկն թա-
 գաւորաց զբարեպաշտն Աբգարիոս,
 որ 'ի հեռաստանէ ծանեալ զերկ-
 նաւոր թագաւորն զբրիստոս. եւ
 եղեւ բարոզ աստուածու թեան նո-
 րա ընդ ծագս տիեզերաց: Յետ նո-
 րին և զմեծն Տրդատիոս, որ 'ի սպառ-
 հալածեաց զգիւամու կռապաշտու-
 թիւնսն յաշխարհէս հայաստա-
 նեայց, և զարդարեաց ճշմարիտ և
 ուղղափառ հաւատով: Արդ՝ ո՛վ
 աստուածարեալ եւ բարեպաշտ
 սուրբ թագաւոր, աղաչեա՛ զտէր,
 'ի փրկել զմեզ յանօրէն բռնաւո-

րաց . զի և մեք տօնելով զյիշատակս
քո՝ խնդրեսցուք ՚ի բրիստոսէ զխա
ղաղութիւն եւ զմեծ զողորմու
թիւն :

Մարտիրոսաց :

Ի տաճարի սրբոց եւ յիշատակի
սրբոց Մարտիրոսաց՝ զձեռս համ
բառնալով աղաչեմք . բարեխօսու
թեամբ սոցա և աղօթիւք՝ զկեն
դանութիւնս մեր խաղաղացո՛ւ աս
տուած որպէս մարդասէր :

Ճգնաւորաց :

Ճգնաւորք բրիստոսի , որք տան
ջանաց անօրինացն համբերեցիք և
զմոլութիւն կռոցն խափանեցիք .
դասաւորեալք ընդ հրեշտակս ՚ի յեր
կինս , ունիք համարձակութիւն ՚ի
բրիստոսէ՝ բարեխօսեցէք կեցուցա
նել զանձինս մեր՝ զձեզ աղաչեմք :

Հռիփսիմեանց :

Որք ծագեցան մեզ յարեւմտից

որպէս զարեգակն, և լուսաւորեցին
համանգամայն զաշխարհս հայաս-
տանեայց. փարատեցին զխաւարն
անգիտութեան կռապաշտութեան.
Եւ լուսաւորեցին զամենայն հոգի
հաւատով աստուածգիտութեան.
Սոցա բարեխօսութեամբն քրիստոս
աստուած՝ պարգեւեա՛ աշխարհիս
քում զխաղաղութիւն, և անձանց
մերոց զմեղաց թողութիւն. որպէս
մարդասէր տէր:

Գայիանեանց:

Զյաղթանակ ձեր զհանդէս զը-
ւարճացեալ սօնէ եկեղեցի սուրբ.
քանզի սրբութեամբ ստացայք ըզ-
կուսութիւն. և ՚ի մարմնի զանմար-
մնոցն ցուցիք զհանդէս:

Կուսանաց:

Հարսնացեալք քրիստոսի երկնա-
ւոր փեսային դասերք վերին սիօնի.
խնդրեցէք ՚ի քրիստոսէ զհաշտու-
թիւն և զմեծ զողորմութիւն:

Վարդանանց :

Յաշխարհական 'ի ճակատամարտին , յաշխարհական 'ի ճակատամարտին և 'ի մեծ պատերազմին ընդդիմամարտեալ լինէր անօրինացն պատերազմ : Իսկ երանելի նահատակքն՝ ղմոլուծիւն անօրինացն խափանեցին և յաղթող գտան . քանզի՝ որոց ստացեալ էր զաստուածային զօրուծիւն , ոչ ժուժկալէր նոցա մարմնաւորական պատերազմ : Արդ՝ քրիստոս աստուած՝ սոցա բարեխօսու թեամբն խնայեա՛ 'ի մեզ և ողորմեա :

Զինուորաց :

Զօրական և վկայ ճշմարիտ՝ քաջ նահատակիք քրիստոսի սուրբդ (Թէրտրոս) . որ փոխանակեցեր զմարմինդ ընդ հոգւոյդ քում փրկանս . և ոչ ամեր զմտաւ զսպառնալիսն անօրէն բռնաւորացն : Այլ վերին ազդեցուծեամբն գիտելով զայրեցումն հոգւոց նոցա , վասն այնու

րիկ լուցեր զտաճար կռոցն եւ ա-
նարգեցեր զպաշտամունս նոցա :
Արդ՝ 'ի յաղթող պատերազմի տօ-
նողացս զօր նահատակութեան քոյ՝
բարեխօսեալ առ տէր վասն անձանց
մերոց :

Քառասուն մանկանց :

Գնալով փառաց քոց 'ի փառս կա-
թողիկէ եկեղեցի քո քրիստոս մե-
ծապէս պայծառանայ . քանզի՝ թա-
գաւորեալքն 'ի քէն դիմեալք 'ի
յերկինս , 'ի սեբաստիա նահատա-
կին՝ 'ի յամօթ և 'ի բարընկէց յե-
րեսս բանսարկուին : Որք և բաջա-
լերէին զմիմեանս , զի մի՛ լուծեալ
ոք բաղանեօք անցաւորիս պակա-
սեսցի . այլ դողալով առաքինաբար՝
զինքն ըղերձեալ 'ի յանիւս աս-
տուածային գանձուցն հոլովիցի ա-
ղաղակելով առ քրիստոս : Արդ՝ սո-
ցա բարեխօսութեամբն՝ ընկալ և
զորդէգրութիւն ժողովոյս մերոյ 'ի
յոյս սիրողաց քոց՝ տէր փառք քեզ :

Երից մանկանց :

Որ 'ի վերայ քերովբէիցն հանգչիս և 'ի զօրացն հրեղինաց օրհնաբանիս , իջեր 'ի բաբելոն և փրկեցեր զերիս մանկունսն 'ի հրոյն բռնութենէ : Որք աղաղակելով գոչէին երգ նոր . ամենայն գործք օրհնեցէ՛ք և բարձր արարէք : Թագաւոր փառաց և արարիչ բոլորից , որ մարդասիրապէս գթացար 'ի սուրբ մանկունսն եւ փրկեցեր 'ի բորբոքեալ բոցոյն . որք անարգեցին զբռնութիւն թագաւորին և շիջուցին ըզզօրութիւն հրոյն . ընդ նոսին եւ մեք քեզ վերագոչեմք , փրկեա՛ ըզմեզ 'ի հրոյն յաւիտենից : Զի դու միայն ես բազմագութ տէր , քեզ փառք յաւիտեանս ամէն :

Հրեշտակաց :

Չոր օրհնեն անլռելի ձայնիւ ի մանալի զօրութիւնք՝ երկնաւոր նահապետութիւնք , հրեշտակք եւ հրեշտակապետք , աթոռք եւ տէ-

րու թիւնք, իշխանու թիւնք և պետու թիւնք, սերովքէք եւ քերովքէք, և մեք օրհնեսցուք զնոյն ամենասուրբ երրորդու թիւնն և զմի աստուածու թիւնն:

Այսօր երկրաւորս եկեղեցւոյ քահանայապետու թիւն ցնծայ հըրաշափառապէս զերկնաւոր քահանայապետու թեանցդ կատարելով զտօնախմբու թեան տօնս: Եւ ընդ անմարմնականաց և հոգեղինաց դասուցդ՝ և մեք մարմնականքս և հողեղէնքս համաձայնեալ փառաւորեմք զփառաւորեցեալն ՚ի ձէնջ: Արդ՝ ո՛վ սուրբ գաբրիէլ և միքայէլ մեծ հրեշտակապետք բարձրելոյն, և ամենայն զինուորու թիւնք երկնից. որք կայք միշտ առաջի ամենայն աստուածու թեանն. անդադար բարեխօս լերո՛ւք վասն մեր առտէր, վերաբերեալ զմեզ զամենեւեան ընդ ձեզ յերկնից արքայու թիւնն. և միաձայն բարբառով երգել զփառս:

Ամենայն սրբոց :

Բարեխօսու թեամբ սրբուհւոյ
 աստուածածնին, սրբոյն յովհանն
 նու կարապետին, սրբոյն ստեփանն
 նոսի նախավկային, և սրբոյն գրիգ
 օրի մերոյ լուսաւորչին, և սրբոց
 աւարեւոց եւ մարգարէից, հայրապ
 ետոաց եւ վարդապետաց. մարտիր
 ոսաց և թագաւորաց, ճգնաւորաց
 և կուսանաց, նահապետաց և մի
 անձանց, եւ ամենայն սրբոց քոց
 հնոց եւ նորոց, յայտից եւ անյայ
 տից, որոց այսօր է յիշատակ. զխա
 ղաղու թիւն և զերկնային ողորմու
 թիւն քո պարգեւեա՛ մեզ մարդա
 սէր տէր :



ՃԱՇՈՒ ՓՈԽՔ

Աւետեաց, Ծննդեան, Տեսուներնդառաջին, Վարդա-
վառին, Վերափոխման եւ ամենայն տօնից
Աստուածածնին:

Մեծացուսցէ անձն իմ՝ զտէր, եւ
ցնծացէ հոգի իմ աստուծով՝ փրկ-
չաւ իմով:
(Տե՛ս յե՛րե՛ս 29):

Ազուհացին, Ծաղկազարդին, Հոգեգալստեան, Սաշի,
Եկեղեցւոյ, և ամենայն կիւրակէից:

Տէր Թագաւորեաց՝ վայելչութիւն
զգեցաւ, զգեցաւ տէր զօրութիւն՝
ընդ մէջ իւր էած:

Հաստատեաց զաշխարհ՝ զի մի՛ սա-
սանեսցի. պատրաստ է ամոռ քո՝
'ի սկզբանէ յաւիտեանս դու ես:
Ամբարձան գետք տէր, եւ ամբար-
ձին գետք զձայնս իւրեանց. և յա-
րիցեն գետք 'ի գնացս իւրեանց:
Ի ձայնէ ջուրց բազմաց, սքանչելի
եղեն զբօսանք ծովու:

Աբանչելի ես դու տէր 'ի բարձունս .
 վկայու թեանց քոց մեք յոյժ հա-
 ւատացաք :

Տան քում վայելէ սրբու թիւն տէր՝
 ընդ երկայն աւուրս :

Փառք հօր և : Այժմ և միշտ :

Ձատկէն մինչեւ 'ի Հոգւոյ գալուստն :

Գովեա՛ երուսաղէմ՝ զտէր :

Եւ օրհնեա՛ զաստուած քո սիօն :

Ձի զօրացոյց զնիգս դրանց քոց , եւ
 օրհնեաց զորդիս քո 'ի բեզ :

Ո՛ր եդ զսահմանս քո 'ի խաղաղու-
 թիւն . պարարտու թեամբ ցորենոյ
 լթոյց զբեզ :

Առաքէ զբան իւր յերկիր . վաղվաղ
 ընթանան պատգամք նորա :

Դնէ զձիւն որպէս զասր . եւ զմէգ
 որպէս փոշի ցանեաց :

Արկանէ զսառն որպէս պատանս .
 առաջի ցրտոյ նորա ո՞ կարէ կեալ :

Առաքէ զբան իւր՝ և հալէ զնոսա ,
 շնչեսցեն հողմք՝ և գնասցեն ջուրք :

Պատմէ զքան իւր յակորայ, զար-
դարու թիւն եւ զիրաւ ունս իսրա-
յէլի:

Ոչ այսպէս արար ամենայն ազգաց
տէր, եւ զդատաստանս իւր ոչ
յայտնեաց նոցա:

Փառք հօր և: Այժմ և միշտ:

Ի տօնի Սրբոց:

Սիրեցի՝ զի լուիցէ տէր զձայն աղօ-
թից իմոց. զի խոնարհեցոյց զունկն
իւր առ իս, և ես յաւուրս իմ կար-
դացի առ նա:

(Տե՛ս յԵԷ՛ս 53):

Շարաթապահոց յորս տօն ոչ լինի, և ամենայն
Զորեքշարաթի և Ուրբաթի:

Օրհնեցէ՛ք զտէր ամենայն ազինք.
գովեցէ՛ք զնա ամենայն ժողովուրդք:
Զօրասցի ողորմու թիւն նորա՝ ի վե-
րայ մեր, և ճշմարտու թիւն տեառն
մնասցէ յաւիտեան:

Փառք հօր և: Այժմ և միշտ:

Շարական, ճշմարտ: Սուրբ աստուած:

Ք Ա Ր Ո Ջ

Եւ եւս խաղաղութեան զտէր աղա :
 Վասն խաղաղութեան ամենայն
 աշխարհի՝ եւ հաստատութեան
 սրբոյ եկեղեցւոյ . զտէր աղաչես-
 ցուք :

Վասն ամենայն սուրբ և ուղղափառ
 եպիսկոպոսաց . զտէր աղա :

Վասն հայրապետին մերոյ տեառն
 (այս անուն) կենաց՝ եւ փրկութեան
 հոգւոյ նորին . զտէր աղա :

Վասն վարդապետաց՝ քահանայից՝
 սարկաւազաց՝ դպրաց , և ամենայն
 ուխտի մանկանց եկեղեցւոյ . զտէր
 աղա :

Վասն բարեպաշտ թագաւորաց եւ
 աստուածասէր իշխանաց՝ զօրավա-
 րաց և զօրաց նոցին . զտէր աղա :

Վասն հոգւոցն : Եւ եւս միաբան :
 Զանձինս մեր և : Ողորմեաց մեզ :

Մաղթանք , Զէ սղորմած և մարդ : Գիրք , Աւետարան :

ՀԱՆԳԱՆԱԿ ՆԻԿԻԱԿԱՆ

Հաւատամք 'ի մի աստուած 'ի
 հայրն ամենակալ՝ յարարիչն երկնի
 և երկրի, երեւելեաց և աներեւու
 թից: Եւ 'ի մի տէր յիսուս քրիս-
 տոս որդին աստուծոյ՝ ծնեալն յաս-
 տուծոյ հօրէ՝ միածին, այսինքն յե-
 ութեանէ հօր: Աստուած յաստու-
 ծոյ, լոյս 'ի լուսոյ, աստուած ճշմա-
 րիտ, յաստուծոյ ճշմարտէ՝ ծնունդ
 եւ ոչ արարած: Նոյն ինքն 'ի բնու-
 թեանէ հօր. որով ամենայն ինչ ե-
 ղեւ յերկինս և 'ի վերայ երկրի, ե-
 րեւելիք եւ աներեւոյթք: Որ յա-
 ղագս մեր մարդկան եւ վասն մերոյ
 փրկութեան իջեալ յերկնից՝ մար-
 մնացաւ, մարդացաւ. ծնաւ կատա-
 րելապէս 'ի մարիամայ սրբոյ կու-
 սէն հոգւովն սրբով: Որով էառ
 մարմին հոգի և միտ, և զամենայն
 որ ինչ է 'ի մարդ. ճշմարտապէս և
 ոչ կարծեօք: Չարչարեալ, խաչեալ,
 թաղեալ, յերրորդ աւուր յարու-

ցեալ, ելեալ 'ի յերկինս նովին մար-
 մնովն նստաւ ընդ աջմէ հօր: Գա-
 լոց է նովին մարմնովն եւ փառօք
 հօր՝ 'ի դատել զկենդանիս և զմեռ-
 եալս, որոյ թագաւորութեանն ոչ
 գոյ վախճան: Հաւատամք և 'ի սուրբ
 հոգին՝ յանեղն եւ 'ի կատարեալն,
 որ խօսեցաւ յօրէնս և 'ի մարգարէս
 և յաւետարանս: Ար էջն 'ի յորդա-
 նան, քարոզեաց զառաքեալն, եւ
 բնակեցաւ 'ի սուրբսն: Հաւատամք
 եւ 'ի մի միայն յընդհանրական եւ
 յառաքելական եկեղեցի, 'ի մի
 մկրտութիւն, յապաշխարութիւն,
 'ի քաւութիւն եւ 'ի թողութիւն
 մեղաց: Ի յարութիւնն մեռելոց,
 'ի դատաստանն յաւիտենից հոգւոց
 և մարմնոց, յարքայութիւնն երկ-
 նից եւ 'ի կեանսն յաւիտենականս:

Մինչեւ ցաստ են հաւատոյ բանք:

Իսկ որք ասեն՝ էր երբեմն, յոր-
 ժամ ոչ էր որդի: կամ էր երբեմն,
 յորժամ ոչ էր սուրբ հոգի: կամ թէ՛

յոչէից եղեն, կամ յայլմէ էութեանէ ասեն լինիլ զորդին աստուծոյ և կամ զսուրբ հոգին. և թէ փոփոխելիք են կամ այլայլելիք, զայնպիսիսն նզովէ կաթուղիկէ եւ առաքելական եկեղեցի:

Ի սրբոյ Հուսաւորչէն մերմէ ասացեալ:

Իսկ մէք փառաւորեսցուք որ յառաջ քան զյաւիտեանս, երկիրպագանելով սրբոյ երրորդութեանն և միոյ աստուածութեանն հօր և որդւոյ և հոգւոյն սրբոյ, այժմ և միշտ և յաւիտեանս յաւիտենից, ամէն:

Ք Ա Ր Ո Ջ

Եւ եւս իաղաղութեան զտէր աղաս: Եւ եւս հաւատով աղաչեսցուք և ինդրեսցուք ՚ի տեառնէ աստուծոյ և ՚ի փրկչէն մերմէ յիսուսէ բրիստոսէ ՚ի ժամուս պաշտաման և աղօթից. զի արժանի ընդունելութեան արասցէ. լուիցէ տէր ձայնի աղաչանաց մերոց, ընկալցի զխնդ-

րուածս սրտից մերոց, թողցէ ըզ-
 յանցանս մեր, ողորմեսցի 'ի վերայ
 մեր: Աղօթք մեր եւ խնդրուածք
 յամենայն ժամ մտցեն առաջի մեծի
 տէրութեան նորա, եւ նա տացէ
 մեզ միաբան միով հաւատով և ար-
 դարութեամբ վաստակիլ 'ի գործս
 բարեաց, զի զողորմութեան ըզ-
 շնորհն իւր արասցէ 'ի վերայ մեր
 տէրն ամենակալ, կեցուցէ և ո-
 ղորմեսցի:

Զժամս և զառաջակայ օրս խաղա-
 ղութեամբ անցուցանել՝ հաւատով
 'ի տեառնէ խնդրեսցուք:

Զհրեշտակ խաղաղութեան պահա-
 պան անձանց մերոց. 'ի տեառնէ:

Զբաւութիւն և զթողութիւն յան-
 ցանաց մերոց. 'ի տեառնէ խնդ:

Զսրբոյ խաչին մեծ և կարող զօրու-
 թիւնն յօգնութիւն անձանց մեր:

Եւ եւս միաբան: Զանձինս մեր եւ
 զմիմեանս: Ողորմեսց մեզ:

Աղօթք, Տէր Դէ և Էրեւ

ԵՐԵԿՈՑԵԱՆ
ԺԱՄԵՐԳՈՒԹԻՒԻՆ

Օրհնեալ տէր մեր Յիսուս Քրիստոս , ամէն :
Հայր մեր որ յերկինս :

Ես առ աստուած կարդացի , և նա
լուաւ ինձ յերեկոյս՝ ՚ի վաղորդայն՝
և ՚ի հասարակ աւուր :

Սպասէի աստուծոյ իմոյ , և ակն ու
նէի կենարարին . որ փրկէ զձառայս
իւր և կեցուցանէ :

Փառք հօր և : Այժմ և միշտ և :
Եւ եւս խաղաղութեան զտէր աղա-
չեսցուք . ընկալ կեցո և ողորմեա :
Օրհնու թիւն և փառք հօր և որդւոյ
և հոգւոյն սրբոյ , այժմ և :

Փ Ո Ւ

Խօնարհեցո՛ տէր զունկն քո՝ և լուր
ինձ . զի աղքատ և սնանկ եմ ես :

Պահեա՛ զանձն իմ սուրբ տէր. և
 սիրկեա՛ զծառայս քո աստուած իմ
 որ ՚ի քեզ յուսացայ:

Ողորմեա՛ ինձ տէր զի առ քեզ աղա
 ղակեցի զօրհանապազ. ուրախ արա՛
 զանձն ծառայի քոյ, զի առ քեզ տէր
 համբարձի զանձն իմ:

Ձի դու տէր քաղցր և ուղիղ ես,
 բազում ողորմ առ ամենեւեան որք
 կարդան առ քեզ:

Ունկն դիր տէր աղօթից իմոց, և
 նայեա՛ ՚ի ձայն խնդրուածաց իմոց:
 Զաւուր նեղութեան իմոյ կարդա
 ցի առ քեզ, և լուար ինձ:

Ոչ ոք է նման քեզ յաստուածս տէր,
 և ոչ ոք է որպէս զգործս քո:

Չամենայն ազգս զոր արարեր՝ եկես
 ցեն և երկիրպագցեն առաջի քո, և
 իառաւոր արասցեն զանուն քո յա
 ւիտեան:

Մեծ ես դու տէր և առնես սքան
 չելիս, և դու միայն ես աստուած:

Սուաջնորդեա՛ ինձ ՚ի ճանապարհի
 քում, եւ գնացից ՚ի ճշմարտու

Թեան քում, և ուրախ եղիցի սիրտ
 իմ՝ երկնչիլ յանուանէ քումմէ :
 Խոստովան եղէց առ քեզ տէր աս
 տուած իմ բոլորով սրտիւ իմով :
 փառաւոր արարից զանուն քո յա
 լիտեան :

Մեծ եղեւ 'ի վերայ իմ ողորմու
 թիւն քո տէր, եւ փրկեցեր զանձն
 իմ 'ի դժոխոց ներքնոց :

Աստուած՝ անօրէնք յարեան 'ի վե
 րայ իմ, և ժողովք հզօրաց խնդրե
 ցին զանձն իմ, եւ ոչ համարեցան
 զքեզ աստուած առաջի իւրեանց :

Այլ դու տէր աստուած իմ՝ գթած
 ես եւ ողորմած, երկայնամիտ բա
 զումողորմ և ճշմարիտ, նայեա՛ առ
 իս և ողորմեա՛ ինձ :

Տո՛ւր զօրու թիւն ծառայի քոյ . կե
 ցո՛ զորդի աղախնոյ քոյ . եւ արա՛
 առ իս նշան բարու թեան :

Տեսցեն ատելիք իմ եւ ամաչեսցեն
 զի դու տէր օգնեցեր ինձ, և մխի
 թարեցեր զիս :

Փառք հօր և : Այժմ և միշտ :

Մաղթանք, Փռտի տեղ աստուծոյ : Բարոզ, Ե-է-է-է-
 զ-զ-է-է-է-է : Օրհնութիւնն և փառք :

Փ Ո Ւ Յ

Ապրեցո՛ զիս տէր 'ի մարդոյ շարէ,
 յառնէ անիրաւէ փրկեա՛ զիս :

Խորհեցան զանօրէնութիւնն 'ի սիրտս
 իւրեանց . զօր ամենայն պատրաս-
 տեցան 'ի պատերազմ :

Սրեցին զլեզուս իւրեանց որպէս
 զօձի, և թոյնք իժից 'ի ներքոյ շըր-
 թանց նոցա :

Պահեա՛ զիս տէր 'ի ձեռաց մեղա-
 ւորի, և 'ի մարդոյ շարէ փրկեա՛ զիս :
 Խորհեցան խափանել զգնացս իմ .
 Թագուցին ամբարտաւանք որոգայթ
 ինձ :

Լարս ձգեցին որոգայթ ոտից իմոց,
 շուրջ զշաւղօք իմովք եդին ինձ
 զգայթակղու թիւն :

Ասացի տէր աստուած իմ ես դու,
 ունկն դիր տէր ձայնի աղօթից իմոց :
 Տէր տէր զօրութիւն փրկութեան
 իմոյ, հովանի գլխոյ իմոյ յաւուր
 պատերազմի :

Մի՛ մատներ զիս տէր 'ի ցանկու-
թիւն մեղաւորաց, ոյք խորհեցան
վասն իմ՝ մի՛ ընդ վայր հարկաներ
զիս:

Զի մի՛ երբէք բարձրասցին, և խոր-
հուրդք նոցա մի՛ կատարեսցին. վախ-
ճան կատարածի նոցա՝ վաստակ չըր-
թանց իւրեանց ծածկեսցէ զնոսա:
Արկցես 'ի վերայ նոցա զկայծակունս
հրոյ, եւ կործանեսցես զնոսա. 'ի
տառապանաց մի՛ կարասցեն կեալ:

Մարդոյ լեզուանոյ մի՛ յաջողեսցի
'ի վերայ երկրի. զայր մեղաւոր՝ չա-
րիք իւր որսասցեն 'ի կորուստ:

Ծանեայ զի առնես տէր դատաստան
աղքատի, և իրաւունս տնանկի:

Արդարք գոհասցին զանուանէ քում-
մէ, եւ բնակեսցին ուղիղք առաջի
երեսաց քոց:

Տէր կարդացի առ քեզ եւ լուր ինձ,
նայեա՛ 'ի ձայն աղօթից իմոց 'ի
կարդալ իմում առ քեզ:

Ուղիղ եղիցին աղօթք իմ որպէս
խունկ առաջի քո տէր. համբար-

ձուլմն ձեռաց իմոց պատարագ ե-
րեկոյի :

Դիր տէր պահապան բերանոյ իմոյ ,
և դուռն ամուր շրթանց իմոց , զի
մի՛ խոտորեացի սիրտ իմ բանիւ չա-
րութեան :

Ի պատճառել զպատճառս մեղաց
ընդ մարդս՝ ոյք գործեն զանօրէ-
նութիւն . և ոչ եղէց կցորդ ընտ-
րելոց նոցա :

Խրատեացէ զիս արդարն ողորմու-
թեամբ , և յանդիման արասցէ . իւղ
մեղաւորի մի՛ օծցէ զգլուխ իմ , այլ
աղօթք իմ՝ ի կամս նորա :

Արգելան մերձ առ վիմին դատա-
ւորք նոցա . լուիցեն բանից իմոց և
բաղցրացին :

Որպէս թանձրութիւն հողոյ՝ զի
սփռեալ է ՚ի վերայ երկրի . ցրուես-
ցին ոսկերք նոցա մերձ ՚ի դժոխս :

Առ քեզ տէր տէր են աչք իմ , ՚ի
քեզ յուսացայ՝ մի՛ հաներ զհոգի
յինէն :

Պահեա՛ զիս յորոգայթէ ոյ թա-

գուցաւ ինձ, 'ի գայթակղութենէ
գործողին զանօրէնութիւնս :

Անկցին 'ի ցանցս նորա մեղաւորք,
միայն եմ ես մինչեւ անցից :

Ձայնիւ իմով ես առ տէր կարգացի,
ձայնիւ իմով զտէր աղաչեցի :

Սփռեցից առաջի տեառն զաղօթս
իմ, եւ զնեղութիւնս իմ առաջի
նորա պատմեցից :

Ի նուաղիլ յինէն հոգւոյ իմոյ, գու
տէր ծանեար զչաւիղս իմ, 'ի ճա
նապարհ յոր և գնայի՝ թագուցաւ
ինձ որոգայթ :

Հայէի յաջմէ եւ տեսանէի, եւ ոչ
որ ճանաչէր զիս . կորեաւ յինէն
փախուստ իմ, և ոչ գտաւ խնդրող
անձին իմոյ :

Աղաղակեցի առ քեզ տէր և ասացի,
գու ես յոյս եւ բաժին իմ յերկրին
կենդանեաց :

Նայեա՛ տէր յաղօթս իմ, զի ես խո
նարհ եղէ յոյժ . ապրեցո՛ զիս 'ի
հալածչաց իմոց, զի հզօրք եղեն
քան զիս :

Տէր հան 'ի բանտէ զանձն իմ, գո-
հանամ զանուանէ քու մմէ :

Եւ քեզ սպասեն արդարք՝ մինչեւ
հատուցես :

Փառք հօր և : Այժմ և միշտ :

Մաղթանք , Օրհնելու րէր ու Բնկելու ես :

Ք Ա Ր Ո Ջ

Հասեալքս 'ի ժամ երեկոյիս ամե-
նեքեան համբառնալով զձեռս մեր
փառաւորեմք զքեզ տէր աստուած
մեր , որ շնորհեցեր մեզ զտիւս խա-
ղաղութեամբ անցուցանել , և հա-
սանիլ 'ի ժամ երեկոյիս : Արժանա-
ւորեա՛ զմեզ տէր՝ սուրբ սրտիւ ,
հրեշտակային երգով՝ գոհաբանու-
թիւն մատուցանել տեառն աստու-
ծոյ ամենակալիդ . կեցո՛ և ողորմեա :
Ողորմեաց մեզ տէր աստուած մեր
ըստ մեծի ողորմութեան քում . ա-
սասցուք ամենեքեան միաբանու-
թեամբ :

Տէր ողորմեա՛ . տէր ողորմեա՛ . տէր ո :

Մաղթանք , Հանելու 'ի ժամ երեկոյիս :

Կ Ա Ր Գ Մ Ե Ս Ե Դ Ե Ա Ց

Մենդեանն Գրիստոսի, և Աւետեաց, և Վերափոխմանն, և այլոց տօնից Աստուածածնին:

Ա. Տէր ասաց ցիս՝ որդի իմ ես դու,
և ես այսօր ծնայ զքեզ:

Ընդէր խռովեցան հեթանոսք, և
ժողովուրդք խորհեցան 'ի սննտիս:

Բ. Մեծացուսցէ անձն իմ զտէր,
եւ ցնծասցէ հոգի իմ աստուծով
փրկչաւ իմով:

Զի հայեցաւ 'ի խոնարհութիւն
աղախնոյ իւրոյ. ահա յայսմ հետէ
երանիցեն ինձ ամենայն ազգք:

Գ. Իջցէ որպէս զանձրեւ 'ի վերայ
գեղման, որպէս ցօղ զի ցօղէ յերկիր:

Աստուած զիրաւունս քո արքայի
տուր, և զարդարութիւնս քո որդւ
ւոյ թագաւորի:

Յարութեան ըստ ութ ձայնիցն :

Յ. Տէր կարող և հզօր . տէր կարող 'ի պատերազմի :

Տեառն է երկիր լիւ իւրով . աշխարհ՝ և ամենայն բնակիչք նորա :

Վ. Աթոռ քո աստուած յաւիտեանս յաւիտենից , գաւազան ուղղու թեան՝ գաւազան արքայու թեան քոյ :

Բղխեաց սիրտ իմ զքան բարի . եւ ասեմ զգործս իմ թագաւորի :

Բ. Տէր թագաւորեաց՝ ցնծասցէ երկիր . ուրախ եղիցին կղզիք բազումք :

Երեւեցան փայլատակունք նորա տիեզերաց . ետես՝ և սասանեցաւ երկիր :

Բ. Երգեցէք տեառն երգ նոր ամենայն երկիր , ծառայեցէք տեառն ուրախու թեամբ :

Մտէք առաջի նորա ցնծու թեամբ , ծաներո՛ւք զի նա է տէր աստուած մեր :

43. Եկայք և տեսէք զգործս աստուծոյ, որ արար զնշանս եւ զարուեստս 'ի վերայ երկրի:

Աստուած մեր ապաւէն եւ զօրութիւն. օգնական 'ի վերայ նեղութեանց, որք գտին զմեզ յոյժ:

44. Աստուած մեր յերկինս եւ յերկրի, զամենայն զոր ինչ կամեցաւ և արար:

Յեւանեւն իսրայէլի յեգիպտոսէ. տանն յակոբայ 'ի ժողովրդենէ այլազգեաց:

45. Եղիցի ձեռն քո 'ի վերայ առն, աջ քո 'ի վերայ որդւոյ մարդոյ, զոր զօրացուցեր զնա 'ի քեզ:

Որ հովուեսդ իսրայէլի՝ նայեաց, որ առաջնորդես որպէս խաշին յովսեփու:

46. Աստուած աստուծոյ տէր իսոսեցաւ, և կոչեաց զերկիր:

Յեւրիցն արեգական մինչեւ 'ի մուտս արեւու:

Գալստեան :

Օրհնեալ որ գաս յանուան տեառն,
 օրհնեալ որ գալոց ես :

Տէր աստուած մեր երեւեցաւ մեզ
 արարէք տօնս ուրախութեան կան-
 խաւ, մինչեւ յանկիւնս սեղանոյ :

Եկեղեցոյ :

Աստ օրհնեցէք ամենայն ծառայք
 տեառն զտէր :

Ո՛ր կայք ՚ի տան տեառն, և ՚ի գա-
 ւիթս աստուծոյ մերոյ :

Կիւրակամտի :

Միրեցի՛ զի լուիցէ տէր զձայն աղօ-
 թից իմոց :

Զի խոնարհեցոյց զունկն իւր առ
 իս . եւ ես յաւուրս իմ կարգացի
 առ նա :

Մարտիրոսաց ըստ ութ ձայնիցն :

Վ. Եղևցի՛ ողորմութիւն քո տէր
 ՚ի վերայ մեր . որպէս յուսացաք ՚ի
 քեզ :

Յնձացէք արդարք 'ի տէր. ուղղոց
վայելէ օրհնութիւն.

41. Տէր սիրէ զիրաւունս, եւ ոչ
ընդ վայր հարկանէ զսուրբս իւր.
Փրկութիւն արդարոց 'ի տեառնէ է.
վերակացու է նոցա 'ի ժամանակս
նեղութեան.

Բ). Աքանջելի է աստուած 'ի վերայ
սրբոց իւրոց, աստուած իսրայելի.
Տէր աստուած օրհնեալ. օրհնեալ է
տէր զօրհանապազ.

Բ). Օգնութիւն ինձ 'ի տեառնէ
եկեսցէ, որ արար զերկինս և զեր-
կիր.

Համբարձի զաչս իմ 'ի լերինս, ուս-
տի եկեսցէ ինձ օգնութիւն.

43. Աստուած փառաւորեալ է 'ի
խորհուրդս սրբոց իւրոց. մեծ եւ
ահաւոր 'ի վերայ այնոցիկ՝ որք շուրջ
են զնովաւ.

Խոստովան եղիցին երկինք սքանչե-
լեաց քոց տէր, և ճշմարտութիւն
քո յեկեղեցիս սրբոց.

44. Սիրեցից զքեզ՝ տէր զօրու-

Թիւն իմ. տէր հաստատիչ իմ, ապաւէն իմ և փրկիչ իմ:

Աստուած օգնական իմ, և ես յուսամ 'ի նա. ապաւէն իմ, եղջիւր փրկութեան իմոյ՝ ընդունելի իմ է:

Դ. Մերձ է տէր առ ամենեսեան, ոյք կարդան առ նա. առ ամենեսեան՝ ոյք կարդան առ նա ճշմարտութեամբ:

Ձկամս երկիւղածաց իւրոց առնէ տէր. աղօթից նոցա լսէ՝ և կեցուցանէ զնոսա:

Ե. Արդարքն որպէս զարմաւենիս ծաղկեսցին. որպէս զմայրսն լիբանանու բազումք եղիցին:

Տնկեալք եղիցին 'ի տան տեառն, և 'ի գաւիթս աստուծոյ մերոյ ծաղկեսցին:

Ապաշխարութեան ըստ ութ ձայնիցն:

Զ. Տէր լուսիցէ ինձ 'ի կարդալ իմում առ նա:

Ի կարդալ իմում լուար ինձ աստուած ըստ արդարութեան իմոյ:

4. Մի ասասցէ թշնամին իմ թէ
յաղթեցի նմա. կամ նեղիչք իմ
ցնծասցեն, թէ ես սասանեցայց:
Մինչև յերբ դարձուցանես զերեսս
քո յինէն, մինչև յերբ բարձրանայ
թշնամին ՚ի վերայ իմ. նայեա՛ եւ
լուր ինձ տէր աստուած իմ:

Բերան արդարոյ պատմէ զիմաս-
տու թիւն. և լեզու նորա խօսեսցի
զիրաւ ունս:

Մի նախանձիր ընդ շարս. և մի ընդ
այնոսիկ՝ ոյք գործեն զանօրէնու-
թիւն:

Բաղցրութիւն արարեր ընդ ծա-
ռայի քում տէր, ըստ բանի քում:
Քաղցր ես դու տէր, եւ քաղցրու-
թեամբ քով խրատեա՛ զիս:

5. Նայեա՛ եւ լուր ինձ տէր աս-
տուած իմ:

Մինչեւ յերբ տէր՝ մօռանաս զիս
խապառ. մինչեւ յերբ դարձուցա-
նես զերեսս քո յինէն:

Գթութիւնք քո բազում են
տէր. ըստ իրաւանց քոց կեցո՛ զիս:

Տէ՛ս զխոնարհու թիւն իմ, և փրկեա՛
զիս. զի զօրէնս քո ես ոչ մոռացայ:

Եւ. Աստուած յօգնել ինձ նայեաց.
և տէր յընկերել ինձ փու թա՛ւ:

Ամաչեսցեն եւ յամօթ լիցին, ոյք
խնդրէին զանձն իմ:

Եւ. Լուր աստուած աղօթից իմոց
յաղաչել ինձ առ քեզ. յերկիւղէ
թշնամւոյն փրկեա՛ զանձն իմ:

Ծածկեսցես զիս ՚ի ժողովոց չարաց,
՚ի բազմութենէ՝ ոյք գործեն զանօ-
րէնութիւնս:

Ի մեծի Հինգշաբաթի:

Լուացից սրբութեամբ զձեռս իմ.
և շուրջ եղէց զսեղանով քով տէր:
Տէր սիրեցի զվայելութիւն տան
քոյ, և զտեղի յարկի փառաց քոց:

Ի մեծի Ուրբաթու:

Ետուն ՚ի կերակուր ինձ լեղի. և ՚ի
ծարաւ իմ արբուցին ինձ քացախ:
Եղիցին սեղանք նոցա առաջի նոցա
յորոգայթ, ՚ի հատուցումն եւ ՚ի
գայթակղութիւնս:

Ի տօնի սրբոյ Խաչին :

Ետուր երկիւղածաց քոց նշան , զի
 ապրեսցին յերեսաց աղեղան :
 Որպէս փրկեցան սիրելիք քո . կեցո՞ր
 աջով քով և լուր մեզ :

Կարգ Ուղիղ եղիցեաց :

Ուղիղ եղիցին աղօթք իմ :
 Որպէս խունկ առաջի քո տէր :
 Համբարձումն ձեռաց իմոց :
 Պատարագ երեկոյի :

Յատուկ առ աջակողմանն :

Ուղիղ եղիցին աղօթք իմ որպէս
 խունկ առաջի քո տէր . համբար-
 ձումն ձեռաց իմոց՝ պատարագ ե-
 րեկոյի :

Տէր աղաղակեցի առ քեզ եւ լուր
 ինձ :

Նայեաց 'ի ձայն խնդրուածաց իմոց ,
 յաղաղակել իմում առ քեզ :

Ի մեծի Հինգշաբաթի :

Ուղիղ եղիցին աղօթք իմ որպէս
 խունկ առաջի քո տէր :

Ձեր եկոյի աղոթս մեր ընկալ տէր .
և զտարածումն ձեռաց մերոց :

Ի մեծի Ուրբաթու :

Ուղիղ եղիցին աղաչանք մեր որպէս
խուճկ առաջի քո տէր . համբար-
ձումն ձեռաց մերոց՝ պատարագ ե-
րեկոյի :



Քարոզ կիրակամտից , և ամենայն աւուրց
տէրունեաց :

Ասասցուք ամենեքեան միաբանու-
թեամբ . տէր ողորմեա՛ :

Վասն խաղաղութեան ամենայն
աշխարհի՝ եւ հաստատութեան
սրբոյ եկեղեցւոյ . զտէր աղաչես-
ցուք :

(Տե՛ս յեբե՛ս 41) :

Քարոզ 'ի տօնի Սրբոց և Պահոց :

Եւ եւս խաղաղութեան զտէր աղա-
Սղաչեսցուք զամենակալն աս-
տուած՝ զհայր տեառն մերոյ յիսուսի
քրիստոսի ըլթագաւորն խաղաղու-

Թեան յաղագս խաղաղու թեան, և վասն միայնոյ սուրբ կաթուղիկէ և առաքելական եկեղեցւոյ. զի զբազումամս խաղաղութեամբ տացէ մեզ տէր աստուած մեր. եւ զթագաւորս խաղաղարարս առաքեսցէ առ մեզ, վասն մեծի սուրբ և ահաւոր անուան իւրոյ. զպետս գաւառաց, զգորաւարս, զգորագլուխս, զժողովուրդս, զմուտս, և զելս մեր խաղաղութեամբ պահեսցէ. և զամենայն պատերազմունս թշնամւոյն խորտակեսցէ 'ի մէնջ. տէրն ամե-

նակալ կեցուսցէ՛ և ողորմեսցի.

Զերեկս մերձեալ՝ եւ զառաջակայ գիշերս խաղաղութեամբ անցուցանել հաւատով՝ 'ի տեառնէ խնդրես.

ցուք:

Զհրեշտակ խաղաղութեան պահապան անձանց մերոց. 'ի տեառնէ.

Զքաւութիւն և զթողութիւն յանցանաց մերոց. 'ի տեառնէ խնդրես.

Զսրբոյ խաչին մեծ և կարող զօրութիւնն յօգնութիւն անձանց մե.

Եւ եւս միաբան լիան ճշմարիտ և :
 Զանձինս մեր և զմիմեանս տեառն :
 Ողորմեաց մեզ տէր աստուած մեր :

Աղօթք , Լուս յայնչ Գրոց Կեր : Սուրբ աստուած :

Մայթանք , Փրկել շէշ 'է Էրն-Էննէ :

Ք Ա Ր Ո Ջ

Եւ եւս խաղաղութեան զտէր աղա :
 Վասն լսելի լինելոյ տեառն աստու-
 ծոյ ձայնի աղաչանաց մերոց՝ բարե-
 խօսութեամբ սուրբ աստուածած-
 նին . և իջանելոյ 'ի վերայ մեր ողոր-
 մութեան եւ զթութեան տեառն
 աստուծոյ : Ամենակալ տէր աս-
 տուած մեր , կեցո՛ւ և ողորմեա :

Օրհնութիւն և լիառք հօր :

Փ Ո Խ

Համբարձի զաչս իմ 'ի լերինս , ուս-
 տի՛ եկեսցէ ինձ օգնութիւն :
 Օգնութիւն ինձ 'ի տեառնէ եկես-
 ցէ , որ արար զերկինս և զերկիր :
 Մի՛ տար 'ի սասանութիւն զոտն քո .
 և մի՛ ննջեսցէ պահապան քո :

բերոյն, ընդ հովանեաւ աստուծոյ
յերկինս հանգիցէ:

Ասասցէ տեառն՝ ընդունող իմ ես,
ապաւէն իմ աստուած, և ես յու-
սամ 'ի նա:

Նա փրկեացէ զիս յորոգայթէ որսո-
ղին, և 'ի բանիցն 'ի խռովութենէ:
Ի թիկնամէջս իւր ընկալցի զքեզ:
Ի հովանի թեւոց նորա յուսասցիս:
Արպէս զէն շուրջ եղիցի զքեւ՝ ճըշ-
մարտութիւն նորա:

Ոչ երկիցես դու յերկիւղէ գիշերի,
և ոչ 'ի նետէ՝ որ թռչի 'ի տուէ:

Յիրէ որ շրջի 'ի խաւարի, 'ի գայ-
թակղութենէ դիւին 'ի հասարակ
աւուր:

Անկցին 'ի կողմանէ քումմէ հա-
լարք, և բիւրք ընդ աջմէ քումմէ:
և առ քեզ ինչ ոչ մերձեացին:

Բայց միայն աչօք քովք հայեսցիս
դու, և զհատուցումն մեղաւորաց
տեսցես. զի դու տէր յոյս իմ ես:

Ջբարձրեալն արարերք քեզ ապաւէն,
զի ոչ հասցեն առ քեզ չարք, և տան-

Չանք մի՛ մերձեցին 'ի յարկս քո :
 Հրեշտակաց իւրոց պատուիրեալ է
 վասն քո, 'ի պահել զքեզ յամենայն
 ճանապարհս քո :

Ի բազուկս իւրեանց ընկալցին ըզ-
 քեզ. զի մի՛ երբէք հարցես զբարի
 զոտն քո :

Ի վերայ իժից և քարբից գնասցես
 դու, եւ առ ոտն կոխեսցես զա-
 ռիւծն և զվիշապն :

Քանզի յիս յուսացաւ, և փրկեցից
 զնա. հովանի եղէց նմա, զի ծանեաւ
 զանուն իմ :

Կարգասցէ առ իս՝ եւ ես լուայց
 նմա. եւ առ նմա եղէց 'ի նեղու-
 թեան :

Փրկեցից և փառաւոր արարից զնա :
 Երկայն աւուրբք լցուցից, և ցու-
 ցից նմա զփրկութիւն իմ :

Առ քեզ տէր համբարձի զաչս իմ
 որ բնակեալդ ես 'ի յերկինս :

Որպէս աչք ծառայի 'ի ձեռն տեառն
 իւրոց. եւ որպէս աչք աղախնոց 'ի
 ձեռն տիկնոջ իւրոց :

Այնպէս ե՛ն աչք մեր առ քեզ տէր
աստուած մեր. մինչեւ ողորմեսցիս
'ի վերայ մեր:

Ողորմեա՛ մեզ տէր՝ ողորմեա՛ մեզ.
զի բազում լցաք արհամարհանօք:
Եւս առաւել լցան անձինք մեր նա-
խատանօք, որք նախատէին զմեզ.
Եւ արհամարհանօք ամբարտաւա-
նից:

Աստուած յանուանքում կեցո՛ղիս,
և 'ի զօրութեան բում իրաւ արա՛
ինձ:

Աստուած լո՛ւր աղօթից իմոց, ունկն
դիր բանից բերանոյ իմոյ:

Օտարք յարեան 'ի վերայ իմ, և հը-
զօրք խնդրեցին զանձն իմ, և ոչ հա-
մարեցան զքեզ Աստուած առաջի
իւրեանց:

Ահա աստուած օգնական իմ, և տէր
ընդ ունող հոգւոյ իմոյ:

Ի դարձուցանել զչարն 'ի թշնամիս
իմ, ճշմարտութեամբ բովսատակեա՛
զնոսա:

Ես կամօք իմովք պատարագս մա-

տուրքից քեզ. եւ խոստովան եղէց
անուան քում տէր, զի բարի է.
Յամենայն նեղութենէ իմմէ փրկե-
ցեր զիս. և 'ի թշնամիսն իմ ետեա-
ակն իմ.

Փառք հօր և : Այժմ և միշտ և :
Մաղթանք, Ձբարբեւն շրբարբեւն :

Ք Ա Ր Ո Ջ

Եւ մեր միաբան զողորմութիւն
'ի տեառնէ խնդրելով, ասասցուք
ամենեքեան միաբանութեամբ :

Աղօթք, Յոյս կենաց՝ ընդհանուր : Յիշեա՛ տէր զպաշտօ-
նեայս : Աղօթք, Բարբերութեամբ և Բարեկամութեամբ :

ՓՈԽ ԿԻՒՐԱԿԱՄՏԻՑ

Աստ օրհնեցէք ամենայն ծառայք
տեառն զտէր ո՛ր կայք 'ի տուն տեառն.
և 'ի գաւիթս աստուծոյ մերոյ.
Ի գիշերի համբարձէք զձեռս ձեր
'ի սրբութիւն, և օրհնեցէք զտէր.
Օրհնեսցէ զմեզ տէր 'ի սիօնէ, որ
արար զերկինս և զերկիր.
Խոստովան եղէց քեզ տէր՝ բոլորով

արտիւ իմով . առաջի հրեշտակաց
սաղմոս ասացից . քեզ :

Ձի լուար զքանս բերանոյ իմոյ .
երկիրպագից 'ի տաճար սուրբ քո .
և խոստովան եղէց անուան քում .
վասն ողորմութեան և ճշմարտու
թեան քոյ :

Մեծ արարեր յամենայնի զանուն
սուրբ քո . յորում աւուր կարդամ
առ քեզ , վաղվաղակի լուր ինձ .
եւ բազում արասցես զօրութիւնս
յանձն իմ :

Խոստովան եղիցին առ քեզ ամե
նայն թագաւորք երկրի , զի լուան
զքանս բերանոյ քոյ , և օրհնեացեն
զճանապարհս քո :

Մեծ են փառք տեառն . բարձր է
տէր , զխոնարհս տեսանէ , և զբար
ձունս 'ի հեռաստանէ ճանաչէ :

Թէ գնացիցես 'ի մէջ նեղութեանց ,
կեցուսցես զիս 'ի բարկութենէ
թշնամւոյն :

Ձգեցեր զձեռն քո՝ և փրկեաց զիս
աջ քո . և տէր հատուսցէ ընդ իմ :

Տէր ողորմու թիւն քո յաւիտեան .
զգործս ձեռաց քոց մի՛ անտես առ-
ներ :

Աստուած յանուան քում կեցո՛ղիս ,
և ՚ի զօրութեան քում իրա՛ւ արա-
ինձ :

Աստուած լուր աղօթից իմոց , ունկն
դիր բանից բերանոյ իմոյ :

Օտարք յարեան ՚ի վերայ իմ , և հը-
զօրք խնդրեցին զանձն իմ , և ոչ հա-
մարեցան զբեզ աստուած առաջի
իւրեանց :

Ահա աստուած օգնական իմ , եւ
տէր ընդունելի հոգւոյ իմոյ :

Ի դարձուցանել զչարն ՚ի թշնամիս
իմ , ճշմարտութեամբ քով սատա-
կեա զնոսա :

Ես կամօք իմովք պատարագս մա-
տուցից քեզ , եւ խոստովան եղէց
անուան քում տէր , զի բարի է :

Յամենայն նեզութենէ իմմէ փրկե-
ցեր զիս . և ՚ի թշնամիսն իմ ետես
ակն իմ :

Տո՛ւր զօրութիւն ծառայի քոյ . կե-

ցո՛ զորդի աղախնոյ քոյ . եւ արա՛
առ իս նշան բարու թեան .

Տեսցեն ատելիք իմ եւ ամաչեսցեն .
զի դու տէր օգնեցեր ինձ , եւ մխի
թարեցեր զիս .

Փառք հօր եւ : Այժմ եւ միշտ :

Ք Ա Ր Ո Ջ

Խնդրեսցուք հաւատով միաբանու
թեամբ 'ի տեառնէ՛ զի զողորմու
թեան զշնորհս իւր արասցէ 'ի վե
րայ մեր : Տէրն ամենակալ կեցուսցէ՛
եւ ողորմեսցի :

Կեցո՛ տէր :

Տէր ողորմեա՛ . տէր ողորմեա՛ .

տէր ողորմեա :

Աղօթք , Թագաւոր իողողութեան :

Ք Ա Ր Ո Ջ

Սուրբ խաչիւս աղաչեսցուք զտէր ,
զի սովաւ փրկեսցէ զմեզ 'ի մեղաց ,
եւ կեցուսցէ շնորհիւ ողորմութեան
իւրոյ : Ամենակալ տէր աստուած մեր
կեցո՛ եւ ողորմեա :

Աղօթք . Պահպանեա շէն :

Խ Ա Ղ Ա Ղ Ա Կ Ա Ն
Ժ Ա Մ Ե Ր Գ Ո Ւ Թ Ի Ի Ն

Օրհնեալ տէր մեր Յիսուս Քրիստոս , ամէն .
Հայր մեր որ յերկինս :

Տէր աստուած փրկութեան իմոյ ,
'ի տուէ կարդացի և գիշերի առա-
ջի քո :

Մտցեն աղօթք իմ առաջի քո տէր .
խոնարհեսցի ունկն քո 'ի խըն-
դրուածս իմ :

Փառք հօր և : Այժմ և միշտ :

Եւ եւս խաղաղութեան զտէր աղա-
ջեսցուք . ընկալ կեցո՛ և ողորմեա :

Օրհնութիւն և փառք հօր և որդւոյ
և հոգւոյն սրբոյ , այժմ և միշտ և
յաւիտեանս յաւիտենից . ամէն :

Փ Ո Ւ

Ի կարգալ իմուժ լուար ինձ աս-
տուած ըստ արդարութեան. 'ի
նեղութենէ ինձ անդորր արարեր.
ողորմեա՛ ինձ և լուր աղօթից իմոց :
Որդիք մարդկան մինչեւ յերբ էք
խստասիրտք. ընդէ՞ր սիրէք զնան-
րութիւն, և խնդրէք զատութիւն.
Օաներո՛ւք զի սքանչելիս արար տէր
սրբոյ իւրում. եւ տէր լուիցէ ինձ
'ի կարգալ իմուժ առ նա :

Բարկանայք՝ եւ մի՛ մեղանչէք, զոր
ինչ ասէք 'ի սիրտս ձեր՝ յանկողինս
ձեր զղջացարո՛ւք :

Մատուցէ՛ք պատարագս արդարու-
թեան, և յուսացարուք 'ի տէր :
Բազումք ասէին թէ՛ ո՛ր ցուցցէ մեզ
զբարութիւն տեառն. նշանեցաւ
առ մեզ լոյս երեսաց քոց, և ետուր
ուրախութիւն սրտից մերոց :

Ի պտղոյ ցորենոյ գինւոյ և ձիթոյ
իւրեանց լցուցեր զնոսա :

Խաղաղութեամբ յայս եւ 'ի սոյն

Ննջեսցուք և զարթիցուք . զի դու
տէր միայն առանձին յուսով քով
բնակեցուցեր զմեզ :

Տէր մի՛ սրտմտու թեամբ քով յան
դիմաներ զիս , և մի՛ բարկու թեամբ
քով խրատեր զիս :

Ողորմեա՛ ինձ տէր զի հիւանդ եմ
ես . բժշկեա՛ զանձն իմ , զի խռովե-
ցան ոսկերք իմ :

Անձն իմ յոյժ խռովեցաւ , և դու
տէր մինչեւ յերբ :

Դա՛րձ տէր եւ փրկեա՛ զանձն իմ .
կեցո՛ զիս տէր ըստ ողորմու թեան
քում :

Զի ոչ ոք է որ ՚ի մահու յիշէ զքեզ ,
կամ ՚ի դժոխս խոստովան առնիցի
առ քեզ :

Վաստակեցայ ես ՚ի հեծու թեան
իմում , լուացի զամենայն գիշեր
զմահիճս իմ , և արտասուօք իմովք
զանկողինս իմ թացի :

Խռովեցաւ ՚ի սրտմտու թենէ ակն
իմ , և մաշեցայ ես ՚ի վերայ ամենայն
թշնամեաց իմոց :

Ի բայց կացէք յինէն ամենեքեան,
ոյք գործէք զանօրէն ու թիւն :

Լուաւ տէր ձայնի լալոյ իմոյ, լուաւ
տէր աղօթից իմոց, եւ տէր զխըն
դրուածս իմ ընկալաւ :

Ամաչեսցեն ե խռովեսցին յոյժ ա-
մենայն թ շնամիք իմ. դարձցին յետս
և ամաչեսցեն յոյժ վաղվաղակի եւ
խռովեսցին :

Մինչեւ յերբ տէր մտանաս զիս
խապառ. մինչև յերբ դարձուցանես
զերեսս քո յինէն :

Մինչեւ յերբ գնեմ զխորհուրդս
յանձն իմ, եւ ցաւք սրտի իմոյ
զաւուրս :

Մինչեւ ցերբ բարձրանայ թ շնամին
ի վերայ իմ. նայեա՛ և լուր ինձ տէր
աստուած իմ :

Լոյս տո՛ւր տէր աչաց իմոց, զի մի՛
երբէք ննջեցից ՚ի մահ :

Մի՛ ասասցէ թ շնամին թէ յաղթե-
ցի նմա, կամ նեղիչք իմ ցնծասցեն
թէ՛ ես սասանեցայց :

Ես յողորմութիւնս քո տէր յու-

սացայ, ցնծացաւ սիրտ իմ 'ի փրկու
կու թեան քում. օրհնեցից զտէր
զբարերարդ իմ:

Պահեա՛ զիս աստուած իմ, զի ես
'ի քեզ յուսացայ. ասացի տեառն,
տէր իմ ես դու, և բարիք իմ ինձ
'ի քէն են:

Սրբոց քոց ուրբ են յերկրի քում,
սքանչելի արարեր զամենայն կամս
իմ 'ի նոսա:

Յաճախեսցին հիւանդու թիւնք նո
ցա. յետ այսորիկ ապա լաղվաղես
ցին:

Ո՛չ ժողովեցայց 'ի ժողովս նոցա
յարեանց, և ոչ յիշեցից զանուանս
նոցա 'ի շրթուէս իմ:

Տէր բաժին ժառանգութեան իմոյ
և բաժակի իմոյ, դու ես որ այսրէն
դարձուցանես զժառանգութիւն
իմ յիս:

Վիճակք ելին ինձ ընդ ընտիրս, և
ժառանգութիւն իմ հաճոյ եղեւ
ինձ:

Օրհնեցից զտէր որ իմաստուն ա

րար զիս . մինչ 'ի գիշերի եւս խրատեցին զիս երիկամուռնք իմ :

Յառաջագոյն տեսանէի զտէր առաջի իմ յամենայն ժամ . զի է ընդ աջմէ իմմէ զի մի' սասանեցայց :

Ասան այսորիկ ուրախ եղեւ սիրտ իմ , և ցնծացաւ լեզու իմ , եւս և մարմին իմ բնակեացի յուսուլ :

Ձի ոչ թողցես զանձն իմ 'ի դժոխս , և ոչ տացես սրբոյ քում տեսանել զապականու թիւն :

Յուցեր ինձ զճանապարհս քո կենաց , լցուցեր զիս ուրախութեամբ քերեսաց քոց 'ի քաղցրութենէ վայելութեան աջոյ քոյ մինչ իսպառ :

Ղուր տէր արդարութեան , և նայեա՛ 'ի խնդրուածս իմ . ունկն դիր սղօթից իմոց՝ զի ոչ չթամբք նենգաւորօք :

Յերեսաց քոց իրաւունք ինձ ելցեն , և աչք իմ տեսցեն զուղղութիւն : Փորձեցեր զսիրտ իմ եւ քննեցեր ի գիշերի . փորձեցեր զիս՝ եւ ոչ

գտաւ յիս անիրաւու թիւն :
 Մի՛ խօսեցցի բերան իմ զգործս որդ
 ւոց մարդկան . վասն բանից շրթանց
 քոց՝ ես պահեցից զճանապարհս
 խիստս :

Հաստատեա՛ զշաւիղս իմ՝ ՚ի ճանա
 պարհի քում . զի մի՛ գայթակղեցցին
 գնացք իմ :

Էս առ քեզ տէր կարդացի՛ զի լուար
 ինձ աստուած . խոնարհեցո՛ առ ի
 զուենկն քո և լո՛ւր բանից իմոց :

Սքանչելի արարեր զողորմու թիւնս
 քո . ո՛ր փրկես զայնոսիկ ոյք յուսա
 ցեալ են ՚ի քեզ , յայնցանէ ոյք հա
 կառակ կան աջոյ քոյ :

Պահեա՛ զիս որպէս բիբ ական . ընդ
 հովանեալ թեւոց քոց ծածկեսցեա
 զիս յերեսաց ամբարշտաց՝ ոյք տա
 ռապեցուցին զիս :

Թշնամիք զանձն իմ պաշարեցին , եւ
 ՚ի ճարպս իւրեանց արգելին , և բե
 րանք նոցա խօսեցան զամբարտա
 ւանու թիւն :

Մերժեցին զիս եւ այժմ գարձեալ

սպատեցան զինեւ . ուչ եղին խո-
նարհեցուցանել զիս յերկիր :

Համարեցան ինձ որպէս առիւծ զի
սպատրաստի յորս , և որպէս կորիւն
առիւծու զի նստի դարանեալ :

Արի՛ տէր ժամանեա՛ նոցա և խա-
փանեա՛ զնոսա . փրկեա՛ զանձն իմ
յամբարշտաց՝ ՚ի սրոյ եւ ՚ի ձեռաց
Թշնամւոյն :

Տէր կորո՞ զնոսա յերկրէ , բաժա-
նեա՛ և խափանեա՛ զնոսա ՚ի կեանս
իւրեանց :

Բաղտնեօք քովք լցան որովայնք նո-
ցա . յազեցան կերակրովք և Թողին
զմնացուածս տղայոց իւրեանց :

Ես արդարու թեամբ երեւեցայց
երեսաց քոց . և յազեցայց յերեւիլ
փառաց քոց :

Իատ արա՛ ինձ աստուած , և իրաւ
արա՛ ինձ ՚ի դատաստանի իմում :

Յազգէ որ ոչ է սուրբ , ՚ի մարդոյ
մեղաւորէ նենգաւորէ փրկեա՛ զիս :

Իու աստուած հզօրիչ իմ ես , ըն-
դէ՞ր մոռացար զիս , ընդէ՞ր տրտում

գնամ ես 'ի նեղել թշնամւոյ իմոյ :
Առաքեա՛ տէր զլոյս քո եւ զճշմար
տու թիւն քո, զի առաջնորդեսցեն
ինձ և հանցեն զիս 'ի լեառն սուրբ
եւ 'ի յարկս քո :

Մտից առաջի սեղանոյ աստուծոյ
առ աստուած, որ ուրախ առնէ
զմանկու թիւն իմ :

Խոստովանեղէց քեզ օրհնու թեամբ
աստուած աստուած իմ :

Արդ՝ ընդէ՞ր տրտում ես անձն իմ,
կամ ընդէ՞ր խռովես զիս. յուսան
առ աստուած, խոստովանեա նմա՛
փրկիչ երեսաց իմոց աստուած է :

Աստուած յօգնել ինձ նայեաց. եւ
տէր յընկերել ինձ փու թա՛ :

Ամաչեսցեն եւ յամօթ լիցին, ոյք
խնդրէին զանձն իմ. դարձցին յետս
և ամաչեսցեն, ոյք խորհէին ինձ չար
Դարձցին առ ժամայն ամաչեսցեալք
ոյք ասէին ինձ վաշ վաշ :

Ցնծասցեն եւ ուրախ լիցին 'ի քեզ
ամենեքեան, ոյք խնդրեն զքեզ
տէր :

Ասասցեն յամենայն ժամ, մեծ է
աստուած. եւ ոչք սիրեն զփրկու
թիւնս քո:

Ես աղքատ եւ տնանկ եմ, աստուած
օգնեա՛ ինձ. օգնական եւ փրկիչ իմ
ես. եւ դու տէր իմ՝ մի՛ յամենար:
Տո՛ւր զօրու թիւն ծառայի քոյ. կե-
ցո՛ւ զօրդ ի աղախնոյ քոյ. եւ արա՛
առ իս նշան բարու թեան.

Տեսցեն ատելիք իմ եւ ամաչեսցեն.
Ղի դու տէր օգնեցեր ինձ, եւ մխի
թարեցեր զիս:

Փառք հօր եւ Այժմ եւ միշտ:

Երգ, Շնորհեա մեղ քեր, Մաղ. Ի մեքենաւ երեկոյնս համբար:

Ք Ա Ր Ո Ջ

Եւ եւս իաղաղու թեան զտէր աղա:
Ի հայարո՛ւք զտեառնէ, որ իւրով
ողորմու թեամբն առաջնորդեաց
մեզ ՚ի գործս տունջեան. եւ շնոր-
հեաց մեզ միաբան գալ հասանիլ
ի հանգիստ գիշերիս: Եւ մեք յա-
մենայն ժամ աղաչեսցուք զմարդա-

տէրն աստուած, լինիլ պահապան
անձանց մերոց. և նա իւրով ողոր
մութեամբն պահեսցէ զմեզ. և ա
ռաջնորդեալ հասուցէ յիւր բա
րութեան հանգիստն. զոր խոստա
ցաւ սիրելեաց իւրոց ճշմարիտն աս
տուած յիսուս քրիստոս. տէրն ա
մենակալ կեցուցէ՛ և ողորմեսցի:

Ջհանգիստ գիշերիս խաղաղու
թեամբ անցուցանել հաւատով
'ի տեառնէ խնդրեսցուք:

Ջհրեշտակ խաղաղութեան պահա
պան անձանց մերոց. 'ի տեառնէ:
Ջքաւութիւն և զթողութիւն յան
ցանաց մերոց. 'ի տեառնէ խնդ:
Ջսրբոյ խաչին մեծ և կարող զօրու
թիւնն յօգնութիւն անձանց մե
տեւս միաբան վասն ճշմարիտ և
Ջանձինս մեր և զմիմեանս տեառն
Ողորմեաց մեզ տէր աստուած մեր
Աղօթք, Տէր բարեբար ուր ԲՅՅՅ:

Փ Ո Ւ

Տէր լոյս իմ և կեանք իմ. ես յուսմ

մէ՞ երկեսայց . տէր ապաւէն կենաց
իմոց՝ ես յուամէ՞ դողացայց :

Ի մերձենալ առ իս չարաց յուտել
զմարմին իմ, նեղիչք իմ և թշնամիք
իմ՝ նորա տկարացան և անկան :

Թէ պատրաստիցի 'ի վերայ իմ սլա-
տերազմ, ոչ երկիցէ սիրտ իմ, եւ
թէ յարիցէ 'ի վերայ իմ ճակատա-
մարտ, սակայն եւ այսուիկ 'ի քեզ
տէր յուսացայ :

Ձմի խնդրեցի 'ի տեառնէ, և զսոյն
աղաչեմ, բնակիլ ինձ 'ի տան տեառն
զամենայն աւուրս կենաց իմոց :

Տեսանել ինձ զվայել շու՞թիւն
տեառն, և հրաման տալ 'ի տաճա-
րի նորա :

Ծածկեաց զիս 'ի խորանի իւրում
յաւուր չարի . ընդ յարկաւ արար
զիս 'ի ծածկոյթ խորանի իւրում :

Ի վիմէ բարձր արարեր զիս . և այժմ
բարձր արա՛ զգլուխ իմ 'ի վերայ
թշնամեաց իմոց :

Շուրջ եղէց՝ և մատուցից 'ի խորա-
նի նորա պատարագ օրհնութեան :

օրհնեցից և սաղմոս ասացից տեառնս
 Լ՛ո՛ւր տէր ձայնի իմում, զի կար-
 դացի առ քեզ. ողորմեա՛ ինձ եւ
 լ՛ո՛ւր ինձ, զի քեզ ասաց սիրտ իմ.
 և խնդրեցին երեսք իմ. զերեսս քո
 տէր խնդրեցին:

Մի՛ դարձուցաներ զերեսս քո յի-
 նէն. և մի՛ խոտորիր բարկութեամբ
 ՚ի ճառայէ քումմէ:

Օգնական իմ լեր տէր՝ մի՛ անարգեր
 զիս, եւ մի՛ թողուր զիս աստուած
 փրկիչ իմ:

Հայր իմ և մայր իմ թողին զիս: և
 տէր ընկալաւ զիս:

Օրէնսգէտ արա՛ զիս տէր ՚ի ճանա-
 պարհի քում. և առաջնորդեա՛ ինձ
 ՚ի շաւիղս քո ուղիղս:

Վասն թշնամեաց իմոց, մի՛ մատներ
 զիս ՚ի ձեռս նեղչաց իմոց:

Յարեան ՚ի վերայ իմ վկայք մեղաց.
 եւ ստեցին ինձ յանօրէնութեան
 իւրեանց:

Հաւատացի տեսանել զբարութիւն
 տեառն՝ յերկրին կենդանեաց, համ

բե՛ր տեառն և քաջալերեաց. զօրաս-
ցի սիրտ քո և համբե՛ր տեառն.

Փառք հօր և : Այժմ և միշտ :

Արգ, Նոյեց-էր-լ : Մաղթանք, Տէր զ' Դ-ըն-ց-նէր :

Ք Ա Ր Ո Ջ

Ազաչեսցուք զամենակալն աստուած,
և խնդրեսցուք 'ի նմանէ. զի առա-
քեսցէ զհրեշտակ խաղաղութեան,
որ եկեալ պահեսցէ զմեզ յերկիւ-
ղական գիշերիս, 'ի դիւական խռո-
ւլութեանէ՝ ամբողջ պահելով զհո-
գի եւ զմարմին մեր մինչեւ 'ի կա-
տարումն ժամանակի ամաց մերոց :
Ամենակալ տէր աստուած մեր՝ կեցո՛
և ողորմեա :

Աղօթք, Մարտի- Բարեց յամենայն :

ՓՈՒՔ ՅԱՒՈՒՐՍ ՄԵԾԻ ՊԱՀՈՑ

Ա. Երանեալ են անբիծք 'ի ճանա-
պարհի, և ոյք գնան յօրէնս տեառն :
Երանի՛ ոյք քննեն զվկայութիւնս
նորա . բոլորով սրտիւ իւրեանց
խնդրեսցեն զնա :

Ոչ թէ ոյք գործեն զանօրէնու-

Թիւն՝ 'ի ճանապարհս նորա գնաս-
ցեն։

Դու պատուիրեցեր զպատուիրանս
քո՝ 'ի պահել ինձ յոյժ։

Երանի՛ թէ յաջողեալ էին ինձ ճա-
նապարհք իմ, 'ի պահել ինձ զար-
դարու թիւնս քո։

Յայնժամ ես ոչ ամաչէի՝ 'ի զգուշա-
նալ ինձ 'ի պատուիրանս քո։

Խոստովան եղէց քեզ տէր յուզղու-
թիւն սրտի իմոյ. որպէս ուսայց զի-
րաւունս արդարու թեան քոյ։

Զիրաւունս քո պահեցի. մի՛ թո-
ղուր զիս մինչ իսպառ։

Ի՞նչ ուզղեսցէ երիտասարդ զճանա-
պարհս իւր, այլ 'ի պահել զքանս քո։

Բողորով սրտիւ իմով ինդրեցի
զքեզ, մի՛ մերժեր զիս 'ի պատուի-
րանաց քոց։

Ի սրտի իմում թագուցի զքանս քո,
որպէս զի մի՛ մեղայց քեզ։

Օրհնեալ ես դու տէր. ուսո՛ ինձ
զարդարու թիւնս քո։

Երթամբք իմովք պատմեցից զամե-

- նայն իրաւունս բերանոյ քոյ :
- Ի ճանապարհս վկայու թեանց քոց
 դուարձացայ , որպէս յամենայն 'ի
 մեծու թեան :
- Ի պատուիրանս քո հոգացայ , եւ
 զգուշացայ 'ի ճանապարհս քո :
- Ձիրաւունս քո խօսեցայ , և ոչ մո-
 ռացայ զբանս քո :
- Հատո՛ ծառայի քում , զի կեցից եւ
 պահեցից զբանս քո :
- Ձարթո՛ զանչս իմ , եւ նայեցայց 'ի
 սքանչելիս օրինաց քոց :
- Պանդուխտ եմ ես յերկրի , մի՛ թա-
 գուցաներ յինէն զպատուիրանս
 քո :
- Փառիագեաց անձն իմ , 'ի ցանկալ ինձ
 յիրաւունս քո յամենայն ժամ :
- Սաստեցեր ամբարտաւանից . անի-
 ծեալ ոյք խոտորեցան 'ի պատուի-
 րանաց քոց :
- Ի բաց արա՛ յինէն զնախատինս եւ
 զարհամարհանս . զի զվկայու թիւնս
 քո խնդրեցի :
- Քանզի նստան իշխանք՝ և չարախօ-

սէին զինէն. այլ ծառայ քո խորհէր
յիրաւունս քո:

Զի վկայու թիւնք քո խօսք իմ էին:
Եւ խորհուրդք իմ արդարու թիւն քո:
Մերձեցաւ անձն իմ 'ի հող. տէր
կեցո՞ զիս ըստ բանի քում:

Զճանապարհս իմ պատմեցի քեզ, և
լուար ինձ. ուսո՞ ինձ զարդարու
թիւնս քո:

Ի ճանապարհս արդարու թեանց քոց
իմաստուն արա՞ զիս, եւ քննեցից
զսքանչելիս քո:

Տքնեցաւ անձն իմ առ 'ի ձանձրա
նսլ. հաստատեա՞ զիս 'ի բանս քո:

Զճանապարհս մեղաց 'ի բաց արա
յինէն. և յօրէնս քո ողորմեա՞ ինձ:

Զճանապարհս ճշմարտու թեան քոյ
ընտրեցի. եւ զիրաւունս քո ես ոչ
մոռացայ:

Մերձեցայ ես 'ի վկայու թիւնս քո
տէր. մի՞ յամօթ առներ զիս:

Ի ճանապարհս պատուիրանաց քոց
ընթացայ. զի անդորր արարեր սրտի
իմոյ:

Օրէնսգէտ արա՛ զիս տէր 'ի ճանա-
պարհս իրաւանց քոց, և խնդրեցից
զիս յամենայն ժամ:

Իմաստուն արա՛ զիս, եւ քննեցից
զօրէնս քո. և պահեցից զնա բոլո-
րով սրտիւ իմով:

Առաջնորդեա՛ ինձ 'ի շաւիղս պա-
տու իրանաց քոց, զի ընդ նոսա հա-
ճեցայ:

Խոնարհեցո՛ զսիրտ իմ 'ի վկայու-
թիւնս քո, և մի՛ յագահու թիւն:

Ղարձո՛ զաչս իմ, զի մի՛ տեսից ըզ-
նանրու թիւն. 'ի ճանապարհս քո
կեցո՛ զիս:

Հաստատեա՛ ծառայի քում՝ զքան
քո յերկիւղ քո:

Հան՛ յինէն զնախատինս, զոր և կար-
ծեցի. զի դատաստանք քո քաղցր են:

Ահա ցանկացայ պատու իրանաց
քոց. յարդարու թեան քում կեցո՛
զիս:

Եկեսցէ 'ի վերայ իմ ողորմու թիւն
քո տէր. եւ վրկու թիւն քո ըստ
բանի քում:

Տաց պատասխանի ոյք նախատուն
զիս բանիւք. զի ես 'ի բանս քո յու-
սացայ :

Մի' 'ի բացեայ առներ 'ի բերանոյ
իմմէ զբան ճշմարտութեան մին-
չեւ յոյժ. զի յիրաւունս քո յու-
սացայ :

Պահեցի զօրէնս քո յամենայն ժամ,
յաւիտեան՝ և յաւիտեանս յաւի-
տենից :

Գնայի ես յանդորրու. զի զպա-
տուիրանս քո խնդրեցի :

Խօսէի զվկայութիւնս քո առաջի
թագաւորաց, և ոչ ամաչէի :

Խորհէի 'ի պատուիրանս քո, զոր
սիրեցի :

Համբարձի զձեռս իմ 'ի պատուի-
րանս քո՝ զոր սիրեցի. եւ խորհէի
յարդարութեան քում :

Յիշեա՛ զբան ծառայի քոյ, յոր եւ
յուսացուցեր զիս :

Սա մխիթարեսցէ զիս 'ի խոնար-
հութեան իմում. զի բան քո կե-
ցոյց զիս :

Ամբարտաւանք անիրաւեցան յիս
յոյժ, այլ յօրինաց քոյ ես ոչ խո-
տորեցայ:

Յիշեցի զիրաւունս քո յաւիտենից
տէր, և մխիթարեցայ:

Տրամուծիւն կալաւ զիս 'ի մեղա-
ւորաց, և ոյք թողին զօրէնս քո:

Գովելի են ինձ իրաւունք քո, 'ի
տեղւոջ պանդխտութեան իմոյ:

Յիշեցի 'ի գիշերի զանուն քո տէր.
և պահեցի զօրէնս քո:

Սա եղեւ ինձ ճանապարհ 'ի կեանս.
զի զարդարութիւնս քո խնդրեցի:

Փառք հօր և: Այժմ և միշտ և:

Բ. Բաժին իմ ես դու տէր, ասացի
պահել ինձ զօրէնս քո:

Աղաչեցի զերեսս քո բոլորով սրբ-
տիւ իմով. ողորմեա՛ ինձ ըստ բանի
քում:

Խորհեցայ 'ի ճանապարհս իմ. եւ
դարձուցի զոտս իմ 'ի վկայու-
թիւնս քո:

Պատրաստեցայ եւ ոչ խռովեցայ .
զի պահեցի զպատուիրանս քո :

Տոռուէք մեղաց պատեցան զինեւ .
այլ զօրէնս քո ես ոչ մոռացայ :

Ի մէջ գիշերի յառնէի խոստովան
լինիլ առ քեզ, վասն իրաւանց եւ
արդարութեան քոյ :

Հաղորդ էի ես ամենայն երկիւղա-
ծաց քոց, որոց պահեալ էին զպա-
տուիրանս քո :

Ողորմութեամբ տեսան լի եղեւ
երկիր . զարդարութիւնս քո ուսո՞
ինձ :

Քաղցրութիւն արարեր ընդ ծառա-
յի քում տէր, ըստ բանի քում .
Զքաղցրութիւն, զխրատ, եւ զգի-
տութիւն ուսո՞ ինձ . զի ՚ի պատուի-
րանս քո ես հաւատացի :

Մինչեւ խոնարհեալ էի ես՝ մեղայ .
վասն այսորիկ զբանս քո պահեցի
յոյժ :

Քաղցր ես դու տէր, եւ քաղցրու-
թեամբ քով ուսո՞ ինձ զարդարու-
թիւնս քո :

Բաղմացան յիս անիրաւութիւնք
ամբարտաւանից . այլ ես բոլորով
սրտիւ իմով քննեցի զպատուիրանս
քո :

Մածան որպէս կաթն սիրտք նոցա .
այլ ես զօրէնս քո խօսեցայ :

Բարի է ինձ , զի խոնարհ արարեր
զիս . որպէս ուսայց զարդարու-
թիւնս քո :

Բարի են ինձ օրէնք բերանոյ քոյ ,
քան զհազարս ոսկւոյ և արծաթոյ .
Ձեռք քո արարին՝ և ստեղծին զիս .
իմաստունն արա՛ զիս՝ և ուսայց զպա-
տուիրանս քո :

Երկիւղածք քո տեսցեն զիս՝ եւ
ուրա՛խ եղիցին . զի ես ՚ի բանս քո
յուսացայ :

Ծանեայ տէր զի արդարութեամբ
են դատաստանք քո . յիրաւի խո-
նարհեցուցեր զիս :

Եղիցի ողորմութիւն քո ՚ի մխիթա-
րել զիս , ըստ բանի քու՛մ՝ զճառայս
քո :

Եկեսցեն յիս գթութիւնք քո՝ եւ

կեցից . զի օրէնք քո խօսք իմ էին .
 Ամաչեսցեն ամբարտաւանք՝ որք ՚ի
 տարապարտուց անիրաւեցան յիս
 այլ ես հոգացայ ՚ի պատուիրանս քո .
 Խրատեսցեն զիս երկիւղածք քո , և
 ոչք ճանաչեն զվկայու թիւնս քո .
 Եղիցի սիրտ իմ անբիծ յարդարու
 թեան քում , զի մի՛ ամաչեցից .
 Կարօտացաւ անձն իմ ՚ի փրկու
 թիւնս քո . զի ես ՚ի բանս քո յու
 սացայ :

Սպասեցին աչք իմ բանի քում . ա
 սացի երբ մսի թարեսցէ զիս .
 Եղէ ես որպէս տիկ ՚ի պարզի . զի
 զարդարու թիւնս քո ես ոչ մոռա
 ցայ :

Քանի՞ ինչ են աւուրք ծառայի քոյ ,
 երբ արասցես ինձ իրաւունս ՚ի հա
 լածչաց իմոց :

Պատմեցին ինձ անօրէնք զխոր
 հուրդս . այլ ոչ որպէս զօրէնս քո .
 Ամենայն պատուիրանք քո ճշմարիտ
 են . ՚ի նանիր հալածեցին զիս , օգ
 նեա՛ ինձ :

Փորր մի եւս եւ կորուսանէին զիս
յերկրի, այլ ես ոչ թողի զպատուի-
րանս քո:

Ըստ ողորմութեան քում կեցո՛ւ զիս.
Եւ պահեցից զվկայութիւնս բերա-
նայ քոյ:

Յաւիտեան տէր՝ բան քո կայ յեր-
կինս. ազգէ մինչեւ յազգէ ճշմար-
տութիւն քո:

Հաստատեցեր զերկիր՝ և կայ:

Հրամանի քում մնայ տիւ. զի ամե-
նեքեան ծառայք քո են:

Եթէ ոչ օրէնք քո խօսք իմ էին, կան-
խաւ եւս արդեօք կորուսեալ էի
'ի խոնարհութեան իմում:

Յաւիտեան ոչ մոռացայց զարդա-
րութիւնս քո. զի նոքօք կեցուցեր
զիս:

Քո եմ ես, և կեցո՛ւ զիս. զի զարդա-
րութիւնս քո խնդրեցի:

Ինձ սպասեցին մեղաւորք 'ի կորու-
սանել. զի զվկայութիւնս քո ես 'ի
միտ առի:

Յամենայն կատարածի տեսի զվախ-

Ճան, յոյժ անդորր էին ինձ պատու-
տու-իրանք քո:

Որպէս սիրեցի զօրէնս քո. զօրհա-
նապազ խօսք իմ էին:

Քան զթշնամիս իմ իմաստունն ա-
րարեր զիս 'ի պատու-իրանս քո. զի
յաւիտեան իմ էին:

Քան զամենայն ուսուցիչս իմ ի-
մաստունն եղէ. զի վկայու-թիւնք քո
խօսք իմ էին:

Քան զծերսն իմաստունն եղէ. զի
զպատու-իրանս քո քննեցի:

Յամենայն ճանապարհաց չարաց ար-
գելի զոտս իմ. որպէս զի պահեցից
զբանս քո:

Յիրաւանց քոց ես ոչ խոտորեցայ.
զի դու օրէնսգէտ արարեր զիս:

Որպէս զի քաղցր են 'ի քիմս իմ բանք
քո քան զվեղո՝ բերանոյ իմոյ:

Ի պատու-իրանաց քոց իմացեալ՝ ա-
տեցի զամենայն ճանապարհս չարաց:

զի դու օրէնսգէտ արարեր զիս:

Ճրագ են բանք քո ոտից իմոց, եւ
լոյս տան շաւղաց իմոց:

Երդ ու այ և հաստատեցի . զի պահեցից զամենայն իրաւունս արդարութեան քոյ :

Սոնարհ եղէ մինչեւ յոյժ . տէր՝ կեցո՛ զիս ըստ բանի քում :

Նիդ կամս բերանոյ իմոյ հաճեաց տէր . և զիրաւունս քո ուսո՛ ինձ :

Սնձն իմ ՚ի ձեռս քո է յամենայն ժամ . և զօրէնս քո ես ոչ մոռացայ :

Եղին ինձ մեղաւորք որոգայթ . ՚ի պատու իրանաց քոց ես ոչ մոլորեցայ :

Խառանգեցի զկայութիւնս քո յախտեան . զի ցնծութիւն է սրտի իմոյ :

Սոնարհեցուցի զսիրտ իմ , առնել զարդարութիւնս քո յախտեան , վասն հատուցման :

Ձանօրէնս ատեցի , եւ զօրէնս քո սիրեցի :

Չնական եւ փրկիչ իմ ես դու . եւ ես ՚ի բանս քո յուսացայ :

Ո բայց եղերուք յինէն չարք . եւ քննեցից զպատու իրանս աստուծոյ իմոյ :

Օգնեա՛ ինձ ըստ բանի քուժ, և կե-
ցո՛ զիս. եւ մի՛ յամօթ առներ զիս.
'ի յուսոյ իմմէ :

Օգնեա՛ ինձ, եւ ապրեցո՛ զիս. եւ
խորհեցայց յիրաւունս քո յամե-
նայն ժամ :

Անարգեցեր զամենեսեան՝ որք ա-
պրստամբք եղեն յարդարութեանց
քոց. զի անիրաւութեամբ էին խոր-
հուրդք նոցա :

Յանցաւորս համարեցայ զամենայն
մեղաւորս երկրի. վասն այսորիկ սի-
րեցի զպատուիրանս քո :

Բեւեռեա՛ ընդ երկիւղ քո զմարմին
իմ. զի 'ի դատաստանաց քոց եր-
կեայց յոյժ :

Փառք հօր և : Այժմ և միշտ և :

Դ. Արարի իրաւունս և արդարու-
թիւն. մի՛ մատներ զիս 'ի ձեռս
նեղչաց իմոց :

Ընկա՛լ զճառայս քո 'ի բարի. զի մի՛
ամբարտաւանք զզուեսցեն զիս :

Սպասեցին աչք իմ փրկու թեան
բուժ տէր, եւ բանից արդարու
թեան քոյ :

Արա՛ ընդ ծառայի բուժ տէր ըստ
ողորմութեան բուժ. զարդարու
թիւնս քո ուսո՛ ինձ :

Ծառայ քո եմ ես, իմաստուն արա՛
ղիս, և ծանեայց զվկայու թիւնս քո :
Ժամ է պաշտել զտէր. խափանե
ցին զօրէնս քո :

Լասն այսորիկ սիրեցի զպատուիրանս
քո, բան զամենայն ոսկի և զտպա
ղիոն :

Ամենայն պատուիրանք քո յաջողե
ցան ինձ. զի ատեցի ես զճանա
պարհս չարաց :

Աբանչե լի են վկայութիւնք քո,
լասն այսորիկ սիրեաց զնոսա անձն
իմ :

Յայտնու թիւն բանից քոց լուսաւոր
է, և իմաստուն առնէ զտղայս :

Ջբերան իմ բացի, և առի զհոգի.
Ի պատուիրանս քո փափագեաց
անձն իմ :

Նայեա՛ առ իս և ողորմեա՛ ինձ, ըստ
 իրաւունս սիրողաց անուան. քոյ :
 Զճանապարհս իմ՝ ուղիղ արա՛ ինձ
 ըստ բանի քում, եւ մի՛ տիրեսցես
 ինձ ամենայն մեղք :

Փրկեա՛ զիս 'ի զըպարտութենէ
 մարդկան, եւ պահեցից զպատուի-
 րանս քո :

Երեւեցո՛ զերեսս քո 'ի ծառայս քո,
 և ուսո՛ ինձ զարդարութիւնս քո :

Վտակք ջուրց իջին յաչաց իմոց՝ զի
 ոչ պահեցին զօրէնս քո :

Արդար ես դու տէր, և ուղիղ են
 դատաստանք քո :

Պատուիրեցեր զարդարութիւն վկա-
 յութեանց քոց. և ճշմարիտ են յոյժ :

Մաշեաց զիս նախանձ քո, զի մոռա-
 ցան զբանս քո թշնամիք իմ :

Ընտրեալ է բան քո յոյժ, եւ ծա-
 ռայ քո սիրեաց զսա :

Մանուկ եմ ես եւ արհամարհեալ
 եւ զարդարութիւնս քո ես ոչ մո-

ռացայ :

Արդարութիւն քո՝ արդարութիւն

յաւխտենից. եւ օրէնք քո ճշմարիտ են.

Նեղուծիւնք եւ վիշտք գտին զիս. և պատուիրանք քո խօսք իմ էին.

Արդարուծեամբ են վկայուծիւնք քո յաւխտեան. իմաստունն արա՛ և կեցո՛ զիս.

Աարդացի առ քեզ բոլորով սրտիւ իմով. լո՛ւր ինձ տէր, զի զարդարուծիւնս քո խնդրեցի.

Աղաղակեցի առ քեզ և փրկեա՛ զիս. և պահեցից զվկայուծիւնս քո.

Աանխեցի տարաժամու՛ աղաղակեցի. և ես ՚ի բանս քո յուսացայ.

Աանխեցին աչք իմ առ աւօտու. ՚ի խօսիլ ինձ զբանս քո.

Չայնի իմում լո՛ւր տէր՝ ըստ ողորմուծեան քում. և յիրաւունս քո կեցո՛ զիս.

Մերձեցուցին յիս հալածիչք իմ զանօրէնուծիւն. զի յօրինաց քոց հեռի եղեն.

Մերձ ես դու տէր. եւ ամենայն պատուիրանք քո ճշմարիտ են.

Ի սկզբանէ ծանեայ 'ի վկայութեանց
քոց . զի յաւիտեան հաստատեցեր
զնոսա :

Տէս զխոնարհութիւն իմ . և փրկեա՛
զիս . զի զօրէնս քո ես ոչ մոռացայ :
Դատեա՛ զդատաստանս իմ , և փրկեա՛
զիս . եւ ըստ բանի քում կեցո՛ զիս :
Հեռի է 'ի մեղաւորաց փրկութիւն ,
զի զերաւունս քո ոչ պահեցին :

Գթութիւնք քո բազում են տէր ,
ըստ իրաւանց քոց կեցո՛ զիս :
Բազում են , որք հալածեն եւ նե-
ղեն զիս . 'ի վկայութեանց քոց ես
ոչ խոտորեցայ :

Հայէի յանագորոյնս՝ և մաշէի , զի
զպատուիրանս քո ոչ պահեցին :

Տէս՝ զի զպատուիրանս քո սիրեցի .
տէր՝ ողորմութեամբ քով կեցո՛ զիս :
Սկիզբն բանից քոց ճշմարտութիւն
է . յաւիտեան են ամենայն իրա-
ւունք արդարութեան քոյ :

Իշխանք հալածեցին զիս 'ի նանիր .
և 'ի բանից քոց երկեալ սիրտ իմ .
Յնծացայ ես 'ի բանս քո , որպէս այն ,

որ գտանէ աւար բազում:

Չմեղս ատեցի և անարգեցի, և զօրէնս քո սիրեցի:

Եւ թո՛ղ անգամ յաւուր օրհնեցից զբեզ, վասն իրաւանց և արդարու թեան քոյ:

Եւ զաղաղութիւն բազում է այնոցիկ, յիք սիրեն զօրէնս քո, և ոչ գոյ 'ի նոսա գայթակղութիւն:

Ապասեցի փրկութեան քում տէր, և զպատու իրանս քո սիրեցի:

Պահեաց անձն իմ զվկայութիւնս քո, և սիրեաց զնոսա յոյժ:

Պահեցից զպատու իրանս՝ և զվկայութիւնս քո, զի ամենայն ճանապարհք իմ առաջի քո են:

Եւ րձեացին խնդրուածք իմ առաջի քո տէր, ըստ բանի քում իմաստունն արա՛ գիս:

Եւ սոցեն աղօթք իմ առաջի քո տէր, և բանիւ քով փրկեա՛ գիս:

Եւ զխեսցեն շրթունք իմ զօրհնութիւնս քո, յորժամ ուսուսցես ինձ զարդարութիւնս քո:

Խօսեսցի լեզու իմ զբանս քո . զի
ամենայն պատու իրանք քո արդա-
րու թեամբ են .

Եղիցի ձեռն քո 'ի կեցուցանել զիս .
զի զպատու իրանս քո ընտրեցի :
Ցանկացայ փրկու թեան քում տէր ,
և օրէնք քո խօսք իմ էին .

Կեցցէ անձն իմ , օրհնեսցէ զքեզ .
և իրաւունք քո օգնեսցեն ինձ :

Մոլորեցայ ես որպէս զոչխար կո-
րուսեալ . խնդրեա՛ զճառայս քո , զի
զպատու իրանս քո ես ոչ մոռացայ :
Փառք հօր և : Այժմ և միշտ :

Շարական , Ի Էն հայեօք : Մաղ . Հոգնն հանգոցելոց :

Ք Ա Ր Ո Ջ

Եւ եւս խաղաղութեան զտէր աղա .
Ասն հանգուցեալ հոգւոցն ա-
ղաչեսցուք զփրկիչն մեր Քրիստոս՝
զի զնոսա ընդ արդարսն դասեսցէ .
եւ զմեզ կեցուցէ շնորհիւ ողոր-
մութեան իւրոյ : Ամենակալ տէր
աստուած մեր , կեցո՛ և ողորմեա :

Աղօթք , Գրէսոս որդի Աստուծոյ :

Հ Ա Ն Գ Ս Տ Ե Ա Ն

Ժ Ա Մ Ե Ր Գ Ո Ւ Թ Ի Ի Ն



Օրհնեալ տէր մեր Գիտուս Քրիստոս . ամէն :

Հայր մեր որ յերկինս :

Առաքեալ տէր զլոյս քո և զճշմարտութիւն քո , զի առաջնորդ եսցեն ինձ և հանցեն զիս 'ի լեառն սուրբ և 'ի յարկս քո :

Մտից առաջի սեղանոյ աստուծոյ առ աստուած , որ ուրախ առնէ զմանկու թիւն իմ :

Խոստովանեղէց քեզ օրհնութեամբ աստուած աստուած իմ :

Արդ՝ ընդէր տրտում ես անձն իմ , իամ ընդէր խռովես զիս . յուսա՛ առ աստուած , խոստովանեա նմա՛ Վրկիչ երեսաց իմոյ աստուած է : Փառք հօր և : Այժմ և միշտ :

Եւ եւս խաղաղութեան զտէր աղա-
 շեսցուք, ընկալ կեցո և ողորմեա :
 Օրհնութիւն և փառք հօր և որդւոյ
 և հոգւոյն սրբոյ, այժմ և միշտ և
 յաւիտեանս յաւիտենից. ամէն :

Փ Ո Ւ Յ

Եկեսցէ 'ի վերայ իմ ողորմութիւն
 քո տէր. եւ փրկութիւն քո ըստ
 բանի քում :

Տաց պատասխանի ոյք նախատեն
 զիս բանիւք. զի ես 'ի բանս քո յու-
 սացայ :

Մի' 'ի բացեայ առներ 'ի բերանոյ
 իմմէ զբան ճշմարտութեան մին-
 չեւ յոյժ. զի յիրաւունս քո յու-
 սացայ :

Պահեցի զօրէնս քո յամենայն. ժամ,
 յաւիտեան՝ և յաւիտեանս յաւի-
 տենից :

Գնայի ես յանդորրու. զի զպա-
 տուիրանս քո խնդրեցի :

Խօսէի զվկայութիւնս քո առաջի
 թագաւորաց, և ոչ ամաչէի :

խորհէի 'ի պատուիրանս քո , զոր
սիրեցի :

Համբարձի զձեռս իմ 'ի պատուի-
րանս քո՝ զոր սիրեցի . եւ խորհէի
յարգարութեան քում :

Յիշեա՛ զքան ծառայի քոյ , յոր եւ
յուսացուցեր զիս :

Աս մխիթարեսցէ զիս 'ի խոնար-
հութեան իմում . զի բան քո կե-
ցոյց զիս :

Սմբարտաւանք անիրաւեցան յիս
յոյժ , այլ յօրինաց քոց ես ոչ խո-
տորեցայ :

Յիշեցի զիրաւունս քո յաւիտենից
տէր , և մխիթարեցայ :

Տրտմութիւն կալաւ զիս 'ի մեղա-
ւորաց , և ոյք թողին զօրէնս քո :

Դուլելի են ինձ իրաւունք քո , 'ի
տեղւոջ պանդխտութեան իմոյ :

Յիշեցի 'ի գիշերի զանուն քո տէր .
և պահեցի զօրէնս քո :

Աս եղև ինձ ճանապարհ 'ի
կեանս . զի զարգարութիւնս քո
խնդրեցի :

Ջանօրէնս ատեցի, եւ զօրէնս քո
սիրեցի:

Օգնական եւ փրկիչ իմ ես դու. և
ես 'ի բանս քո յուսացայ:

Ի բաց եղերուք յինէն չարք. եւ
քննեցից զպատուիրանս աստուծոյ
իմոյ:

Օգնեա՛ ինձ ըստ բանի քում, և կե-
ցո՛ զիս. եւ մի՛ յամօթ առներ զիս
'ի յուսոյ իմմէ:

Օգնեա՛ ինձ, և ապրեցո՛ զիս. և խոր-
հեցայց յիրաւունս քո յամենայն
ժամ:

Անարգեցեր զամենեսեան՝ որք ա-
պրստամբք եղեն յարդարութեանց
քոց. զի անիրաւութեամբ էին խոր-
հուրդք նոցա:

Յանցաւորս համարեցայ զամենայն
մեղաւորս երկրի. վասն այսորիկ սի-
րեցի զպատուիրանս քո:

Բեւեռեա՛ ընդ երկիւղքո զմարմին
իմ. զի 'ի դատաստանաց քոց եր-
կեայց յոյժ:

Մերձեացին խնդրուածք իմ առաջի

քո տէր . ըստ բանի քու՛մ իմաստունն արա՛ զիս :

Մտցեն՝ աղօթք իմ առ աջի քո տէր .
և բանիւ քով փրկեա՛ զիս :

Քզխեսցեն շրթունք իմ զօրհնութիւնս քո , յորժամ ուսուսցես ինձ զարդարութիւնս քո :

Սօսեսցի լեզու իմ զբանս քո . զի ամենայն պատուիրանք քո արդարութեամբ են :

Եզիցի ձեռն քո ՚ի կեցուցանել զիս . զի զպատուիրանս քո ընտրեցի :

Յանկայայ փրկութեան քու՛մ տէր ,
և օրէնք քո խօսք իմ էին :

Ղեցցէ անձն իմ , օրհնեսցէ զքեզ .
և իրաւունք քո օգնեսցեն ինձ :

Մոլորեցայ ես որպէս զոչխար կոտորուսեալ . խնդրեա՛ զճառայս քո , զի զպատուիրանս քո ես ոչ մոռացայ :

Մի՛ եկեսցեն ՚ի վերայ մեր ոտք ամբարտաւ անից , և ձեռք մեզաւ որայ մի՛ դողացուսցեն զմեզ :

Ճնդ անկցին ամենեքեան ոյք գործեն զանօրէնութիւն . մերժեսցին

և այլ մի կարասցեն հաստատիլ։
Ես 'ի տէր յուսացայ, ցնծացայ և
ուրախ եղէց յաստուած փրկիչ
իմ։

Տէր տէր ետ ինձ զօրու թիւն և կա-
ցոյց զոտս իմ 'ի հաստատու թեան։
'ի վերայ պարանոցի թշնամւոյն կա-
ցոյց զիս, եւ հանգոյց զիս երազ
երազ։

Որ բնակեալն է յօգնու թիւն բարձ-
րեւոյն, ընդ հովանեաւ աստուծոյ
յերկինս հանգիցէ։

Ասացէ տեառն՝ ընդ ունոզ իմ ես,
ապաւէն իմ աստուած, և ես յու-
սամ 'ի նա։

Նա փրկեսցէ զիս յորոգայթէ որսո-
ղին, և 'ի բանիցն 'ի խռովու թենէ։
Ի թիկնամէջս իւր ընկալցի զբեզ-
'ի հովանի թեւոց նորա յուսացիս։
Որպէս զէն շուրջ եղիցի զբեւ՝ ճըշ-
մարտու թիւն նորա։

Ոչ երկիցես դու յերկիւղէ գիշերի,
և ոչ 'ի նետէ՝ որ թռչի 'ի տուէ։
Յիրէ որ շրջի 'ի խաւարի, 'ի գայ-

Թակղու թենէ դիւին 'ի հասարակ
աւուր :

Անկցին 'ի կողմանէ քումմէ հա-
ղարք, և բիւբք ընդ աջմէ քումմէ .

և առ քեզ ինչ ոչ մերձեսցին :

Բայց միայն աչօր քովք հայեսցիս
դու, և զհատուցումն մեղաւորաց
տեսցես. զի դու տէր յոյս իմ ես :

Ձբարձրեալն արարեր քեզ ապաւէն.
զի ոչ հասցեն առ քեզ չարք, և տան-

ջանք մի՛ մերձեսցին 'ի յարկս քո :

Հրեշտակաց իւրոց պատուիրեալ է
վասն քո, 'ի պահել զքեզ յամենայն

ճանապարհս քո :

Ի բազուկս իւրեանց ընկալցին ըզ-
քեզ. զի մի՛ երբէք հարցես զքարի

զոտն քո :

Ի վերայ իժից և քարբից գնասցես
դու, եւ առ ոտն կոխեսցես զա-

ռիւծն և զվիշապն :

Քանզի յիս յուսացաւ, և փրկեցից
զնա. հովանի եղէց նմա, զի ծանեաւ

զանուն իմ :

Ասրդասցէ առ իս՝ եւ ես լուայց

Նմա . եւ առ նմա եղէց 'ի նեղու-
թեան :

Փրկեցից եւ փառաւոր արարից զնա .
երկայն աւուրբք լցուցից , եւ ցու-
ցից նմա զփրկու թիւն իմ :

Առ քեզ տէր համբարձի զաչս իմ ,
որ բնակեալդ ես 'ի յերկինս :

Որպէս աչք ծառայի 'ի ձեռն տեառն
իւրոյ . եւ որպէս աչք աղախնոյ 'ի
ձեռն տիկնոջ իւրոյ :

Այնպէս են աչք մեր առ քեզ տէր
աստուած մեր . մինչեւ ողորմեսցիս
'ի վերայ մեր :

Ողորմեա՛ մեզ տէր՝ ողորմեա՛ մեզ .
զի բազում լցաք արհամարհանօք :

Եւս առաւել լցան անձինք մեր նա-
խատանօք , որք նախատէին զմեզ .
եւ արհամարհանօք ամբարտաւա-
նից :

Աստուած յանուան քում կեցո՛ զիս ,
եւ 'ի զօրութեան քում իրաւ արա՛
ինձ :

Աստուած լո՛ւր աղօթից իմոյ , ունկն
գիր բանից բերանոյ իմոյ :

Ստարք յարեան 'ի վերայ իմ, և հը-
ղօրք խնդրեցին զանձն իմ, և ոչ հա-
մարեցան զքեզ աստուած առաջի
իւրեանց :

Ս, հա աստուած օգնական իմ, և տէր
ընդունող հոգւոյ իմոյ :

Ի դարձուցանել զչարն 'ի թշնամիս
իմ, ճշմարտութեամբ քովսատակեա՛
ղնոսա :

Դս կամօք իմովք պատարագս մա-
տուցից քեզ, եւ խոստովան եղէց
անուան քում տէր, զի բարի է :

Համենայն նեղութենէ իմմէ փրկե-
ցեր զիս, և 'ի թշնամիսն իմ ետես
ակն իմ :

Սրհնեալ ես դու տէր աստուած
հարցն մերոց, գովեալ և առաւել
բարձրացեալ յաւիտեան :

Դս օրհնեալ է անուն սուրբ փա-
ռաց քոց, գովեալ և առա :

Սրհնեալ ես 'ի տաճարի փառաց
սրբութեան քո, գովեալ և առա :

Սրհնեալ ես 'ի վերայ ամթողոց ար-
քայութեան քո, գովեալ և առա :

Օրհնեալ ես որ նստիս 'ի բրովբէս
 և հայիս յանդուռնդս . գովեալ և աս :

Օրհնեալ ես 'ի վերայ հաստատու
 թեան երկնից . գովեալ և առաս :

Օրհնեցէք զաստուած 'ի սրբու
 թեան նորա , օրհնեցէք զնա 'ի հաս
 տատու թեան 'ի զօրու թեան նորա :

Օրհնեցէք զնա 'ի զօրու թեան նորա ,
 օրհնեցէք զնա 'ի բազում մեծու
 թեան նորա :

Օրհնեցէք զնա 'ի ձայն օրհնու
 թեան , օրհնեցէք զնա սաղմոսիւք
 և օրհնու թեամբ :

Օրհնեցէք զնա ցնծու թեամբ , գո
 վեցէք զնա ուրախու թեամբ :

Օրհնեցէք զնա 'ի բանս բաղթր , գո
 վեցէք զնա 'ի բարբառ լսելի :

Օրհնեցէք զնա 'ի ձայն գոհու թեան .
 ամենայն հոգիք օրհնեցէք զտէր :

Արդ արձակեա՛ւ զձառայս բո տէր
 ըստ բանի բում 'ի խաղաղու թիւն .

զի տեսին աչք իմ զփրկու թիւն բո .
 զոր պատրաստեցեր առաջի ամե
 նայն ժողովրդոց :

Այս յայտնեցար հեթանոսաց, եւ
 վառք ժողովրդեան քում իսրայէլի:
 Չգեցեր զձեռն քո և փրկեաց զիս
 աջ քո. և տէր հատուսցէ ընդ իմ:
 Տէր ողորմու թիւն քո յաւիտեան.
 զգործս ձեռաց քոց մի անտես սու-
 ներ:

Տէր հան ՚ի բանտէ զանձն իմ, գո-
 հանամ զանուանէ քում մէ:
 Եւ քեզ սպասեն արդարք՝ մինչեւ
 հատուսցես:

Մեծացուսցէ անձն իմ զտէր, եւ
 ցնծասցէ հոգի իմ աստուծով փրկե-
 շաւ իմով:

Այս արար ՚ի վերայ խոնարհու թեան
 աղախնոյ իւրոյ. այսու հետեւ երա-
 նիցեն ինձ ամենայն ազգք:

Արար ընդ իս մեծամեծս հզօրն, և
 սուրբ է անուն նորա:

Ողորմու թիւն արար ազգաց յազգս
 երկիւղածաց իւրոց. արար զօրու-
 թիւն բազկաւ իւրով:

Յրուեաց զամբարտաւանս ՚ի մտաց
 սրտից, և քակեաց զհզօրս յաթոռոց:

Զխոնարհս բարձրացոյց, զկարօտս
 ելից բարու թեամբ, և զմեծատունս
 արձակեաց ունայնս:

Պաշտպանեաց իսրայէլի ծառայի իւ-
 րոյ յիշե լոյ՛ զողորմութիւն իւր:
 Որպէս խօսեցաւ առ հարսն մեր
 ընդ աբրահամու եւ զաւակի նորա
 յաւիտեան:

Տո՛ւր զօրութիւն ծառայի քոյ. կե-
 ցո՛ զորդի աղախնոյ քոյ. եւ արա՛
 առ իս նշան բարութեան:

Տեսցեն ատելիք իմ եւ ամաչեսցեն.
 զի դու տէր օգնեցեր ինձ, և մխի
 թարեցեր զիս:

Փառք հօր և: Այժմ և միշտ:

Մ Ա Ղ Թ Ա Ն Ք

Անձն իմ 'ի ձեռս քո է յամենայն
 ժամ, և 'ի սուրբ խաչ քո յուսա-
 ցեալ եմ թագաւոր երկնաւոր.
 զբազմութիւն սրբոց քոց բարեխօս
 ունիմ առ քեզ: Որ երկայնամիտդ
 ես առ ամենեսեան, մի՛ անտես առ-
 ներ զապաւինեալս 'ի քեզ. այլ պա-

հե՛տ՝ պատուական և սուրբ խաչիւ
քով՝ ՚ի խաղաղութեան :

Ք Ա Ր Ո Զ

Աղաչեցուք զամենակալն աստուած,
և խնդրեցուք ՚ի նմանէ . զի առա-
քեցէ զհրեշտակ խաղաղութեան,
որ եկեալ պահեցէ զմեզ յերկիւ-
ղական գիշերիս, ՚ի դիւական խռո-
վութեանէ՝ ամբողջ պահելով զհո-
գի եւ զմարմին մեր մինչեւ ՚ի կա-
տարումն ժամանակի ամաց մերոց :
Ամենակալ տէր աստուած մեր՝ կեցո՛
և ողորմեա :

Զհանգիստ գիշերիս խաղաղու-
թեամբ անցուցանել հաւատով՝
՚ի տեառնէ խնդրեցուք :

Զհրեշտակ խաղաղութեան պահա-
պան անձանց մերոց . ՚ի տեառնէ :

Զքաւութիւն և զթողութիւն յան-
ցանաց մերոց . ՚ի տեառնէ խնդ :

Զսրբոյ խաչին մեծ և կարող զօրու-
թիւնն յօգնութիւն անձանց մե :

Եւ եւս միաբան վասն ճշմարիտ և :

Ջանձինս մեր և զմիմեանս տեառն :
Ողորմեաց մեզ տէր աստուած մեր :

Ա Ղ Օ Թ Ք

Տէր աստուած մեր՝ դու պահեա՛
զմեզ խաղաղութեամբ 'ի գիշերիս
յայսմիկ եւ յամենայն ժամանակի :
Ընդ սուրբ երկիւղ քո բեւեռեալ
պահեա՛ զմիտս և զխորհուրդս մեր :
Որպէս զի յամենայն ժամ բեւ պահ
պանեալ լիցուք յորոգայթից թշնա
մւոյն : Եւ քեզ հանցուք զօրհնու
թիւն եւ զփառս հօր եւ որդւոյ
և հոգւոյդ սրբոյ, այժմ և միշտ և
յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկիրպագեսցուք :

Հրեշտակի խաղաղութեան յանձն
արա՛ զանձինս մեր տէր զօրու
թեանց, որ եկեալ պահեսցէ զմեզ
անխռովս 'ի տուէ եւ 'ի գիշերի,
յարթնու թեան եւ 'ի հանգստեան
մերում . զի դու ես արարիչ լուսոյ

եւ հաստիչ գիշերի: Էւ այժմ աղա-
 շեմք գրեզ տէր աստուած մեր,
 պահանգիստ գիշերիս շնորհեա՛ խա-
 ղադու թեամբ անցուցանել, և հա-
 սանիլ 'ի պաշտօն առաւօտու յեր-
 կրրարագու թիւն և 'ի փառաբանու-
 թիւն ամենասուրբ երրորդու-
 թեանդ, այժմ եւ միշտ եւ յաւի-
 տեանս յաւիտենից. ամէն:

Ս Ա Ղ Մ Ո Ս

Սաղաղու թեամբ յայս եւ 'ի սոյն
 ննջեսցուք և զարթիցուք. զի դու
 տէր միայն առանձին յուսով քով
 բնակեցուցեր զմեզ:

Ի կարգալ իմում լուար ինձ աս-
 տուած ըստ արդարութեան. 'ի
 նեղութեանէ ինձ անդորր արարեր.
 ողորմեա՛ ինձ և լուր աղօթից իմոց:
 Որդիք մարդկան մինչեւ յերբ էք
 խստասիրտք. ընդէ՞ր սիրէք զնան-
 րութիւն, և խնդրէք զստութիւն:
 Ծաներո՞ւք զի սքանչելիս արար տէր

սրբոյ իւրում. եւ տէր լուիցէ ինձ
 'ի կարգալ իմում առ նա:

Բարկանայք՝ եւ մի՛ մեղանչէք, զոր
 ինչ ասէք 'ի սիրտս ձեր՝ յանկողինս
 ձեր զղջացարձք:

Մատուցէ՛ք պատարագս արդարու
 թեան, և յուսացարուք 'ի տէր:
 Բազումք ասէին թէ՛ ո՛ր ցուցցէ մեզ
 զբարութիւն տեառն. նշանեցաւ
 առ մեզ լոյս երեսաց քոյ, և ետուր
 ուրախութիւն սրտից մերոյ:

Ի պտղոյ ցորենոյ գինւոյ և ձիթոյ
 իւրեանց լցուցեր զնոսա:

Խաղաղութեամբ յայս եւ 'ի սոյն
 ննջեսցուք և զարթիցուք. զի դու
 տէր միայն առանձին յուսով քով
 բնակեցուցեր զմեզ:

Ալէլուիա Օրթի:

Ք՜հ. Խաղաղութիւն ամենեցուն:

Եւ ընդ հոգւոյդ բում:

Երկիւղածութեամբ լուարուք:

Ք՜հ. Սրբոյ աւետարանիս Յիսուսի

Քրիստոսի՝ որ ըստ Յովհաննու:

Փառք բեզ տէր աստուած մեր:

Պոսխոումէ :

Ասէ աստուած :

Քահ. Տէրն մեր Յիսուս Քրիստոս ասէ :

Ամէն ամէն ասեմ ձեզ. եթէ ոչ հատն ցորենոյ անկեալ յերկիր մեռանիցի, ինքն միայն կայ. ապա եթէ մեռանիցի՝ բազում արգիւնս առնէ. Որ սիրէ զանձն իւր՝ արձակէ զնա. եւ որ ատեայ զանձն իւր յաշխարհիս յայսմիկ, ՚ի կեանսն յաւիտենականս պահեսցէ զնա. Եթէ որ զիս պաշտեսցէ, զինի իմ եկեսցէ. և ուր եսն եմ, անդ և պաշտօնեայն իմ եղիցի. եթէ որ զիս պաշտիցէ, պատուեսցէ զնա հայրն իմ :

Ք Ա Ր Ո Ջ

Փառք բեզ տէր աստուած մեր :

Սուրբ խաչիւս ազաչեսցուք զտէր, զի սովաւ փրկեսցէ զմեզ ՚ի մեղաց, և կեցուսցէ շնորհիւ ողորմութեան իւրոյ : Ամենակալ տէր աստուած մեր, կեցո՛ւ և ողորմեա :

ԱՂՕԹՔ

Պահպանեա զմեզ քրիստոս աստուած մեր՝ ընդ հովանեաւ սուրբ եւ պատուական խաչիւդ քով ՚ի խաղաղութեան, փրկեա՛ յերեւելի եւ յաներեւոյթ թշնամւոյն: Արժանաւորեա՛ գոհութեամբ փառաւորել զքեզ ընդ հօր և ընդ սրբոյ հոգւոյդ: այժմ և միշտ և յաւիտեանս յաւիտենից. ամէն:

Օրհնեալ տէր մեր Յիսուս Քրիստոս, ամէն:
Հայր մեր որ յերկինս:

Մ Ա Ղ Թ Ա Ն Ք

Անկանիմք առաջի քո սուրբ աստուածածին և աղաչեմք զանարատ զկոյսդ, բարեխօսեա՛ վասն անձանց մերոց, և աղաչեա՛ զմիածին որդիդ փրկել զմեզ ՚ի փորձութենէ և յամենայն վտանգից մերոց: Որ արձակիչդ ես կապելոց՝ պարգեւատու ամենեցուն, այսօր հայցմամբ ծերունւոյն՝ արձակեա՛ և զիս զբազմա

Ո՛ր զս'ի կասպանաց մահու ՚ի կեանսն
յաւիտենից :

Մ Ա Ղ Թ Ա Ն Ք Զ Օ Ր Ա Ի Ո Ր Ք

ԱՐՀԱԻՐԱՅ ԳԻՇԵՐԱՅՆՈՑ

Սրբոյն Գրիգորի Նարեկացւոյ ասացեալ :

Բ Ա Ն Ժ Բ .

Նկալ քաղցրութեամբ՝ տէր աս-
տուած հզօր, զգառնացողիս զաղա-
անս. մատիւր գթութեամբ առ
պատկառեալս դիմօք. փարատեա՛
մեհապարգեւ, զամօթական տըխ-
ութիւնս. բա՛րձ յինէն ողորմած՝
զանբերելի ծանրութիւնս. անջըր-
պետեա՛ հեարաւոր զմահացու կըր-
թութիւնս. աւարեա՛ միշտ յաղ-
թող զխաբողին հաճութիւնս. բա-
ցատրեա՛ վերնային զմոլելոյն մառա-
տուղ. կնքեա՛ կեցուցիչ զկորուսչին
ընթացմունս. ցրուեա՛ ծածկատէս
զըմբռնողին չար գտմունս. խորտա-
կեա՛ անքննին, զմարտողին դիմեց-
մունս: Տեառնադրեա՛ք անուամբդ՝

զլուսանցոյց երգ յարկիս . պարտիա-
 կեանքո ձեռամբդ՝ զառաստաղ տա-
 ճարիս . գծագրեանքո արեամբդ՝
 զմուտ սեմոց սենեկիս . կերպացո՞
 զքո նշանդ՝ ՚ի հետս ելից մաղթո-
 ղիս . ամրացո՞ քո աջովդ՝ զհանգս-
 տեանս խշտի . մաքրեսցես ՚ի հաղ-
 բից՝ զժածկարան անկողնոյս . պա-
 հեսցես քո կամօքդ՝ զտառապեալ
 անձն ոգւոյս . անխարդախ արաս-
 ցես՝ զքո շնորհեալ շունչ մարմնոյս .
 կայուսցես շրջափակ՝ զպար զօրուդ
 երկնայնոյ . կարգեսցես ՚ի դիմի՝ ընդ-
 դէմ դիւացն դասու : Տճուր հան-
 գիսա բերկրութեան մահահան-
 գոյնս նիրհման ՚ի խորութեան գի-
 շերիս , բարեխօսութեամբ հայ-
 ցուածոց սրբուհւոյ աստուածած-
 նիդ՝ և ամենայն ընտրելոց : Ամիս-
 փեալ պարուրեան զպատուհան տե-
 սութեանց՝ զգայարանացս իմաստից
 անզարհուրելի զէտեղմամբ՝ ՚ի ծփա-
 կան խռովութեանց , կենցաղական
 զբաղմանց , անբջական երազոց , խո-

ականաց ցնորից, յիշատակաւ քո
 յուսոյդ՝ անմնասելի պաշտպանեալ։
 Եւ սթափեալ վերստին՝ ի ննջմանէ
 անբուժեան՝ ամենազգաստ արթ-
 ութեամբ, հոգենորոգ զուարթու-
 թեամբ՝ ի քեզ արձանացեալ, զայս
 նայն մաղթանաց՝ բուրմամբ հաւա-
 ղոյ քեզ ամէնօրհնեալ թագաւոր
 հառաց անճառից, փառաբանողաց
 քրկնագու մար խմբից երգակցեալ
 քրկինս առաքել։ Զի դու փառա-
 յորեալ ես յամենայն արարածոց
 յաւիտեանս յաւիտենից. ամէն։

Մ Ա Ղ Թ Ա Ն Ք

Ի Գ Ի Ի Ա Յ Պ Ա Հ Պ Ա Ն Ո Ւ Թ Ե Ա Ն

Նորին նրբոյն Գրիգորի։

Բ Ա Ն Ղ Գ .

Ստուած յաւիտենական, բարե-
 ար և ամենակալ. ստեղծիչ լուսոյ,
 յօրինիչ գիշերոյ. կեանք ՚ի մա-
 ու, և լոյս ՚ի խաւարի. յոյս՝ ակն-
 ւնողաց և երկայնմտութիւն տա-

րակուսելոց . որ ամենարուեստ ի-
 մաստուածեամբ քով՝ դարձուցանես .
 յայգ զստուերս մահու , աննուազ
 ծագումն եւ անմուտ արեգակն .
 քանզի ոչ զօրէ ծածկել զփառս տե-
 րուածեան քոյ խաւար գիշերոյ :
 Որում կրկնի ծունր երկրպագու-
 թեան ամենայն եղելոց՝ երկնաւո-
 րաց եւ երկրաւորաց եւ սանդարամե-
 տակնաց . որ լսես զհեծուած իւն
 կապելոց , եւ հայիս յաղօթս խոնար-
 հաց , եւ ընդունիս զխնդրուածս նո-
 ցա : Աստուած իմ եւ թագաւոր իմ .
 կեանք իմ եւ ապաւէն իմ . յոյս իմ
 եւ վստահուած իւն իմ . յիսուս քրիս-
 տոս , աստուածդ ամենայնի . սուրբգ-
 հանգուցեալ ՚ի հոգիս սրբոց , մխի-
 թարուած իւն վշտաց՝ եւ քաւարան
 մեղուցելոց . որ գիտես զամենայն
 յառաջ քան զլինիլ նոցա , առաքեալ
 զպահպանողական զօրուած իւն աջոյ
 քոյ , եւ փրկեալ զիս յերկիւղէ գիշե-
 րի եւ ՚ի դիւէ շարէ : Որպէս զի զյի-
 շատակ սոսկալի եւ սուրբ քոյ ա-

նուանդ՝ միշտ համբուրեալ շք-
 Թամբբ հոգւոյ՝ ըղձուժեան շնչոյ,
 կեցից պահպանեալ ընդ այնօսիկ՝ որ
 կարգան գրեզ ՚ի բոլոր սրտէ։ Եւ
 ՚ի դրոշմէ խաչի քոյոյ նշանիդ, զոր
 սատուածային արեամբդ քո ներ-
 կեալ նորոգեցեր, և ՚ի նոյն շնորհ
 որոգեգրու թեան զմեզ մկրտեցեր,
 և ՚ի փառս պատկերի քոյ նկարեալ
 յօրինեցեր. այսու պարգեւօք սս-
 տուածականօք, ամաչեսցէ սատա-
 նայ, քակտեսցին մեքենայքն, բարձ-
 րցին որոգայթքն, պարտեսցին մար-
 րուցեալքն, պակասեսցին զէնքն
 յայրասուրբ. մերժեսցի մէզն, փա-
 ռատեսցի խաւարն, մեկնեսցի մա-
 ռախուղն։ Բազուկ քո հովանասցի,
 և աջ քո կնքեսցէ. վասն զի գթած
 ես և ողորմած, և անուն քո կոչե-
 ցեալ է ՚ի վերայ ծառայից քոց։ Եւ
 քեզ ընդ հօր՝ հոգւովդ սրբով
 փառք եւ իշխանութիւն յաւի-
 տեանս յաւիտենից. ամէն։

ԱՂՕԹՔ ԶՕՐԱՒՈՐ

Նորին սրբոյն Գրիգորի:

ԲԱՆ ԻԱ.

Որդի աստուծոյ կենդանւոյ օրհնեալ յամենայնի, հօրդ ահաւորի անքննին ծնունդ, որ տկարանայ առ 'ի քէն և ոչինչ: Որ 'ի ծագել անըստուեր նշուլից՝ ողորմութեան քոյ փառաց, հալին մեղք. հալածին դեւք. ջնջին յանցանք. խզին կապանք. խորտակին շղթայք. կենդանածնին մահացեալք. բժշկին հարուածք. ողջանան վէրք. բառնին ապականութիւնք. տեղի տան տըխրութիւնք. նահանջին հեծութիւնք. փախնու իաւարն. մեկնի մէզն. մերժի մառախուղն. փարատի մուայլն. սպառի աղջամուղջն. վերանայ մութըն. գնայ գիշերն. տարագրի տագնապն. չքանան չարիքն. հալածին յուսահատութիւնքն. եւ թագաւորէ ձեռն քո ամենակար՝ քաւիչդ ամենայնի: Որ ոչ եկիր կորուսանել

մարդկանն ոգիս, այլ կեցուցանել.
 Թող ինձ զանթիւ շարիան իմ՝ բա-
 յու մ ողորմու թեամբդ: Զի դու մի-
 այն ես յերկնի անճառ, և յերկրի
 անզննին. 'ի տարր գոյի, և յեզերս
 ազաց աշխարհի. սկիզբն ամե-
 նայնի, եւ յամենայնի. ամենայն
 րմամբ օրհնեալ 'ի բարձունս. եւ
 բեզ ընդ հօր եւ հոգւոյդ սրբոյ
 փառք յաւիտեանս. ամէն:



ԱՂՕԹՔ ԻԻՐԱՔԱՆՁԻԻՐ ԱՆՁԻՆ
 ՀԱՒԱՏԱՑԵԼՈՑ Ի ՔՐԻՍՏՈՍ

Զոր արարեալ է տեառն Ներսիսի
 Հայոց կաթուղիկոսի:

Հաւատով խոստովանիմ, և երկիր-
 ղազանեմքեզ, հայր եւ որդի եւ
 ուրբ հոգի, անեղ և անմահ բը-
 ու թիւն, արարիչ հրեշտակաց և
 մարդկան և ամենայն եղելոց. և ո-
 ռմեա՛քո արարածոց և ինձ բազ-
 մամեղիս:

Հաւատով խոստովանիմ, և երկիր պագանեմ քեզ, անբաժանելի լոյս միասնական սուրբ երրորդութիւն եւ մի աստուածութիւն, արարիչ լուսոյ և հալածիչ խաւարի. հալածեա՛ ՚ի հոգւոյ իմմէ զխաւար մեղաց և անգիտութեան. և լուսաւորեա՛ զմիտս իմ ՚ի ժամուս յայս միկ աղօթել քեզ ՚ի հաճոյս, և ընդունիլ ՚ի քէն զխնդրուածս իմ. և

ողորմեա :

Հայր երկնաւոր աստուած ճշմարիտ, որ առաքեցեր զորդիդ քո սիրելի ՚ի խնդիր մոլորեալ ոչխարին մեղայ յերկինս և առաջի քո. ընկալ զիս որպէս զանառակ որդին, և զգեցո՛ ինձ զպատմուճանն զառաջին՝ զոմերկացայ մեղօք. և ողորմեա :

Որդի աստուծոյ աստուած ճշմարիտ, որ խոնարհեցար ՚ի հայրական ծոցոյ, եւ առեր մարմին ՚ի սրբոկուսէն մարիամայ, վասն մերոյ փրկութեան. խաչեցար, թաղեցար և յարեար ՚ի մեռելոց, և համբար

ար փառօք առ հայր . մեղայ յեր-
կինս և առաջի քօ . յիշեա՛ զիս որ-
վես զաւագակն յորժամ գաս արբա-
յու թեամբ քով . և ողորմեա :

Թոգի աստուծոյ աստուած ճշմա-
րիա , որ իջեր 'ի յորդանան եւ 'ի
Երնատունն , և լուսաւ որեցեր զիս
կրտու թեամբ սուրբ աւագանին .
մեղայ յերկինս և առաջի քօ , մաք-
եա՛ զիս վերստին աստուածային
քով քով՝ որպէս հրեղէն լեզուօք
սուրբ զառաքեալսն . և ողորմեա :

Նեղ բնու թիւն , մեղայ քեզ մտօք
մովք , հոգւով եւ մարմնով իմով .
ի՛ յիշեր զմեզս իմ զառաջինս՝ վասն
անուանդ քոյ սրբոյ . և ողորմեա :

Եսող ամենայնի , մեղայ քեզ խոր-
քրդով բանիւ եւ գործով . ջնջեա՛
ձեռագիր յանցանաց իմոց , եւ
բեա՛ զանուն իմ 'ի դպրութեան
կենաց . եւ ողորմեա :

Ննող գաղտնեաց , մեղայ քեզ կա-
նաւ և ակամայ , գիտութեամբ և
նգիտութեամբ . թողութիւն շը-

նորհեա՛ մեղաւորիս, զի 'ի ծննդե
նէ սուրբ աւազանին մինչեւ ցայսօր
մեղուցեալ եմ առաջի աստուածու
թեանդ քոյ զգայարանօք իմովք, և
ամենայն անդամօք մարմնոյս. եւ
ողորմեա :

Ամենախնամ տէր, դի՛ր պահապան
աչաց իմոց զերկիւղ քո սուրբ՝ ո՛չ
եւս հայիլ յարատ, եւ ականջաց ի
մոց՝ ո՛չ ախորժեւ լսել զբանս շարու
թեան, եւ բերանոյ իմոյ՝ ո՛չ խօսիլ
զստու թիւն, և սրտի իմոյ՝ ո՛չ խոր
հիլ զշարու թիւն, եւ ձեռաց իմոց՝
ո՛չ գործել զանիրաւու թիւն, և ո
տից իմոց՝ ո՛չ գնալ 'ի ճանապարհս
անօրէնու թեան. այլ ուղղեա՛ զշար
ժումն սոցա լինիլ միշտ ըստ պատ
ուիրանաց քոց յամենայնի. եւ ո
ղորմեա :

Հուր կենդանի քրիստոս, զհուր սի
րոյ քոյ՝ զոր արկեր յերկիր, բորբո
քեա՛ յանձն իմ. զի այրեսցէ զսողո
հոգւոյ իմոյ, եւ սրբեսցէ զլսիղձ
մտաց իմոց, եւ մաքրեսցէ զմեղ

մարմնոյ իմոյ, եւ վառեսցէ զլոյս
գիտութեան քոյ 'ի սրտի իմում.

և ողորմեա :

Դմաստութիւն հօր յիսնուս. տնւր
ինձ իմաստութիւն, զբարիս խոր-
հիլ և խօսիլ և գործել առաջի քո
յամենայն ժամ. 'ի չար խորհրդոց
ի բանից և 'ի գործոց փրկեա՛ զիս.

և ողորմեա :

Կամեցող բարեաց տէր կամարար,
Մի՛ թողուր զիս 'ի կամս անձին իմոյ
գնալ. այլ առաջնորդեա՛ ինձ լինիլ
Միշտ ըստ կամաց քոց բարեսիրաց.

և ողորմեա :

Արքայ երկնաւոր, տնւր ինձ զար-
օայութիւն քո, զոր խոստացար սի-
րելեաց քոց. և զօրացո՛ զսիրտ իմ
ստել զմեղս, և սիրել զքեզ միայն,
և առնել զկամս քո. և ողորմեա :

Տնամող արարածոց, պահեա՛ նշա-
նաւ խաչի քո՝ զհոգի եւ զմարմին
իմ 'ի պատրանաց մեղաց, 'ի փոր-
ութեանց դիւաց, և 'ի մարդոց ա-
սիրաւաց, եւ յամենայն վտանգից

հոգւոյ և մարմնոյ . և ողորմեա .
 Պահապան ամենայնի բրիստոս , աջ
 քո հովանի լիցի 'ի վերայ իմ , 'ի
 տուէ և 'ի գիշերի , 'ինատիլ 'ի տան ,
 'ի գնալ 'ի ճանապարհ , 'ի ննջել եւ
 'ի յառնել , զի մի' երբէք սասանե
 ցայց . և ողորմեա .

Աստուած իմ , որ բանաս զձեռն քո
 եւ ընուս զամենայն արարածս ու
 զորմութեամբ քով . քեզ յանձն
 առնեմ զանձն իմ , դու հոգա' եւ
 պատրաստեա' զպէտս հոգւոյ եւ
 մարմնոյ իմոյ յայսմ հետէ մինչեւ
 յաւիտեան . և ողորմեա .

Դարձուցիչ մոլորելոց , դարձո' զիս
 'ի չար սովորութեանց իմոց 'ի բարի
 սովորութիւն . և բեւեռեա' 'ի հո
 գի իմ զսոսկալի օր մահուն , և զեր
 կիւղ գեհեհոյն , և զսէր արքայու
 թեանն , զի զղջացայց 'ի մեղաց , և
 գործեցից զարդարութիւն . եւ ո
 զորմեա .

Աղբիւր անմահութեան , աղբերա
 ցո' 'ի սրտէ իմմէ զարտասուս ա

յաշխարու թեան՝ որպէս պոռնկին ,
 զի լուսացից զմեզս անձին իմոյ՝ յա-
 ուաջ քան զելանեւն իմ յաշխարհէս .
 և ողորմեա :

Պարգեւելիչ ողորմութեան , պար-
 գեւեա՛ ինձ ուղղափառ հաւատով ,
 և բարի գործով , և սուրբ մարմնոյ
 եւ արեան քոյ հաղորդութեամբ
 գալ առ քեզ . և ողորմեա :

Բարերար տէր , հրեշտակի բարւոյ
 յանձն արասցես զիս , քաղցրու-
 թեամբ աւանդել զհոգի իմ , և ան-
 խուով անցուցանել ընդ շարութիւն
 այսոցն , որք են ՚ի ներքոյ երկնից .
 և ողորմեա :

Լոյս ճշմարիտ քրիստոս , արժանա-
 ւորեա՛ զհոգի իմ ուրախութեամբ
 տեսանել զլոյս փառաց քոյ ՚ի կոչ-
 ման աւուրն , եւ հանգչիլ յուսով
 բարեաց՝ յօթեւանս արդարոց՝ մինչ
 շեւ յօր մեծի գալստեան քոյ . եւ
 ողորմեա :

Դատաւոր արդար , յորժամ դաս
 փառօք հօր դատել զկենդանիս եւ

զմեռեալս, մի՛ մտաներ 'ի դատաստան ընդ ծառայի քում. այլ փրկեա՛ զիս 'ի յաւիտենական հրոյն, և լսելի արա՛ ինձ զերանաւէտ կոչումն արդարոց յերկնից արքայու թիւնդ. և ողորմեա:

Ամենողորմ տէր՝ ողորմեա՛ ամենայն հաւատացելոց 'ի քեզ, իմոց եւ օտարաց, ծանօթից և անծանօթից, կենդանեաց եւ մեռելոց. շնորհեա՛ եւ թշնամեաց իմոց եւ ատելեաց զթողութիւն՝ որ առ իս յանցանացն. և դարձո՛ զնոսա 'ի չարեացն, զոր ունին վասն իմ. զի ողորմութեան քում արժանի եղիցին. եւ ողորմեա:

Փառաւորեալ տէր, ընկա՛լ զաղաչանս ծառայիս քոյ, և կատարեա՛ 'ի բարի զխնդրուածս իմ. բարեխօսութեամբ սրբուհւոյ աստուածածնին, և յովհաննու մկրտչին, և սրբոյն ստեփաննոսի նախավկային, և սրբոյն գրիգորի մերոյ լուսաւորչին. եւ սրբոց առաքելոց. մարգա-

րէից, վարդապետաց՝ մարտիրոսաց՝
 հայրապետաց՝ ճգնաւորաց, կուսա-
 նաց, միանձանց, և ամենայն սրբոց
 քոց երկնաւորաց և երկրաւորաց :
 Եւ քեզ փառք և երկրպագութիւն
 անբաժանելի սուրբ երրորդու-
 թեանդ յաւիտեանս յաւիտենից .
 ամէն :

Մ Ա Ղ Թ Ա Ն Ք

Վասն սրբուհւոյ աստուածածինին
 բարեխօսութեանն տէր ընկալ զա-
 զաչանս մեր, և կեցո՞ զմեզ :

Ք Ա Ր Ո Ձ

Սուրբ զաստուածածինն՝ եւ զա-
 մենայն սուրբս բարեխօս արասցուք
 առ Հայր 'ի յերկինս, զի կամեցեալ
 ողորմեսցի՝ և գթացեալ կեցուսցէ
 զարարածս իւր : Սմենակալ տէր
 Աստուած մեր կեցո և ողորմեա :

Ա Ղ Օ Թ Ք

Ընկալ տէր զազաչանս մեր բարե-

խօսու թեամբ սուրբ աստուածածնին՝ անարատ ծնողի միածնի որդւոյ քոյ, եւ աղաչանօք ամենայն սրբոց քոց, եւ որոց այսօր է յիշատակ: Լճուր մեզ տէր, և ողորմեա՛. ներեա՛ քաւեա՛ և թող զմեզս մեր: Արժանաւորեա՛ գոհու թեամբ փառաւորել զքեզ ընդ որդւոյ և ընդ սրբոց հոգւոյդ. այժմ և միշտ և յաւիտեանս յաւիտենից. ամէն:

Օրհնեալ տէր մեր Յիսուս Քրիստոս, ամէն:
Հայր մեր որ յերկինս:

Մ Ա Ղ Թ Ա Ն Ք

Ձ հանգստեան զաղօթս եւ զաղաչանս ընկալ մարդասէր աստուած՝ ի հաճոյս բարերար կամաց քոց. եւ մեր մեղաց և բազում յանցանացն թողու թիւն շնորհեա՛. եւ քեզ փառք յաւիտեանս. ամէն:

Փառք քեզ տէր աստուած մեր, որ պարգեւեցեր զօրս զայս բարեաւ և խաղաղութեամբ անցուցանել:

Մարդասէր աստուած, զառաջակից
գիշերս՝ որ 'ի վերայ մեր գալոց է,
'ի մեղաց փրկեա՛, 'ի չարեաց ազա-
տեա՛, եւ 'ի գործս բարիս առաջ-
նորդեա՛:

Առաւօտու օրհնու թեանցն և փա-
ռաբանու թեանցն արժանի արս՝
զամենայն հաւատացեալս անուանդ
քում սրբոյ և պահեա՛ 'ի խաղաղու-
թեան:

Տէր աստուած մեր, տո՛ւր զքո խա-
ղաղութիւնդ ամենայն աշխարհի-
բա՛րճ զցասումն և զպատուհասն 'ի
յարարածոցս:

Ողորմեա՛ հարց եւ եղբարց մերոց՝
կենդանեաց և հանգուցելոց:

Ողորմեա՛ զեկեղեցի շինողաց, երախ-
տաւորաց, պտղատուից, սպասա-
ւորաց, և այնոցիկ՝ որք ընդ հովան-
եաւ սրբոյ եկեղեցւոյ են հանգու-
ցեալ:

Տէր աստուած, օգնեա՛ թագաւո-
րացն քրիստոնէից, եւ իշխանացն
բարեպաշտից, զօրաց եւ զաւակաց

Նոցին՝ պահելով 'ի խաղաղութեան .
 Տէր աստուած մեր , պահեա՛ զա-
 ռաջնորդս և զեղբայրութիւնս մեր
 ամբողջ եւ անխռով 'ի կամս ողոր-
 մութեան քոյ :

Նշանաւ սուրբ և պատուական խա-
 ջի քոյ՝ հալածեա՛ զերեւելի եւ զա-
 ներեւոյթ թշնամին 'ի սահմանաց
 մերոց և 'ի բնակութենէս մերմէ :
 Փրկեա՛ զմեզ 'ի հրոյն յաւիտենից ,
 և քեզ փառք յաւիտեանս . ամէն :
 Օրհնեա՛լք եղերուք 'ի շնորհաց
 սուրբ հոգւոյն . երթայք խաղաղու-
 թեամբ . և տէր եղիցի ընդ ձեզ և
 ընդ ամենեսեանսդ . ամէն :



Յ Ա Ի Ե Լ Ո Ի Ա Ծ


Յ Ա Ղ Օ Թ Ա Մ Ա Տ Ո Յ Յ Գ Ր Ո Ց
Ս Ր Բ Ո Յ Ն Գ Ր Ի Գ Ո Ր Ի Ն Ա Ր Ե Կ Ա Ց Ի Ո Յ

Ա Ղ Օ Թ Ք Ա Ռ Ա Ի Օ Տ Ե Ա Ն

Բ Ա Ն 2 Գ .

Ա Ր Ք Ա Վ Յ երկնաւոր , թագաւոր բարձրեալ ,
Տէր բողոքից , ամենից ակնկալութիւն , ստեղ-
ծող տեսականաց , հաստիչ իմանալեաց , պատ-
շաճ եղանութեանց , կազմիչ հանդերձելոց ,
տուիչ լուսոյ , առթիւ առաւօտու , պատրաստիչ
վաղորդենի , երեւեցուցիչ երեկոյի , տարրիչ
խաւարի , արուեստաւոր բարեհնար , իմաստու-
թեան գործունեայ , քաւարան օրհնեալ , հալիչ
մեղանաց , հալածիչ ցաւոց , քակտիչ դառնու-
թեանց , պահպանարան հանգստեան , հնար
նիրհման , յարմարիչ քնոյ , պարգեւիչ ննջման ,
ընչոյ յարակարգութիւն , զգայութեան տեւո-
ղութիւն , ցրիչ ցնորից , յեղանակիչ անընդ ,
փոխարկութիւն զարհուրմանց , այլայլութիւն
տխրութեանց , խափանիչ խիթմանց , ընդար-
ձակիչ կարծեաց , համադրութիւն ծփմանց , ա-
հազնութիւն խարդախմանց , հարուածիչ դի-
ւաց , փախուցիչ ախտից , ընկղմիչ գայթակ-
ղութեանց ,

Պաշտպանեա՛ն երկնաստեղծ ձեռամբդ, զօրացս՝ բարձրացեալ քո աջովդ, ամփոփեա՛ն ամենակալդ թեւօք, ծածկեա՛ն Աստուածեան խնամօքդ, ամրացս՝ վերակացութեամբ վերնայնոցդ շուրջանակի պարսպեա՛ն՝ գումարտակօքդ անմահից, 'ի յամենսւտ պարփակեա՛ն կցորդութեամբ հրեշտակացդ, վանեա՛ն զընդդիմամարտն իմ՝ զինուորութեամբ զուարթնոցդ, պատսպարեա՛ն՝ զսասանեալս՝ աստուածածնիդ մաղթանօք, զբանակս անդրանկացդ բարեկարգեա՛ն ինձ պահապան Քաց ընդ աչացս դիմաց և զմտացս իմ տեսանելիս. զգանստ արա ընդ հոգւոյս՝ և զծանրոքեան կրիցս դանդաղութիւն, վերացս՝ Տէր, 'ի զգալութեանցս՝ զմածեալս յիմարութիւն. բարձ, միայն բարեգործ, զպատրուակիս թանձրութիւն, Ընդ սկզբանն բերմանս լուսոյ՝ զօղորմութիւն քո ծագեա՛ն, ընդ ելից արեւուն՝ արդարութեան արեգակնդ 'ի յանձկութիւն սրտիս մտցէ. ճառագայթ քո փառացդ 'ի յիմաստիցս խորհրդանոց ջահեսցի, խաչիդ տեառնագրութիւն՝ ընդ շունչս և ընդ մարմինս համասփիռ տարածեսցի: Յանձն առնեմ քեզ յաւուրս զքո յարմարեալ տաղաւարս՝ պահպանաւ ոգւոյս՝ որ 'ի սմին: Զի դու ես Աստուած անքննիւն, առ ամենեսին բաւական եւ յամենայնում բովանդակ, օրհնեալ յաւիտեանս. ամէն:



ԱՂՕԹՔ ԵՐԵԿՈՑԵԱՆ

ԲԱՆ ԴԱ՝

Տէ՛ր, Տէ՛ր գթութեանց և Աստուած ողոր-
 փութեանց, Անուն մեծութեան, Չայն ահաւա-
 ճութեան, Կոչումն սոսակութեան, Լուր ան-
 հասութեան, Բարբառ դողութեան, Հնչումն
 հիացման, Յուսադրութիւն բարերարութեան՝
 Ամէնողորմ քաղցրութեան. յորմէ երկուցեալ
 ասանին ամենայն բնութիւնք եղելոց. 'ի քո
 պառնալեաց ահիդ պակուցման՝ սաւառնին Սե-
 փօլքէք, ամփոփին Քերօլքէք, պարուրին պարք
 րուսակերպիցն, երկնչին հիացմամբ՝ բոլոր Պե-
 րութիւնք վերնոցն, նոյնք ցնծան դողութեամբ
 Եծաւ՝ 'ի մի նաւակատիս բերկրութեան, զար-
 փուրին դեւք, բնկրկին չարութեանցն գունդք,
 զակասին խաւարասիրացն հոգիք, անդնդոց մատ-
 րին՝ հրեշտակք օտարին, Կապին նշանաւ Խաչին՝
 արձակմունք դիմամարտին, փակին 'ի ստորին
 անտի՝ քինաւոր Ամաղեկացիքն, անխզելի հան-
 ղուցիւքն պաշարին՝ խումբք հակառակօրդին,
 սրգելին անզերծ զնտանաւ՝ մահազինացն կա-
 ճառք, պնդին 'ի մետաղս ահեղ հրամանից՝ այ-
 րականացն գումարք, պապանծին կարկեալ՝ ընդ-
 իմարանիցն դասակցութիւնք, պարաւանդին
 իւրմամբ կորստեան՝ աներեւութիցն ժողովք,
 անլոյծ շղթայիւք նեղին՝ առաքելութիւնք դե-
 օպրքիստոսին:

Ահա կարկառեմ մատամբք ձեռինս զտեառնագրութիւն նշանիդ 'ի ժամ գիշերիս, որ սչ մթանաս խաւարաւ անգիտութեան, ամենեւին տեսականութիւն, քան թէ 'ի լոյս անմատոյց հանգուցեալ բնակիս: Ընկալ զաղաչողս վտանգաւոր գոհաբան՝ ընդ պահպանութեամբ թեւոց հզօրիդ, փրկեա՛ 'ի ցնորից՝ եկամուտ պղտորութեանց, սո՛ւրբ արա զզգայարան հայելեաց՝ սրտիս նկատմանց. ամբացն փայտիւդ կենաց՝ 'ի տխրական անբոց, արեամբ քո սրսկեա՛ զըջակայութիւն կայիցս, զհետս ելումտիցն՝ կաթուածով կենարար կողիդ գծագրեա՛, երգօցն պահպանարան՝ քառակերպիդ ձեւակերպութիւն եղիցի՝ հանդէպ տեսութեան աչացս ամբարձման՝ փրկականդ քո կրից խորհուրդ առդիցի, ընդ բարաւոր յարկիս՝ չարչարանաց քոց գործի հաստիցի գծառոյդ օրհնութեան՝ հաւատ յուսոյ իմոյ կախեսցի Արգե՛լ, Տէ՛ր, սովաւ՝ զսատակիչն հոգւոց մտցէ անխափան՝ պաշտպանն լուսոյ. և ընդ սաստիկ ծանրութեան ցաւոցս և զբեռն սարտեայութեթեւացն, զոր 'ի լռարանի մտացս ամփոփման մահճացս անկողնի, ուշաբերեալ զյուսահատութեանցն դառն պտղոցն, խոստովանիմ ամենագիտիդ՝ զանհամար մասունս գործոց չարաչար անօրէնութեանցս:

Հանգն զվաստակեսիլս՝ 'ի բազմածուփս աշխատութենէ, բարձ զտագնապ տարակուսանայոգւոյս կործանման, զդառնութիւնն ընդ վշտացն զհեծութիւնն ընդ կարեացն, զանձկութիւնն ընդ թշուառութեանցն, զհառաչմունսն ընդ խոր

ասկմանցն, զբեկութիւնսն ընդ ապշութեանցն,
 թմբբութիւնսն ընդ շրտմանցն, զարբեցու-
 թիւնն ընդ յիմարութեանցն, զթերամտութիւնն
 քնդ խելագարութեանցն, զսառուժն սիրոյն եւ
 հրոյսին ջերմութիւն աղուական ախտին, Սթան
 անկ լեր տկարութեան՝ բազմատխուրս տարտա-
 մութեան, բարեգործ աջովդ շնորհի, ձեռամբդ
 սրողողի, մատամբդ կենսաբաշխի, փառօքդ
 ճշտափայլի, յարակայութեամբդ աննղծի, երե-
 սորդ զուարթականի, իսկութեամբ Ելիդ պաշ-
 տելի, բարձրութեամբդ երկրպագելի, Հատո՛
 ջարաչար հեծութիւն՝ կորստականս խեղճման,
 նոր գիւտ չարին, զհին խարդախութիւն բան-
 արկութիւն, զօտար աղղեցմունս՝ ՚ի մահ կարթո-
 յին, զանյարմարական երեւոյթս՝ հանապազոր-
 ւեան եղեռնագործին, զառ աչս հնարադրու-
 թիւնն դժնդակ դիւին, զսղոքական բացաշնչու-
 թիւն ձգող կախարդին, Պահեան՝ ՚ի տեղւօջ հան-
 ւտեան մեռօրինակ սյսր դադարման յաներե-
 ոյթ մտածութեանց, ՚ի մասնաւոր սխալու-
 թեանց, ՚ի մեծագոյն գայթակղութեանց, ՚ի
 նորբագոյն ոտնառութեանց, ՚ի խարբբայ չոր
 անձրութեանց, Հեռացն զանդէս մտածու-
 թիւն՝ ՚ի զգայութեանց ծառայիս յանցաւորի,
 կիրս բասրելիս, զվարս թշնամանելիս, զգիպուածս
 զատկառելիս, զհետս վրիպելիս, զպատիրս ձա-
 յելիս, զխորհուրդս անդոսնելիս, զյաւելարա-
 րութիւնս նշկահելիս, Անսխալ հոգւով եւ անշա-
 ախ մարմնով զապաւինեալս ՚ի քեզ՝ հանդեր-
 եան ՚ի շնչմանէ հոգմոց, ՚ի զարկմանէ բռնու-

Թեանց , 'ի բախմանէ փոթորկաց , 'ի յոստմանէ
 մրրկաց , 'ի յարձակմանէ գազանաց : Ի կտփման
 աչացս , հայեցուած սրտիս մի ստուերասցի՝ այլ
 զուարթասցի , պայծառասցի , վայելչասցի , ընդ
 քեզ փայլեսցի , Տէր Յիսուս Քրիստոս , լուսա-
 ւոր վառմամբ անշիջանելեալ : Բանիւ քով սրբեան
 զպատասպորանս բազմակտնիս՝ 'ի խորամանկու-
 թեանց , 'ի զբաղմանց , 'ի քո ատելի յիշատա-
 կաց , 'ի վերնամարտ մտածմանց , 'ի քրէական
 մորոսութեանց , 'ի տիրանենգ անշնորհութեանց ,
 Աստուածընդդէմ հերձուածութեանց : Չըն-
 դիւք վերնայնոցդ՝ վերակացու ինձ լիցիս , պե-
 տութեամբք , իշխանութեամբք , զօրաւորօքն ան-
 յայլթականաց՝ մաքուր մատակարարաց Սուրբ
 Աստուածութեանդ . Առաքեալքն՝ աւետեաց
 Աւետարանաւն , Մարգարէք՝ կտակարանօքն
 մաղթանք երջանկաց՝ 'ի կատարածի աւուրն ըն-
 ծայեալ : Որովք նիրհեցից երկիւղիւ՝ ըստ քեզ
 տրտմութեամբ , և զարթեանց շնորհօք քո՝ կըր-
 կին ուրախութեամբ . եթէ վհատութեամբ նըն-
 ջեցից , յարեանց դարձեալ հոգեւորական բերկ-
 րութեամբ . եթէ ընկողմնեցայց մեղանօք
 կանգնեցայց վերստին զատեալ 'ի խղճէ անաղա-
 անքութեամբ :

Լուր խնդրուածոց՝ ամենահառաջ ձայնի
 հեծութեան , միայն բազմագութ , բարեխօսու-
 թեամբ սրբուհոց Աստուածածնիդ եւ ամենայն
 արդարոց եւ նահատակաց ընտրելոց : Եւ Քեզ
 փանօք յամենեցունց իմովս գոչմամբ՝ վերառա-
 քեցեալ սրբովք զուարթնոցն անմահականայ

դասուց, 'ի գովեստ Հօր քոյ Աստուծոյ մերոյ և
Հոգւոյդ Սրբոյ բնաւից հաստողի եւ յօրինողի՝
յաւխտեանս յաւխտենից. ամէն :

Հ Ա Ռ Ա Չ Ա Ն Ք

Ն Ա Խ Ք Ա Ն Ձ Խ Ո Ս Տ Ո Վ Ա Ն Ո Ւ Թ Ի Ի Ն

Բ Ա Ն Ի Է .

Ե ի քանզի ըստ ողբաձայնիցն բանաստեղծու-
թեանց վերընծայելոց՝ զդրութիւն թուոցս յար-
մարեցի կական և հեծութիւն, հառաչանք կող-
կողագլինք, դառնութեան լալումն եւ արտաս-
ուաց երգք. դարձեալ սկսայց զձառ պաղատա-
նացս խոստովանօրէն զղջականաբար, զգաղանա-
ծածուկսն յայտնաբարբառ. զի անդրադարձու-
թեամբ սկզբանցն եւ վերջնաւորօքն բառիւք՝
զնոյն համաձեւութիւն 'ի մի թախսնձ նմին մաղ-
թանոց հոգեկեցոյցն խոնարհութեան՝ աստանօր
եղից :

Մեղայ մեծիդ բարերարութեան՝ անարգս
մեղայ. Մեղայ ծագմանդ ճառագայթից՝ խա-
ւարս մեղայ. Մեղայ շնորհացդ անբաւ երախ-
տեաց՝ արդարեւ մեղայ. Մեղայ սիրոյդ վերնում
գթութեան՝ յայտնապէս մեղայ. Մեղայ ստա-
ցողիդ յոչնութենէ՝ ստուգապէս մեղայ. Մեղայ
գերունակ գոգոյդ գրգանաց՝ անբաւս մեղայ :
Մեղայ աննուաղլուսոյդ վայելման՝ նենգօղս մե-
ղայ. Մեղայ ճաշակման անճառդ կենաց՝ բա-

զումս մեղայ . Մեղայ անհաս պարգևացդ ձրից՝
հանապազ մեղայ . Մեղայ գովեալ մարմնոյդ Աս-
տուծոյ՝ մահու չափ մեղայ . Մեղայ պաշտելի ար-
եան Արարչիդ՝ իսկապէս մեղայ .

Ահա՛ արդարեւ օրհնեալ է հատուած բանի՝
յուսահրական սրտի այսր մեղայի . սոյն սա՛ պատ-
ուելի աւանդ , անմոռաց պատուէր , հայրեն-
եացն տուր , նախահարցն օրէն , համայնից թո-
շակ , անհերքելի բան , զօրաւոր պատասխանի ,
կենդանութեան կամուրջ , ախորժելի վերնոյն ,
սիրելի սրբոց , անխղելի կապ , հրաշալի բարբառ ,
անշքելի պատճառ , բաղձալի աղերս , փափաքե-
լի սեղան , սրտաբեկ հնչումն , անհնարից ձա-
րակ , կարծրութեան վանիչ , Աստուածապաշտից
սահման , հեթանոսաց գիրք , վաղնջուց կանոն ,
Քրիստոնէից հարազատ , արարչութեանն յաղ-
թող , անջրպետ հզօր , խտրոց ահաւոր , արուեստ
բարձրութեան , խորութիւն անչափ , հիացման
տեսիլ , խորհուրդ կնքեալ , ընդ որ չիք ումեք
անցանել՝ եթէ ոք անըմբռնելի մտաց արագման
զսա ծանիցէ . Չայն բարեպատեհ հրաշաւորական ,
որ ոչ յիշատակեցաւ ՚ի վերջին դատակնիք դա-
սուն լքելոյ . գուցէ առ նմին խղեալ համառօտ
զվրիժակն իրաւանց հասելոյ մահուն , յորմէ ընտ-
րութիւնն ապագործ եղեալ ըզսահմանն յաւի-
տենական քակտեսցէ . Զարդ փառացն՝ մեծու-
թեան , որով նոյն ինքն Աստուածութիւնն պսա-
կեալ բարգաւաւաճի . Քանզի ո՞վ որ դիմեալ կալաւ
զեղջերաց սեղանոյ այսր սրբութեան , և ոչ առ-
ժամայն պրծեալ ՚ի պատժոց անարատ գտաւ : իսկ

Իթէ Աքար Զարմեան, և Մաւուղ Կիսեան, և
Յուդա Սիմոնեան՝ ասելով զսոյն ոչ արդարացան,
եւ ես վկայեմ իրաւամբք՝ խոստովանեալ զայս
սոյսման բանի, զի յակամայիցն բռնադատելոց
ոչ է կատարեալ սէր, ուստի և ոչ բովանդակա-
պէս փրկութիւն։ Իսկ ես կամաւ համբուրեմ
դարձեալ կրկնելով զերջանիկ բանիդ զմկրտու-
թեան հարազատս։

Մեզայ երախտեացդ մոռացութեան՝ վերս-
տին մեզայ. Մեզայ մարմնոյ ձեռն յոգի հար-
եալ՝ յիմարս մեզայ. Մեզայ առ կեանսդ դժրո-
ղութեան՝ իսկ և իսկ մեզայ. Մեզայ բանիդ ա-
պաստ առնելոյ՝ չարաչար մեզայ. Մեզայ ՚ի յօր
սատակման ինձէն ստիպեալ՝ վատթարս մեզայ.
Մեզայ սարտականս անկենդան մահուն՝ ձաղե-
լիս մեզայ. Մեզայ անպատկառս քո բարձրու-
թեան՝ տաղտկալիս մեզայ. Ղերջին ինձ կրկին
աշխարհոգեւոր՝ զի ՚ի կորուստ և ՚ի կործանումն
ինձ երեւեցայ. զի անդարձս վարատեցայ, զի որ-
դիս թշնամի դրեցայ, զի ՚ի բարձանց երկնից
բնկեցայ, զի փուշս վարուց զիզեցի։ Եւ եւս
առ սմին ողբք աղաղակի, զի անձամբ զանձն ա-
նարգեցի, զի բազին կորուսչին գտայ։

Այլ իմն կսկիծ դժնդակ սրտի, զի զիս ունին
առ որ չեմ, զարտաքնայարդար բաժակս անմա-
քուր, զբռեալ որմս գարշունակ, զսին պարծա-
նօք պաճուճեալս, զլոյսս ՚ի մուայլ շրջեալ, զգե-
րանակիր ակնս թշուառացեալս, զջահս փառաց
շիջեալ, զամենայնիւ յամենայնի ամենայն իրօք
վնասակարս, առ տնօրինականսն տէրունականս,

առ յայտնութիւնսն Աստուածայինս , առ երեւմտեանս արարչագիրս , առ խոնարհութիւնսն սարսափելիս , առ այն զոր տեսի իսկ աչքք իմովք , առ որ մեծ է պատասխանատուութիւնս քան առ համօրէն Աւետարանն . զարմանս , հիացմունս հոգս հալողականս , անդաճմունս անհնարաւորս , թուականութիւնս մտաց անբարդելիս , ելմունս անկատարս , իջմունս անհաստատս , յուսահատութիւնս յարմարականս , յանդիմանութիւնս պատշաճականս , ձաղանս պատեհագոյնս , նզովս իրաւացիս , անէծս արժանահատոյցս : Արդ՝ այսորիկ են մեղաւորիս իմ՝ կշտամբութիւնք , եւ ինքնահարուած տանջանաւորութիւնք :

Եւ քանզի կարող ես զայս ամենայն զպարտութողուլ , և զխայթուածս մահու բժշկել , Տէր ողորմութեանց , Աստուած բոլորից , Քրիստոս թաքաւոր , բարձրեալ Հօր Որդի , ստեղծիչ , գթած , բարերար , օրհնեալ , առատ , հարսուտ , ահաւոր հղօր , ողորմած , տեսուչ , ձեռնկալ , հաստիչ , ապրեցուցիչ , դարմանիչ , կեցուցիչ , երկայնամիտ . անոխակալ , ապաւէն , բժիշկ , գովեալ , երկնաւոր , անձառ , լոյս , կեանք , յարութիւն , նորոգութիւն , քաւութիւն :

Իթէ՛ հայեացիս մարդասիրութեամբ՝ ըստ որում քոյդ են սովորութիւնք՝ նայեցեալ ՚ի քեզ կողկողիմ և ես . եթէ՛ լուիցես՝ հառաչեմ . եթէ՛ ունկն մատուցանիցես՝ պաղատիմ . եթէ՛ անսայցես՝ աղերսեմ . եթէ՛ ներեացես՝ աղաչեմ . եթէ՛ առ իս դառնայցես՝ գոչեմ : Ապա եթէ՛ անտեսառնիցես՝ կործանիմ . իսկ եթէ՛ առ ոտն հարկա-

փոցես՝ լամ. եթէ զողբեպահն ոչ ընծայեսցես՝
 մեռանիմ: Ապա եթէ ահարկու դէմս ցուցանես՝
 սատակիմ. իսկ եթէ սաստեսցես՝ դողամ. եթէ
 նեթիւ տեսանես՝ սոսկամ. ապա եթէ սաստկա-
 կաս՝ սարսափիմ. եթէ հալածես՝ հեծեմ. իսկ
 եթէ ընդփայր հարկանիցես՝ հերքիմ. եթէ զող-
 բոց վհատութիւնս ոչ առցես՝ տագնապիմ. եթէ
 փստանաս՝ փախնում. ապա եթէ սպառնաս՝
 ընկճիմ. իսկ եթէ քննես՝ քարկոծիմ: Ապա եթէ
 ուժգին ակնարկես՝ սուղանիմ. եթէ ոչ անխայես-
 ցես՝ մերժիմ. եթէ կոչեսցես՝ խիթամ. իսկ ե-
 թէ աչս յառեսցես՝ ամաչեմ. եթէ ձայն տացես՝
 երկնչիմ: Զբարեացն պարգեւ մատնեալ, զերա-
 նութիւնն թողեալ, զշնորհն լքեալ, զուխան-
 ցրուեալ, զաւանդն կենաց մոռացեալ, զհամար-
 ձակութեանն վատահութիւն կորուսեալ, զստեղ-
 ժիչդ էից բարկացուցեալ, զանձառութիւն շնոր-
 հին ընդոտնեալ, զպատուոյն պատկեր այլայլեալ:

Իսկ եթէ առ այս խեղդ մահու հեծութեան
 ցաւոցս մտրդասիրեալ՝ առ իս ժամանեցուցես,
 Տէր Յիսուս Քրիստոս, զաղդեալն դիր ընանիլ
 ի յիս, եթէ բժշկութիւն դադարեցուցանէ զմեզս
 մեծամեծս. որով ամենառատ քաղցրութեամբ
 բով պատուաստեալ ՚ի բեզ, զբոյդ կերպարան
 լուսոյ լցեալ և նկարեալ յոգի՝ վերստին դտեալ
 սնդեցայց քաւեալ, և ստեղծեալ կրկին ՚ի փր-
 կութիւն անմահից կենացն անախտականաց. և
 բեզ ընդ Հօր Հոգւովդ Սրբով փառք յաւի-
 տեանս. ամէն:

ՆԱԽ ՔԱՆ ԶՀԱՂՈՐԴՈՒԹԻՒՆ

ԲԱՆ Ի Է.

Եւ արդ, զի՛նչ գոյ ասել ամաչեցելոյս յերեսաց մեծիդ ահաւորութենէ՛ բայց եթէ համրանալ, և հող 'ի բերան եղեալ, լռել 'ի սրտի՛ ըստ Մարգարէութեանն խրատու, ահա՛ 'ի բարւոյն կարկառեալ 'ի յոյս: Իսկ եթէ զփականս շարժողութեան շրթանցս բացից, բռնադատեցից՝ խօսիլ կամեցեալ, դարձեալ զնոյն ձայն կրկնակական եղբերգութեան լալեաց բազմութեան՝ խէթ մտացս առաջագրէ:

Եւ արդ, ողբակից մեծ մեղաւորին՝ անօրինեցելոյ կամաւ առ 'ի մահ, զնորին գոչումն երկրորդեցից և ես ընդ նմին. մեղայ, Տէր, մեղայ, և անօրէնութեանց իմոց ինձէն վկայեմ: Հիւսեալ ընդ նմին զբանս յիսներորդի Սաղմոսին, անթիւս գրեմ զպարտուցս սակ՝ անձինս մեղանաց, քան զհող երկրի հողմահոս փոշոյ ընդ օդս ամենայն տարածեցելոց: Մեղայ յերկինս և առաջի քո. ընդ Անառակ որդւոյն պատկառեցելոյ՝ հայրենի գթոյդ վերստին դարձեալ թախանձարկանեմ: և զողորմելին ձայն սղերսանաց՝ արտօսրածին ողբովք գոչման 'ի տխուր դէմս մատուցեալ, առաջի քո տարածանեմ: Հայր գթութեանց, Աստուած բողորից, չեմ արժանի կոչիլ և ո՛չ բնաւին առ այս անուանիլ, ո՛չ միայն որդի՛ սյլ և անպիտան ապաբան վարձկան:

Ընկան զսովեալս տարադրական՝ պարտապան
 Մասուց . և զցաւ քաղցոյս լլկանաց նեղելոյս և
 նուաղելոյս՝ կենաց քո հացիւդ բժշկեսցես : Է՛ր
 ընդ առաջ քո ողորմութեամբդ՝ ՚ի սկզբնաւորս
 սպաւինութեան . զգեցն , գթանձ և անոխակալ ,
 անօրինեալս մեղապարտի՝ զնախակապուտ հան-
 դերձին ծածկոյթ . աւանդակորոյս ձեռացս աղ-
 տեղեալ մեղօք , զկնիք մատանւոյն համարձա-
 կութեան՝ ամենառատ կամօք մատուոցես . զգար-
 շապարացս թշուառութիւն մերկութեան ոտիցս ,
 պատասպարութեամբ Աւետարանական ամրավե-
 րարկու օդից կօշկաց՝ ՚ի յօձին թունից միշտ ամ-
 բացուսցես : Զզուարակդ պարարակ եղինդ երկ-
 նայնոյ , որ է Միածին Որդիդ քո՝ օրհնեալ իսկա-
 պէս մարդասիրութեամբ , կարօտելոյս բարեաց՝
 նուիրեան . որ մատուցեալ միշտ՝ և անպակաս մնայ
 ՚ի լրութեան յարակայ , զենեալ ՚ի սպանդարանի
 անթիւ սեղանոց՝ անսպառութեամբ . բոլոր յա-
 մենեօին և բնաւ յամենայնում , էութեամբ յեր-
 կինս և իսկութեամբ ՚ի ստորինս , աննուազ մարդ-
 կութեամբ և անթերի Աստուածութեամբ . փրշ-
 րեալ բաշխի ՚ի մասունս անհատս , զի զհամայնն
 հաւարեսցէ առ ՚ի նոյն մարմին իւրումն գլխոյ .
 բեղ փանօք ընդ նմին , Հայր ողորմութեանց յա-
 լիտեանս . ամէն :

Յ Ե Տ Լ Ա Ղ Ո Ր Դ Ո Ւ Թ Ե Ա Ն

Բ Ա Ն Խ Թ .

Ե ի արդ , մի տիրեսցեն անօրէնութիւնք
քում պատկերիս կայսերականի արքայութեանդ
վերնում , Աստուած բոլորից լուսոյ . մի կապ-
տեսցէ գոռոզն ապստամբ զզարդ փշմանդ շնորհի
'ի քո ստեղծեալս կերպէ . մի թագաւորեսցեն
մեղքն խափանեալ՝ մարմնոյս մահացուի , առ 'ի
գրաւել զիս 'ի նոյն : Ձիք իմ թագաւոր առ իշխել
շնչոյս՝ բաց 'ի քէն , Քրիստոս , որ անբռնադատ
հնազանդեցուցանես լծոյն քաղցրութեան , որ
բառնաս զկարիս մեղաց՝ ամենակարդ բանիւ , որ
արեամբդ քո ստացար՝ և մարմնովդ կերակրեսցեր ,
որ կարգեալ սահմանեցեր ուխտ կենաց՝ անփո-
խադրելի . որ յոգի քո կնքեալ՝ կցորդ քեզ գրե-
լով , Հօր քոյ մատուցեր ժառանգակցապէս . որ
յանունն զենմանդ միշտ յիշատակաւ քո չարչա-
րանաց՝ առ նոյն բարերար աղօթել համարձա-
կեցեր , ստեղծիչ ամենից և կեանք :

Դ՛ո՛ւ ես Աստուած ամենայն հոգւոց , որ մե-
ծացուցեր զայս տուրս շնորհաց՝ քան զամենայն
գործոց քոց հրաշս . ո՛չ զերկինս իւրովքն զարդուք
և Հրեշտակացն սրայծառութեամբք , ո՛չ զերկիրս
և զմարդկութիւնս՝ և որ առ նոսա են զարմա-
նութիւնք , ո՛չ զսահման լայնութեան ծովու՝ եւ
որ 'ի նմա են եղելութիւնք , ո՛չ զանդուներս
աղիւսքն հանդերձ՝ եւ որ 'ի նմա են անբաւու-
թիւնք , ո՛չ բարձրացար յօրինմամբ այսբանեօք

Ահիւք՝ որչափ առ իմն կարեկցութիւն, յասելն
քո սուրբ Մարգարէիւն, քաղցրութեանց յու-
ոյ բարութիւն, ո՞վ է Աստուած իբրեւ զիս կա-
ող միշտ զմեզս թողուլ եւ ջնջել զանօրէնու-
թիւնս : Ահա՛ արդ ինկեալ են բանք քո, ս՛ղօր-
մած, և խոստովանեալ բարերարութիւնքդ, փա-
ռաւորեալ խորք խորհրդոցդ, եւ երկրպագեալ
զեզմունք շնորհացդ :

Արդարեւ ս՛չ որ բաւէ էլիցս թարգմանել
նստիւք նիւթական լեզուի՝ ՚ի մասանց այտի
բումդ գթութեանց, զոր առ իս ցուցար, յծ-
ոխնիչ, քանզի և մեծ իսկ է զօրութիւն՝ զհնա-
ցեալն անդրէն նորոգել ըստ առաջնումն պայ-
ծառութեան, քան յանգոյից ստեղծագործել :
Եւ զի ս՛չ է քո տկարութիւն՝ որ զօրութիւնդ ես
ամենայնիւ, առ որ բան քո միայն ազդեալ՝ զլրու-
թիւն գործոցն գլխաւորէ, ահա՛ յարիցես փա-
ռաւոր լինիլ, բարեգործ, ՚ի ստացուածս այս
կրկին անյուսալի փրկութեանս, զի իբաւամբք
ուխտի բարձրացի՝ հաստատուն եղեալ մեծա-
պէս օրհնաբանեալ աւետեացդ քո ձայն, ՚ի քա-
ւելոյդ շնորհ ծանուցեալ, սղօրմութեան լու-
սոյդ ուղերձեալ՝ քան ՚ի ճանապարհ ստեղծանե-
լոյն : Զի առ առաջինն՝ արարիչ միայն ճանաչիս,
իսկ առ միւսն՝ առաջնով կոչմամբն և երախտա-
ւոր, ընդ կերպացուցանելոյն՝ և քաւիչ, ընդ նօ-
րոգելոյն՝ և բարերար, ընդ հաստեղոյն՝ և սղօր-
մած, ընդ կազմելոյն՝ և հնարաւոր, ընդ յօրի-
նելոյն՝ և հեզ, ընդ նկարելոյն՝ և ամենազօր,
ընդ առաջնորդելոյն՝ և լոյս, ընդ տածելոյն՝ և

հովիւ , ընդ դարմանելոյն՝ և խնամիչ , ընդ ողջ պահելոյն՝ և բժիշկ , ընդ ձեռնկալու թեանն՝ և զօրավար , ընդ անպարտութեանն՝ և թագաւոր , ընդ արարչութեանն՝ և քաղցր , ընդ ամենատուր պարգեւացն՝ և առատ , ընդ միշտ անսալոյն՝ և ներող , ընդ ոչ բարկանալոյն՝ և անօխակալ , ընդ կարեացս վշտակցելոյն՝ և ծածկագէտ , ընդ յանձանձելոյ գթոյն՝ և ապաւէն , ընդ գերունակ գորովոյն՝ Աստուած , ընդ անսպառ բարութեանն՝ օրհնեալ յամենայնի :

Արդ , որպէս ստեղծեր մինչ ոչն իսկ էի՝ եւ ծանուցար ինձ գոյացուցիչ , և այժմ՝ զհոգի մաղթողիս՝ մարմնոյս տաղաւարաւ՝ յարդարեմս՝ անդրէն վերստին յանարատութիւն մաքուր սրբութեան նախնի լինելութեանն , զի բազմասցի առաւել աճեցուն եղեալ յաճախ՝ տուչութիւն անսահմանելի քոյցդ սքանչելեաց նորոգ ներկայիս քան զանցելոյ հնոցն ստուերականաց : Եւ ընդ ճառելոյս զթիւ մեղացս՝ որքան մտացս թեւս ընթանայ զանբերելիսն յիշատակել , արդարացայց յանուն քո , հղօր . և ՚ի պատմելս իմ ինձէն զանձին իմոյ բիծ՝ և դու թողցես զամբարչտութիւն բազում մեղանաց խոստովանելոյս , հղօր , ծանձկատես , ամենափրկիչ , զի մի ծայրագոյն լրութեամբ աւետեացս՝ դարձեալ նախնումն կարօտացայց , երանելով Սաղմոսիւն՝ զնորհօք փրկեալսն , մկրտութեամբն . եւ փշովք մեղաց յօգի խոցոտեալ , ձեռն քո մխեսցի յիս առաւելապէս այժմէն՝ վերստին , ծանր ունելով զբեռն պարտեացս՝ քան զքաղցրութիւն պարգեւացդ :

այլ աղատեան զիս օրհնաբանեալ Հոգւովդ Սրբով,
 աղաչեմ դքեզ՝ Տէր ամենայնի, յօրինաց մեղացն
 և մահու: Քան լիցի թէ անկցի ընդ տկարու-
 թեան սահմանաւ՝ ճշմարտութեանդ ծագումն,
 երբ զգրոյն օրինակ. քանզի ուր քաւութիւն է
 թագաւորեալ՝ վտարեալ են մեղք, և ՚ի խրախոյս
 կենդանի բանիդ՝ ոչ է յուսահատութիւն, և ամ-
 բարձեալ քոյսցդ շնորհաց՝ հալածեալ են պար-
 օտիք, և մերձ դուով ձեռինդ Աստուծոյ՝ ոչ գոյ
 անհնարաւորութիւն, այլ ամենեւին լուսաւո-
 ռութիւն, բովանդակասէս զօրութիւն, անպար-
 օտելի կարողութիւն: Քո է փրկութիւն, կենդա-
 նութիւն, նորոգութիւն, ողորմութիւն, միան-
 դամայն եւ քաղցրութիւն, աբքայութիւն, ա-
 ննեղծութիւն և փառք՝ յաւիտեանս. ամէն:



Բ Ժ Շ Կ Ո Ւ Թ Ե Ա Ն

Բ Ա Ն Ղ.

ԲԱՐԵՐԱՆԵԱԼ Աստուած երկնաւոր, միայն
 սրբաբէ, Տէր ամենակալ, մեծութիւն՝ անեղ,
 գթութիւն օրհնաբանելի, ողորմութիւն խոստո-
 լանելի, բարերարութիւն երկրպագելի, խնամա-
 կալութիւն պաշտելի, մարդասիրութիւն տօնելի,
 պահպանութիւն խնկելի, բարձրեալ անբնին,

մերձաւոր կամարար, սպաւէն անկասկածելի,
մխիթար սրտից, փարատիչ վշտաց, ապաքինիչ
ցաւոց, սպառնմն վհատութեանց, բարձունմն
պարտեաց, փոխարկիչ կարեաց, կարգաւորիչ
կրից, յարմարիչ բանից, սանձարկն լեզուի,
չքնադրութիւն շնչոյ, կացուցիչ հապագի, ամփո-
փիչ խորհրդոց, կրթարան կամաց, արձանացու-
ցիչ յուզմանց, հանդարտութիւն մրրկաց, խա-
ղաղութիւն ծփանաց, որ ունիս զթեւոց ամե-
նրնթաց իշխանականիս, եւ իմաստութեամբ
նուածեալ առ բեզ դարձուցանես :

Գոհաբանեալ միշտ երախտաւոր, որ հե-
զութեամբ անհպարտութեան երկայնամտեալ,
հանգչիս տենչանօք, անձառ հրաշիւք՝ յանձինս
սրբոց : Թագաւոր էից համայնից՝ ամենայնիւ
ճանուցեալ գթած . սկզբնահայր և նախաշաւիղ
սիրոյն ընթացից : Ճանապարհ կենաց, որ առաջ-
նորդես քաղցրութեամբ՝ դիմելոյս ՚ի լոյսդ վե-
րին : Ձեռնկալու մեծ վստահութեան, որ սչ
թողացուցանես գայթակղեցելոյս՝ ՚ի վայր կործա-
նիլ . յուսոյ կերպարան ճշմարիտ, առհաւատ-
չէիւ աղաչողաց մատանց՝ յայտնի երեւեալ . ա-
պաւինութիւն հանգստեան, որ ոչ երբէք մատ-
նես՝ վտանգի դատապարտութեան : Ազատու-
թիւն շնորհածիր, որ տաս լիսպէս՝ առանց փո-
խատրութեան փրկանաց, առատութիւն աննա-
խանձելի, որ քոյին փառաւորութեամբդ՝ զա-
նարգ նիւթ հողոյս ճոխացուցանես : Պայծառու-
թիւն անստուեր, որ ճառագայթիւք ահեղ
բարձրութեան պարածածկեալ զթշուառս՝ կրկին

արգաւած առնես : Գաւիչ մեղանաց բազմաց ,
 որ զհեղբեալս 'ի փրկութենէ՝ առաջնովն պայծա-
 ւութեամբ նորոքեալ , վերստին վայելչացուցա-
 նես : Հնարաւոր դիւրահաս՝ առ ամենայն ան-
 յառ դերամբարձութիւն յաւէտ յառաջեալ ,
 Վէք վստահութեան՝ առ խոստացելոցն վայելս .
 Երանութիւն անձկալի , յոր զկենդանութիւն
 նչոյս լքանել է ախորժելի՝ զի զքեզ գտից , կեն-
 դանի : Այնմք անփոխադրելի , առ 'ի քաւութիւն
 դերուոյս զօրացեալ ամենագովելի . անփոխելի
 զէզ կենաց , որ եւ մեռելոց բնաւին եղծելոց՝
 առնես զօքանչելիս : Ամենաստեղծ աներկբայե-
 լի , որ զհուրր կիզեալն , և զհողմով հոսեալն , և
 զժանեօք գազանաց ծախեալն՝ 'ի քթթել ական
 նովին հիւթականութեամբ անպակաս յարուցա-
 նես : Անհաւասար համարձակութիւն . յորում
 Աստուածօրէն պանծանօք պարծիլն է իրաւացի :
 Հայեանց , Տէր , յերկնից զուարթ քաղցրու-
 թեամբ՝ յամենակործան վտանգ նեղելոյս , և տրան-
 սնդորր հանգստական դիւրաւոր՝ 'ի բազմատագ-
 նապս հեծութենէ . Եւ զյարուցեալ գումարս
 սատակչոյն , եթէ սպառազէնք այսական դժնեայ
 հնարաւորութեան՝ բուռն մարտակցաց , պատ-
 կանեալ զինուք , եթէ մեղաց՝ տգեղ և քօ ատելի
 կերպարանք , եթէ ցաւոց և ախտից՝ վտանիչ և
 կորստական նշմարանք , մերժեսցես , հանցես ,
 հատցես խափանեսցես եւ հալածեսցես՝ հեռի
 ռահմանաւ 'ի սպառ տարագրեալ , անդարձ որոշ-
 մամբ վերստին կորստեանն . և կառուսցեն , կա-
 ցուսցեն նպատակ կենաց և ամուր մահարձան՝

զնշան թաչիդ՝ ապաւինելոյս ՚ի քեզ փրկութիւն :
 Եւ յայտ անպարտ և անպատիր և անվանելի
 արուեստից՝ ահաւորիդ մեծութեան , լուծցին
 որոգոյթքն գաղտնածածուկ , սատանայականք
 կապտեսցին մեկքենայքն , վատնեսցին գայթակ-
 ղութիւնքն , խայտառակեսցին հաղբիցն դրու-
 թիւնք , յայտնեսցին երեւոյթք որսոյն , գոցին
 նենգողին ծուլակք , վերասցին վարմին վերար-
 կուք , տոչորեսցին որոմանցն բոյսք , նղովեսցին
 բռնաւորին չարաբանութիւնք , կտրեսցի լար խա-
 բէութեան ՚ի մահ որսողին , պարսեսցին պատ-
 րողին բանասարկութիւնք , պակասեսցին զէնք
 զըպարտողին , անկցին սուսերք մահաբերին ,
 սուղեսցին սադրողին պատրաստութիւնք , արծա-
 կեսցին տոռունք տազնապողին : Այլայլեսցին
 սուտ կերպարանք կեղծաւորին , սատակեսցին
 խրոխտականացն խիստ յարձակմունք , ցրուեսցին
 կցորդութիւնք կերչացն , բաժանեսցին աղինք
 աւազակացն , քայքայեսցին բոյլք բարբարոսացն ,
 քանդեսցին ամրոցք ապստամբողացն , արգելցին
 ամպրոսք յանդգնելոցն , փարատեսցին փորձողին
 անձրեւք , հալեսցի և ցամաքեսցի եղեամն ա-
 ղանդաւորին : Թորտակեսցի եղջիւր գոռողին ,
 մանրեսցին ամբառնալիք դրօշիցն կերպարանաց ,
 փշրեսցին ամբարհաւաճութիւնք հպարտացելոցն ,
 նահանջեսցին դիմեցմունք ճակատելոցն , քակ-
 տեսցին միաբանութիւնք զօրացն Բելլարայ՝ թէ
 անմարմինք և թէ մարմնաւորք , փախիցեն ընդ
 նոյն ճանապարհ՝ ՚ի մի շաւղաց հետոյ , յիօթն
 տարակոյս . ՚ի գուբն ինձ փորեալ՝ ինքեանք ընկ-

ճեւոյն : Յեղանակեացին ձմերուկը ձանձրացուց-
 ցին , հատցի կապն՝ կցորդութեան մշտաջան ա-
 լաղակին , նողկասցի մտացս կայից՝ համբոյր շո-
 քորթթին , բնդմիջեալ մեկնեացին՝ նետաձգու-
 թիւնը նեղչին , կացցէ 'ի սասանման՝ նաւ խար-
 զախողին , խլեացին յարմատոց անտի՝ առամուկը
 խածանողին :

Վասն փայտիդ օրհնութեան կենաց՝ յորում
 պրկեցար Աստուածդ անբմբռնելի , յիշատակաւ
 բեւեռացդ՝ որով 'ի գործի մահուն մածուցար
 արարիչդ երկնի և երկրի , տրեամբդ տէրունա-
 կանաւ՝ որով զվիշտայն մեծ կարթիւ ածեալ որ-
 պացար . լեղւոյն դառնութեամբ զոր արբեր ,
 որով զղեղատուութիւն կորուսչին արտաքս հե-
 ղեր . սրտամարանութեամբ ըղձական ճառից կը-
 րիցն սարսափելեաց՝ որով զլքութիւն հակառա-
 կողին ըմբերանեալ ամուշեցուցեր . անուամբդ ան-
 հաստկանաւ ամենայնիւ անթարգմանելոյդ՝
 յորմէ դողան և դատապարտին սոսկացեալ սաս-
 փիկ սարսափմամբ բնութիւնք ամենայն երեւու-
 թից եւ աներեւութից . եղիցին այս ամենայն
 պարգեւք շնորհաց՝ խոստովանելոյս 'ի սլաշտպա-
 նութիւն , 'ի բժշկութիւն և 'ի քաւութիւն : Եւ
 մահարբեր դառնաթոյն օձին , և որ 'ի նմա ազդ-
 եաց տիեղերադաւ չարութիւնն՝ 'ի սատակումն
 եղիցի նորին . նոյն ինքն 'ի կորուստ , և յանբժշկա-
 կան հարուած տանջանացն՝ սովաւ մատնեսցի ,
 կապեացի եւ ըմբռնեսցի : Եղիցի՛ ողորմութիւն
 ստեղծողիդ բնդ իս , և շունչ ոգւոյս իմ բնդ քեզ
 սնբաժանօրէն կապաւ միացեալ 'ի մի :

Եւ որ որ ընթերցցի զայս աղերս ձայնի մաղթանաց՝ գոչման աղօթից, հայցման ծերոյ եւ տղայոյ, կուսի և երիտասարդի, և եթէ աղախնեաց որ պաղատեսցի Աստուածսիրաբար, հաւասարապէս անաչառութեամբ ընկալցին 'ի քէն մասն երանութեան՝ սարտուց ազատութեան, հաստեալ վերստին յանարատութիւն նորոք մաքրութեան, նկարեալ դարձեալ զքոյդ կերպարան անփոփոխելի: Ահա՛ տիրապէս հնարաւոր, զօրեղ, անպատում, անհաս, անիմանալի, տեսցեն աստանօր 'ի հառաչանս կողկողանաց այսր հեծութեան, որ 'ի բոլորից շրթանց ընծայեալ քեզ մատուցանի, վասն Հօր քո երկնաւորի և բարերարի, եւ Հոգւոյդ Սրբոյ՝ փառակցի եւ կենդանատուի՝ Աստուածածնիդ բարեխօսութեամբ և խնդրուածովք ամենայն սրբոց: Զի դու ստեղծեր զամենայն, և 'ի քէն եղեն ամենայնք, և դու տիրես ամենայնի. և քեզ փառք յամենեցունց, միդ յիսկութենէ՝ անժամանակ Երրորդութեանդ, զուգակցապէս փառաւորեալ յանբաւս և յաւիտենից յաւիտեանս. ամէն:



Մ Ա Ղ Թ Ա Ն Ք

ԱՌ ՍՈՒՐԲ ԱՍՏՈՒԱԾԱԾԻՆՆ

Բ Ա Ն 2 .

Եւ արդ՝ ՚ի վերայ այսքանեաց յուսահա-
տութեանց, եւ ահարկու սրտաբեկութեանց,
պակուցանողական սաստկութեանց, Աստուածա-
յին բարկութեանց՝ տաղնապետ ռզուով թախ-
ծութեան ՚ի սպառ, տղաչեմ դքեղ, սնւրբ Աս-
տուածածին. Հրեշտակ ՚ի մարդկանէ, մարմնա-
տեսիլ ֆերովելէ, երկնաւնր Արքայուհի, ան-
խանն իբր զօղ, մաքնւր որպէս զլոյս, անշաղմի
քստնմանութեան պատկերի՝ արուսեկին բարձ-
րութեան, գերազանց քան զընակութիւն՝ ան-
կոխելին սրբութեանց, երանաւոր խոստմանն
տեղի, եղեմ շնչական, ծանօ կենացն անմահից՝
բոցեղէն սրովն պարունակեալ. ՚ի բարձրեալն
Հօրէ՛ զօրացեալ եւ հովանացեալ, հանգստեամբ
հոգւոյն՝ հանդերձեալ եւ մաքրագործեալ. բնա-
կութեամբ Որդւոյն՝ յարդարեալ եւ տաղաւա-
րեալ. Միածինն Հօր՝ եւ քեզ անդրանիկ, Որդի
բն ծննդեամբ՝ եւ Տէր սրարչութեամբ. բնդ
անսխտ մաքրութեանդ՝ եւ անբիծ բարի, բնդ
անարատ սրբութեանդ՝ եւ խնամակալ բարեխօս:
Ննկալ զմաղթանս այսր աղերսանաց՝ քում դա-
ւանողիս, եւ մատն, բնծայեա՛ ընդ ամին խառ-
նեալ զբանն իմ նախնի մեծիդ ներբողի, ՚ի քոյդ
գրազատանս. հիւսեան, միացն զմեղուցելոյս դառն

հեծութիւն՝ ընդ քու մդ երջանիկ և խնկաւորեալ հոյցուածոց, տո՛ւնկդ կենաց՝ պաղոյն օրհնութեան, զի ՚ի քէն միշտ օգնեալ և բարեգործեալ, և ՚ի մաքրական քո ծնողութիւնդ ապաւինեալ և լուսաւորեալ, կեցից Քրիստոսի՝ Որդւոյ քո եւ Տեառն :

Օժանդակեան թեւոցդ աղօթիւք, խոստովանեալ մայրդ կենդանեաց, և յեկիցն իմ յերկրիս հովտէ՝ առանց լլկանաց հետեւիլ ՚ի կեանս՝ օթեւանացդ պատրաստութեան, զի թեթեւացի կատարածն իմ՝ ինձ ծանրացելոյս անօրէնութեամբ : Արասցես տօն ինձ բերկրութեան՝ զօրն իմ տագնապի, սղջացուցիչ երկանցն Յւայի . բարեխօսեան, խնդրեան, աղաչեան, զի ըստ անձառելի մաքրութեանդ՝ եւ ահա՛ զբանիդ հաւատամ զնդունելութիւն : Արտասուօք օգնեան վտանգեցելոյս, գովեսիլդ ՚ի կանայս . ծունր խոնարհեցն առ իմ հաշտութիւն, ծննդդ Աստուծոյ . ընդ իմօւմ թշուառիս հոգան, խորան բարձրելոյն . ձեռքն տո՛ւր անկելոյս, տաճար երկնային . վառաւորեան զՈրդիդ քո ՚ի քեզ, Աստուածօրէն ինձ հրաշագործել՝ քաւութիւն և ողորմութիւն, աղախին Աստուծոյ՝ և մայր . բարձրացի պատիւ քո՝ ինեւ, և ցուցցի փրկութիւնն իմ՝ քեւ :

Եթէ՛ զիս գտցես՝ Տիրամայր, թէ՛ ինձ ողորմեսցիս՝ Սրբբուհի, թէ՛ զկորուսեալս շահեսցիս՝ անարատ, թէ՛ զհարթուցեալս յանձանձեսցես՝ Երջանիկ, թէ՛ զամաչեցեալս յառաջ մատուսցես՝ բարեշնորհ, թէ՛ յուսահատելոյս ինձ միջնորդեսցես՝ միշտ սուրբ Կոյս . թէ՛ զմերժեալս ըն-

տանկեցուցես՝ մեծարեալդ Աստուծոյ, թէ՛ յիս
ցուցցես զգթածութիւն՝ լուծիչդ անիծից, թէ՛
զձփեալս հաստատեցես՝ հանգիստ, թէ՛ ՚ի խռո-
վութեանցս յուզմանց փոխեցես զիս՝ խնդաղա-
բար, թէ՛ վրիպելոյս ինձ հնարաւորեցես՝ գո՛վ-
եալ, թէ՛ վասն իմ մտցես ՚ի հանդէս՝ մահու նա-
հանջիչ, թէ՛ զգառնութիւնս իմ անուշեցես՝
քնոցրութիւն, թէ՛ զբաժանմանն իմ խորոց քակ-
տեցես՝ հաշտութիւն, թէ՛ զանմաքրութիւնս իմ
բարձցես՝ եղծմանն ընդատնիչ, թէ՛ զմատնեալս
մահու փրկեցես՝ կենդանի՛ լոյս, թէ՛ զլայեացս
ձայն հատցես՝ բերկրութիւն, թէ՛ զխորտակեալս
կողզութեցուցես՝ դեղ կենաց, թէ՛ ՚ի կործան-
եալս յիս ակնարկեցես՝ հոգեւելից, թէ՛ ողորմու-
թեամբ ինձ պատահեցիս՝ կտակ նուիրեալս
Օրհնեալդ միայն՝ ՚ի շրթունս անբիծս լեզուաց
երջանկաց, ահա՛ կաթիլ մի կաթին քումդ կու-
սութեան՝ յանձն իմ անձրեւեալ, կենաց ինձ
զօրէ, մայրդ՝ բարձրելոյ Տեառն Յիսուսի, արար-
չին երկնի եւ բնաւին երկնի, զոր անձառապէս
ծնար բովանդակ մարմնովն և համայն Աստուա-
ծութեամբն, որ փառաւորեալ է ընդ Հօր եւ
Հոգւոյն Սրբոյ էութեամբ եւ անքննութեամբ՝
մերոյին բնութեամբս միացելով, ամենայն և յա-
մենայնսամ, մի յերրորդութենէն. նմա փառք՝
յաւիտենից յաւիտեանս. ամէն :



Ա Ղ Օ Թ Ք

Մ Ա Ն Ա Ս Է Ի Թ Ա Գ Ա Ի Ո Ր Ի Ն

ՏԵՐ ամենակալ՝ աստուած արբահամու, իսահակայ, յակոբայ եւ զաւակի նոցա արդարոց .
ամենակալ տէր՝ Թ՛՛՛ղ զմեզս իմ :

ՈՐ արարեր զերկինս եւ զերկիր, եւ զամենայն
զարդ նոցա . ամենակալ տէր՝ Թ՛՛՛ղ զմեզս իմ :

ՈՐ կապեցեր զծով բանիւ հրամանի քոյ, փակեցեր
զխորս, կնքեցեր ահաւոր եւ փառաւորեալ,
անուամբ քոյ սրբով . ամենակալ տէր :

ՈՐ ամենայն ինչ սարսի եւ դողայ յերեսաց ահի
զօրութեան քոյ . ամենակալ տէր :

Անբաւ է մեզ վայելչութիւն փառաց սրբութեան
քոյ . սաստիկ է բարկութիւն սպառնալեաց քոց
՚ի վերայ մեզաւորաց . անչափ եւ անքննին են ողորմութիւնք
աւետեաց քոյ . ամենակալ տէր :

Գու տէր բարձրեալ, գթած, երկայնամիտ, բազում
ողորմ . եւ զղջնասս ՚ի վերայ չարեաց մարդկան .
ամենակալ տէր :

Գու աստուած՝ ոչ եզեր ապաշխարութիւն վասն
արդարոցն՝ արբահամու, իսահակայ եւ յակոբայ,
որք ոչ մեզան քեզ . ամենակալ տէր :

Այլ եզեր ապաշխարութիւն վասն իմ մեղաւորիս .
զի մեզայ աւելի քան զաւազ ծովու, եւ բազմադաս
անօրէնութիւնք իմ . ամենակալ տէր :

Չեմ արժանի հայիլ եւ տեսանել զբարձրութիւնս
երկնից՝ ՚ի բազմութենէ անօրէնութեան իմոյ .
ամենակալ տէր :

կորացեալ եմ ես 'ի բռնութենէ կապանաց երկաթից , և ոչ գոյ ինձ հանգիստ . ամենակալ Բարկացուցի զսրտմտութիւն , և չար առաջի քո արարի' : կանգնեցի պատկեր եւ բազմացուցի զցասումն . ամենակալ տէր :

Եւ արդ տէր՝ խոնարհեցուցանեմ զձունր սրտի իմոյ , եւ հայցեմ 'ի քաղցրութենէ քումմէ . ամենակալ տէր :

Մեղայ տէր մեղայ , և զանօրէնութիւնս իմ ես ինձէն դիտեմ . ամենակալ տէր :

Ազաչեմ և խնդրեմ 'ի քէն՝ թո՛ղ ինձ տէր , թո՛ղ ինձ , և մի կորուսաներ զիս ըստ անօրէնութեան իմոյ . ամենակալ տէր :

Մի յաւիտեան բարկանար ինձ տէր , և մի յիշեր զչարիսն իմ . և մի պարտաւորեր զիս ընդ իջեալն 'ի ներքոյ երկրի չարեօք . ամենակալ տէր :

Ձի դու աստուած՝ աստուած ապաշխարողաց ես , եւ յիս ցոյց զբարերարութիւնս քո , որ անարժան եմ . ամենակալ տէր :

Կեցուսցես զիս ըստ բազում ողորմութեան քում . և ես օրհնեցից զքեզ զամենայն աւուրս կենաց իմոյ : ամենակալ տէր :

Ձքեզ տէր՝ օրհնեն ամենայն զուարթունք երկնից , և քո են փառք յաւիտեանս . ամէն . Փառք հօր և որդւոյ և : Այժմ և միշտ և :

Ազաչեմ եւ խնդրեմ 'ի քէն տէր , թո՛ղ ինձ զմեղս իմ :

Բազումողորմ տէր , ողորմեա՛ ինձ :

Աստուած՝ քաւես՝ զիս զմեղաւորս 'ի մեղաց , եւ կեցո՛ւ :

Արարիչ իմ և յոյս աստուած , գթան յիս 'ի մե-
ղուցեալ ծառայս . և ողորմեան ինձ բաղձամեղիս :
Ամենօրհնեալ սրբուհի՛ և միշտ կոյս աստուա-
ծածին մարիամ . բարեխօսեան առ տէր վասն իմ
մեղաւորիս ,

Ամենայն սուրբք աստուծոյ՝ բարեխօսեցէ՛ք առ
հայր 'ի յերկինս վասն մեր մեղաւորացս :
Քրիստոս որդի աստուծոյ անոխակալ , ընկալ
զաղաչանս մեր . զի 'ի քեզ են ապաւինեալ ան-
ձինք մեր :

Յաղթող զօրութեամբ՝ սուրբ և կենդանարար
եւ պատուական խաչիւ քով տէր՝ պահպանեան
զմեզ ,

Առաքեան տէր՝ զհրեշտակ խաղաղութեան քոյ ,
որ եկեալ պահեսցէ զմեզ անխառովս 'ի տուէ և
'ի գիշերի :

Եւ մարդասիրութեամբ քով յիշեան զմեզ տէր՝
յիշեան զմեզ , յորժամ գաս արքայութեամբ
քով , և ողորմեան մեզ :

Ք Ա Ր Ո Ձ

Եկեալքս 'ի խոստովանութիւն ապաշխարու-
թեան՝ հաւատով զյոյս միածնի որդւոյն աս-
տուծոյ դիցուք 'ի սիրտս մեր , ինդրելով 'ի նմա-
նէ զքաւութիւն և զթողութիւն յանցանաց մե-
քոց : Վասն զի նա ինքն է նախախնամողն աս-
տուած յախտենական . որ եկն կամաւ հօր 'ի
փրկել զարարածս . և ասաց՝ զինքն լինիլ քաւիչ
մեղաւորոց , յոյս ապաշխարողաց , շնորհելով

զհանդիստ աշխատելոյ՝ ընդունելով զծանրաբեռնեալքս և զտաժանեալքս մեղօք յապաշխարութիւն քաւութեան : Արդ՝ եկնյք ամենեքեան խոնարհեալ անձամբք՝ բեկեալ սրտիւք անկցուք եւ լացցուք առաջի տեառն արարչին մերոյ . զի անցուսցէ ՚ի մէնջ զցասումն պատուհասի յանցանոց մերոց բարեբարութեամբն իւրով : Ամենակալ տէր աստուած մեր՝ կեցո՛ և ուղարմեա .

ԱՂՕ Թ Ք

Տէր աստուած փրկութեան մերոյ՝ որ ողորմածդ ես եւ դժած , երկայնամիտ բազումողորմ , եւ զղջանաս ՚ի վերայ չարեաց մարդկան . որ ոչ կամիս զմահ մեղաւորին , այլ զդառնալ նորա ՚ի չար ճանապարհէն և զկեանն : Դու տէր՝ առատ ողորմութեամբդ քով մխիթարեան զճառայսս քո , և տուր սոցա տեղի ապաշխարութեան : Հաշտեան մարդասիրութեամբ քով . և արա՛ զսոսա անդամս եկեղեցւոյ քում սրբոյ : Որպէս զի առողջացեալք հոգւով՝ խոստովանութեամբ և ապաշխարութեամբ մտցեն յեկեղեցի քո սուրբ : Եւ ընդ ժողովրդեան քում , քեզ հանցեն զօրհնութիւն և զփառս հօր և որդւոյ և հոգւոյդ սրբոյ . այժմ և միշտ և յաւիտեանս յաւիտենից . ամէն :



Հ Ր Ա Ճ Ա Ր Ո Ւ Մ Ն

Հրաժարիմք 'ի սատանայէ եւ յամենայն խաբէութենէ նորա, 'ի պատրանայ նորա, 'ի գնացից նորա, 'ի չար կամաց նորա, 'ի չար հրեշտակաց նորա, 'ի չար պաշտօնէից նորա, 'ի չար կամարարաց նորա, եւ յամենայն չար զօրութենէ նորա՝ հրաժարելով հրաժարիմք:

Զայս երէցս իրինէ՝ երես 'ի յարեմոսքս՝ և յեսս 'ի իոր ունելլ: և ապա Դատնայ յարեւելլ: և սխանի զԴատնանիսն ուղղախառ հասարոյ, Բացագլլիս և յեռնամած կերպիս, և ասէ:

Խոստովանիմք և հաւատամք ամենակատար սրտիւ զհայրն աստուած. անեղ, անձին, եւ անըսկիզբն. այլ և ծնող որդւոյ և բղխող հոգւոյն սրբոյ: Հաւատամք զբանն աստուած, անեղ՝ ծընեալ և սկսեալ 'ի հօրէ նախ քան զյաւխտեանս. ոչ յետոյ և ոչ կրտսեր. այլ որքան հայրն հայր՝ ընդ նմին եւ որդին՝ որդի: Հաւատամք զսուրբ հոգին աստուած, անեղ՝ անժամանակ. ոչ ծնեալ այլ բղխեալ 'ի հօրէ. Էակից հօր եւ փառակից որդւոյ: Հաւատամք զերրորդութիւնն սուրբ, մի բնութիւն, մի աստուածութիւն. ոչ երեք աստուածք, այլ՝ մի աստուած. մի կամք, մի թագաւորութիւն, մի իշխանութիւն. արարիչ երեւելեաց եւ աներեւութից: Հաւատամք յեկեղեցի սուրբ՝ զթողութիւն մեղայ՝ հաղորդու-

Թեամբ սրբոց, Հաւատամք զմինն յերկց անձանց
 զբանն աստուած՝ ծնեալ ՚ի հօրէ. նախ քան զյա-
 լիտեանս. ՚ի ժամանակի իջեալ յաստուածածին
 կոյսն Մարիամ. առեալ յարենէ նորա՝ միաւոր-
 եաց ընդ իւրում աստուածութեանն. իննամ-
 սեայ ժուժկալեալ յարգանդի անարատ կուսին.
 և եղև աստուածն կատարեալ՝ մարդ կատար-
 եալ. հոգւով և մտօք և մարմնով. մի անձն, մի
 դէմ, եւ միաւորեալ մի բնութիւն: Աստուածն
 մարդացեալ առանց փոփոխման եւ տռանց սյ-
 լայլութեան, անսերմն յղութիւն և անսպական
 ծնունդ. որպէս ոչ է սկիզբն աստուածութեան
 նորա՝ և ոչ վախճան մարդկութեան նորա: (Զի
 Յիսուս Քրիստոս երէկ և այսօր՝ նոյն և յաւի-
 տեան): Հաւատամք զտէրն մեր Յիսուս Քրիս-
 տոս շրջեալ ՚ի վերայ երկրի. յետ երեսուն ա-
 մաց եկեալ ՚ի մկրտութիւն: Հսոյր ՚ի վերուստ
 վկայեալ, Դատ է որդի իմ սիրելի. և հոգին սուրբ
 աղաւնակերպ իջեալ ՚ի վերայ նորա: Փորձեալ ՚ի
 սատանայէ և յաղթեալ նմա. Քարոզեալ մարդ-
 կան զփրկութիւն: Աշխատեալ մարմնով, վաս-
 տակեալ՝ քաղցեալ՝ և ծարաւեալ: Յետոյ եկեալ
 կամաւ ՚ի չարչարանս. խաչեալ՝ և մեռեալ մար-
 մնով. և կենդանի աստուածութեամբն: Մար-
 մինն եղեալ ՚ի գերեզմանի՝ միաւորեալ աստուա-
 ծութեամբն, եւ հոգւովն իջեալ ՚ի դժոխս՝ ան-
 բաժանելի աստուածութեամբն: Քարոզեալ հո-
 գւոցն՝ աւերեալ զդժոխս և ազատեալ զհոգիսն:
 Յետ երկց աւուրց յարուցեալ ՚ի մեռելոց և ե-
 բեւեալ աչակերտացն: Հաւատամք զտէրն մեր

Յիսուս քրիստոս՝ նովին մարմնովն համբարձեալ յերկինս և նստեալ ընդ աջմէ հօր: Այլ և գալոց է նովին մարմնովն և փառօք հօր՝ ՚ի դատել զկենդանիս և զմեռեալս: Որ և յարութիւն ամենայն մարդկան: Հուշատամբ և զհաստուցումն գործոց. արդարոցն կեանք յաւիտենական, եւ մեղաւորացն տանջանք յաւիտենական:

Ձ Ղ Ջ Ո Ւ Մ Ն

Մեղայ ամենաուրբ երրորդութեանն՝ հօր և որդւոյ և հոգւոյն սրբոյ: Մեղուցեալ եմ աստուծոյ. խոստովանիմ առաջի աստուծոյ՝ և սրբութեանս աստուածածնին, եւ առաջի քո հայր սուրբ՝ զամենայն մեղս զոր գործեալ եմ: Քանզի մեղայ խորհրդով բանիւ և գործով. կամայ և ակամայ, գիտով թեամբ եւ անգիտութեամբ, մեղայ աստուծոյ:

Մեղայ հոգւովս և զօրութեամբ սորա. մտօքս և շարժմամբ սորա. մարմնովս և զգայութեամբ սորա: Մեղայ զօրութեամբ հոգւոյս. խորամանկութեամբ, անզգամութեամբ, յանգստութեամբ և երկչոտութեամբ, շոյալութեամբ և ժլատութեամբ, զեղխութեամբ եւ անիրաւութեամբ. ջարահաւանութեամբ, յուսահատութեամբ, և թերամտութեամբ, մեղայ աստուծոյ:

Մեղայ չար խորհրդով մտացս. նենգութեամբ, ատելութեամբ, խեթիւ, մախանօք, յաչաղանօք, թուլութեամբ, պռոնկական խոր-

իրդով , արուական , իգական , անասնական ,
 բրաստական , գաղանական , 'ի գիշերի եւ 'ի
 օուրնջեան . երազական գիճութեամբ , եւ անբը-
 ջական գարշ աղտեղութեամբ , մեղայ աստու-
 ծոյ :

Մեղայ ցանկութեամբ մարմնոյս . հեշտու-
 թեամբ , պղերգութեամբ , յօրանջմամբ քնոյ ,
 շարժութեամբ մարմնոյս , եւ զազրագործու-
 թեամբ 'ի սէսսպէս ախտս . հեշտալքութեամբ
 լսելեացս , արատութեամբ աչացս , ցանկու-
 թեամբ սրտիս , իգութեամբ ընճագացս , պագ-
 շտութեամբ բերանոյս . անժուժկալութեամբ ,
 շուայտութեամբ , եւ արբեցութեամբ , մեղայ
 աստուծոյ :

Մեղայ չարարանութեամբ լեզուիս . ստս-
 խօսութեամբ , սուտ երգմամբ , երդմնադան-
 ցութեամբ , հակառակութեամբ , վիճաբանու-
 թեամբ , բանսարկութեամբ , շոգմոգութեամբ ,
 քսու , դատարկարանութեամբ , եւ ծաղու-
 դրախօսութեամբ , հերձախօսութեամբ , եւ անի-
 ծարանութեամբ . տրտնջելով , դժգոհելով , բան-
 բասելով , եւ հայհոյելով , մեղայ աստուծոյ :

Մեղայ գողութեամբ ձեռացս . ագահելով ,
 գրկելով , հարկանելով , սպանանելով , եւ ընդ-
 գարշս ածելով , մեղայ աստուծոյ :

Մեղայ ամենայն յօդուածովք շինուածոյս եւ
 ամենայն անդամօք մարմնոյս . հնգեակ զգայա-
 բանօքս , եւ վեցեկի շարժմամբս . վերամբարձ ոտ-
 նահարութեամբ , եւ վայրաբարձ մեղկութեամբ .
 յաջ եւ յահեակ խոտորելով , զառաջնոցն մեղան-

չելով, և վերջնոցն չար նշաւակ գոլով, մեղայ
աստուծոյ ։

Այլ և մեղայ եօթնիցս յանցանօք՝ մահացու
մեղօք . հպարտու թեամբ՝ և մասամբք նորին .
նախանձու՝ և մասամբք նորին . բարկութեամբ՝
և մասամբք նորին . ծուլութեամբ՝ և մասամբք
նորին . ագահութեամբ՝ եւ մասամբք նորին .
որկրամոլութեամբ՝ և մասամբք նորին . բղջախո-
հութեամբ՝ և մասամբք նորին, մեղայ աստու-
ծոյ ։

Այլ և մեղայ ամենայն պատուիրանացն աս-
տուծոյ . յանձնառելեացն եւ հրաժարելեացն .
զի ոչ զյանձնառականսն կատարեցի, եւ ոչ ՚ի
հրաժարելեացն հեռացայ . Զօրէնս առի՝ և յօ-
րինացն հեղգացայ . ՚ի կարգս քրիստոնէութեան
հրաւիրեցայ՝ և գործովս անարժան գտայ . գի-
տելով զչարն կամաւ կորացայ, եւ ՚ի բարեաց
գործոց ես ինձէն հեռացայ . վնյ ինձ, վնյ ինձ,
վնյ ինձ . Զօրն ասեմ, կամ զո՞րն խոստովանիմ .
զի անթիւ են յանցանք իմ . անասելի են անօրէ-
նութիւնք իմ . աններելի են ցաւք իմ, և անբը-
ժչկելի են վերք իմ, մեղայ աստուծոյ ։

Հայր սուրբ՝ զքեզ ունիմ միջնորդ հաշտու-
թեան և բարեխօս առ միածին որդին աստուծոյ .
զի իշխանութեամբդ՝ որ տուալ է քեզ, արձա-
կեսցես զես ՚ի կապից մեղաց իմոց, աղաչեմ
զքեզ ։

Ա Ր Չ Ա Կ Ո Ի Մ Ն

Ողորմեսցի քեզ մարդասէրն աստուած, և թողութիւն շնորհեսցէ ամենայն յանցանաց քոց • խոստովանացելոցդ և մոռացելոցդ • Եւ ես կարգաւս քահանայական իշխանութեան և հրամանաւն աստուածային՝ թէ զոր արձակիցէք յերկրի, եղևցի արձակեալ յերկինս • նովին բանին արձակեմ զքեզ յամենայն մասնակցութենէ մեղաց քոց • 'ի խորհրդոց՝ 'ի բանից և 'ի գործոց • յանուն հօր եւ որդւոյ եւ հոգւոյն սրբոյ • Եւ դարձեալ տամ զքեզ 'ի խորհուրդս սուրբ եկեղեցւոյ • զի զոր ինչ գործիցես բարիս, եղևցի քեզ 'ի բարեգործութիւն և 'ի փառս հանդերձեալ կենացն • ամէն •

Օրհնեալ տէր մեր յիսուս քրիստոս • ամէն •
Հայր մեր որ յերկինս •




ՅԱՆԿ ԳՐՈՑՍ

ԵՐԵՍ

Աղաղակեցէք առ տեր ամենայն երկիր	65
Աղաշեսցուք զամենակալն աստուած և խնդրեսցուք	167
Սղաշեսցուք զամենակալն աստուած զի յաջողեալ	73
Աղաշեսցուք զամենակալն աստուած զի պահպանեսցէ	61
Աղաշեսցուք զամենակալն աստուած զհայր	143
Աղաշեսցուք զկենսատու փրկիչն մեր	88
Անկանխօք առաջի քո ուրբ աստուածածին	204
Անձն իմ 'ի ձեռս քո է յամենայն ժամ	198
Ապրեսցո զիս օտեր 'ի մարդոյ շարե	129
Առաջնորդ եղեն մեզ ուղիղ	46
Առաւօտեան ժամերգութիւն	21
Առաքեալ տեր զոյս քո	187
Ասացուք ամենեքեան միաբանութեամբ	41
Աստուած աստուած իմ ես առ քեզ առաւօտ	60
Աստուած մեծ հզօր և փառաւորեալ	44
Աստուած յաւիտենական	207
Ասա օրհնեցէք ամենայն ծառայք տեառն	150
Աբարի իրաւունս և արդարութիւն	180
Արդ արձակեալ զծառայս քո տեր	31
Արեւադարի ժամերգութիւն	63
Արթուն մտք և անզբօս խորհրդով	80
Արքայ երկնաւոր թագաւոր բարձրեալ	223
Բաժին իմ ես գու տեր	173
Բանից իմոց ունկն դիր տեր	56
Բարեբանեալ աստուած երկնաւոր	239
Գիշերային ժամերգութիւն	5
Գահարանելով աղաշեսցուք	79
Գահացարուք զտեառնէ	163
Գովեա երուսազէմ գտեր	119
Եկեալքս ամենեքեան 'ի ուրբ կաթուղիկէ	28
Եկեսցէ 'ի վերայ իմ սղորմութիւն քո տեր	188
Եղիցի անուն տեառն օրհնեալ յաւիտեան	63
Ես առ աստուած կարգացի	126
Երանեալ են անբիծք 'ի ճանապարհի	167

Երանի որ խորհի զազբասան	82
Երեկոյեան ժամերգութիւն	126
Երկրպագեմք քեզ տեր աստուած մեր	55
Եւ արգ զինչ գոյ ասել ամաչեցելոյս	254
Եւ արգ 'ի վերոյ պարսնեաց յուսահատութեանց	245
Եւ արգ մի տիրեցեն	256
Եւ եւս հաւատով ազաշեցուք	124
Եւ մեր միաբան զղորմութիւն	150
Եւ քանդի ընդ սղբաձայնիցն բանաստեղծութեանց	229
Զարթոցեալքս ամենեքեան	14
Զհանգստեան զաղօթն	220
Զճոյնութիւն սրբոց մարտիրոսացն	47
Ընկալ տեր զազաշանս մեր	219
Ընկալ քաղցրութեամբ	205
Ժամամուտք	92
Ի կարգալ իմում լուար ինձ աստուած	155
Լցար առաստու սղորմութեամբ քով	21
Լսազգահան ժամերգութիւն	154
Խնդրեցուք հաւատով 'ի հօրէ	85
Խնդրեցուք հաւատով 'ի տեառնէ	76
Խնդրեցուք հաւատով միաբանութեամբ	153
Խանարհեցս տեր զունին քո	126
Համբարձի զաշս իմ 'ի լերինս	145
Հայր մեր որ յերկինս	5
Հանգստեան ժամերգութիւն	187
Հասեալքս 'ի ժամ երեկոյիս	133
Հաւատամք 'ի մի աստուած	122
Հաւատով խոստովանիմ	211
Հրաժարումն եւ զզջումն	252 257
Ճաշու ժամերգութիւն	74
Ճաշու փոհք	118
Մայր սուրբ պրանչելի լուսոյն	48
Մեծացուցե անձն իմ զտեր	29
Մեակգիր	154
Միաբան ամենեքեան	74
Յարեւելից մինչեւ 'ի մուտս արեւու	64
Յիշեա տեր զպաշտօնեայս քո	62

Ուշամեծ հին աստուած	52
Որ բնակեալն է յօգնութիւն	146
Որդի աստուծոյ կենդանւոյ	210
Սերեցի զի լուիցէ տէր	55 89
Սուրբ զաստուածածինն	52 219
Սուրբ խաչիւս աղաչեսցուք զտէր	153
Սուրբ Ճգնաւորոքն աղաչեսցուք	62
Սուրբ սրտիւ և հաստատուն հաւատով	86
Վասն գտանելոյ մեզ զչնորհս և զողորմութիւն	20
Վասն 'ի գիշերի և 'ի տունջեան	18
Վասն 'ի վերուստ խաղաղութեան	17
Վասն լսելի լինելոյ տեսան աստուծոյ	52
Վասն խաղաղութեան ամենայն աշխարհի	55 121
Վասն հանգուցեալ հոգւոցն	91
Վասն հիւանդաց և ամենայն վշտացելոց	82
Վասն ուղղելոյ զցնացս մեր	19
Տէր ամենակալ	248
Տէր տէր գթութեանց	225
Տէր աստուած մեր գու պահեա	200
Տէր աստուած փրկութեան իմոյ	154
Տէր աստուած օրհնեալ օրհնեալ է տէր	76
Տէր եթէ զլրթունս իմ բանաս բերան	6
Տէր զի բազում եղեն նեղիչք իմ	6
Տէր թագաւորեաց վայելչութիւն զգեցաւ	118
Տէր լսո իմ և կեանք իմ	164
Տէր հովուեսցէ զիս	69 77
Տէր մի մասներ զմեզ խաղառ	88
Տէր մի յիշեր զմեզս մեր	81
Փառաւորեսցուք զամենակալն աստուած զհայր տեսան մերոյ	50
Փառաւորեսցուք զամենակալն աստուած որ ծագեաց զլսո	69
Փառք 'ի բարձունս աստուծոյ	39
Փառք քեզ տէր աստուած մեր	220
Օհնեալ ես տէր աստուած հարցն մերոց	22
Օրհնեալ տէր աստուած խրայելի	30
Օրհնեցէք զտէր ամենայն ազնիք	120
Օրհնեցէք զտէր յերկնոց	35
Օրհնեցէք մանկունք զտէր	52





[n 304]

ԳԱԱ Հիմնարար Գիտ. Գրադ



FL0043662

A 7
7545

